

Lantsloot van der Hagedochte


editie W.P. Gerritsen

bron

Lantsloot van der Hagedocht. In: Instituut voor Nederlandse Lexicologie (samenstelling en redactie), *Cd-rom Middelnederlands*. Sdu Uitgevers/Standaard Uitgeverij, Den Haag/Antwerpen 1998.

Zie voor verantwoording: http://www.dbnl.org/tekst/_lan002lant02_01/colofon.php

© 2012 dbnl



[Lantsloot van der Hagedochte]

A1ra

- Sijn name was merlijn
Dar ghi of [h]ebt ghehort algad[er]
Achter sinen ouder vader
¶ Alst so v[ort] was gheuaren
5 Dat mer[lij]n quam te .xij. iaren
Begonde [h]i slachten ende tieren
Na sijns vader manieren
Ende .i. deel na siere moeder
Hi was wiser ende vroeder
10 Van allen dinghen die souden ghescien
Dan iemen diemen hadde ghesien
Ende oec in [al] sijn doen
Men voerden den coninc vterpandragoen
[E]nde al[st] quam dar naer
15 Jnne weet ouer hoe menech ier
Dat die hertoghe starf
Tintageel ende bedarf
Bi verranese van vterpandragoene
Ende bi merlins doene
20 ¶ Om dat yguerne die coninghinne
Droech vterpandragoens minne
Doe ghinc hem merlin bekeren
Darmen vele an mochte leren
Jnt foreest ende in den wouden
25 Dar in ghinc hi hem onthouden
Hi was bedriegher ende loos
Dat was sine zede altoos
Want sine nature keerde algader
Na den duuel sinen vader
30 Ende hi conste meer liste
Dan enech man doe wiste
Mar hi was loos ende onghetrowe
¶ Jn clene bartanien was .i. ioncfrowe
Die ymeine was ghenant
35 En was ghene scoenre int lant
Si minde zere merline
Ende hi hare dat was anschine
Dicke wile quam hi te hare
Ende nam hars goeden ware
40 Beide bi daghe ende bi nachte
Ende si hilt hare wel in die wachte
¶ Ende si vraghede hem wi hi ware
Ende merlijn seidet hare
[Doe] seide die ioncfrou dat si soude
45 [Doen al] da[t] hi woude
[I]n dien dat hi hare vroet make
Van ere dinc van ere sake
Ende wise van siere behendichede
Merlijn diet gherne dede
50 Want hi die ioncfrowe minde
So dat hem dochte dat hi ontsinde
¶ Wat wildi dat ic v wise dan

- Sprac merlin die uele can
¶ Jc segt v sprac die ioncfrowe
- 55 Wat ic v bidde op trouwe
Dat ghi mi wijst die waerhede
Hoe men mach sluten ene stede
Met worden die hebben sulke cracht
Sonder slotel ende ander macht
- 60 Datse niemen ontsluten moghe
Sonder die gone diere toe doghe
Ende die de selue wort can
Js het wijf ofte man
Ende hoemen mach beduellen
- 65 Enen man ende met slape uellen
Dat hi ontwaken niene mach
No ouer nacht no ouer dach
Toter wilen dat ment ondoet
Des moeti mi maken vroet
- 70 Ende hoe wildi weten dat
Sprac merlin dar hi sat
Minne seit si ic segt v algader
Jc wilt doen dur minen vader
Gheuielt dat ic vwen wille dade
- 75 Weder vroe ofte spade
Ent dan mijn vader wiste
Bi enegherande liste
Hi soude mi scire nemen tleuen
Bidien moet di mi raet gheuen
- 80 Hoe dat ics mi mach verweren
Ende scuwen het mochte mi deren
Ende nemet wel ware des
Dattet gherechte trowe es
Ende dat gi mi niene lieghet
- 85 Met vwen worden ende bedrieget
Dadijt oec sijt seker dies
Dar an laghe v verlies
Jnne dade nemmer vwen wille
Weder lude ofte stille
- 90 ¶ Doe wijsdijt hare algader
Te doene slapen haren vader
Ofte enen andren man
Die si woude ende die sies an
Bidien so was hi selue .i. sot
- 95 Dat hi leerde har sluten .i. slot
Met worden sonder pine
Was het dore ofte scrine
Was het kerke ofte port
Biden worden diere toe hort
- 100 Dit was hare te horne lief
Ende si screeft al in enen brief
Want sie conste selue scriuen
Ende liet hare gheen wort ontbliuen
Ende tallen tiden dat si vernam

- 105 Dat merlin tote hare quam
 Dede sine slapen metten brieue
 Ende hi waende wesen met sinen lieue
 Mar en mochte niet ghescien
 Si wachte hare so wel van dien
- 110 Dat si behilt hare suerhede
 Ende hi hare anders niet en dede
 Dan hi ghinc ende keerde
 Biden worden die hi hare leerde
 Waneer dat hi van hare sciet
- 115 Ende sine dane gaen liet
 Waendhi seker sijn van desen
 Dat hi met hare hadde ghewesen
 Ende omme dat hi tierde .i. luttelkijn
 Nader vrowe die moeder sijn
- 120 So sliep hi als .i. ander doet
 Mar ghi moghets wel sijn vroet
 Had hi ghetiert algader
 Na den duuel sinen vader
 Sone mochte hi slapen niet
- 125 Want gheen duuel slapens pliet
 ¶ So langhe leerde si ende vernam
 An hem doe hi tote har quam
 Dat sine sloet in ene haghe
 Binnen der uren van enen daghe
- 130 Met crachte van worden
 Die ten woude behorden
 Dat strecte an cornvaelge
 Dar so bleef hi sonder faelge
 So dat niemen van hem ne wiste
- 135 Meer bi enegherande liste
 Want dat wout was harde groot
 Dar sine met worden in besloot
 Tusschen cornvalge ende sorloos
 Ne vantmen niet dan wout altoos
- 140 Die ghene diene dus besloot
 In den foreeste dat was groot
 Dat was die lantslote brochte
 Ghedraghen in die haghedochte
 Ende si hilten so werdelike
- 145 Dat men in gheen coningrike
 Vonden ne hadde gheen kint
 Van allen dinghen bet ghemint
 Entie vrowe was allene niet
 Dar ghi of horet d[i]t bediet
- 150 Si hadde vrowen ende ioncfrowen
 Die lantslote dicke bescouwen
 Ende teersten dat hi quam so vort
 Dedemenre alser toe behort
 Hem hebben .i. vroeden maghethoghe
- 155 Die hem scieten leerde metten boghe
 Ende menegherande ander spel

- Dat hi vernam ende leerde wel
 Men leerde hem doen ende laten
 Ende spreken oec te maten
 160 Ende alrehande houesschede
 Ende menegherande scone zede
 Dar hi hem mede scone gheliet
 Ende niemen en wiste hoe hi hiet
 Dene hieten scone vondelinc
 165 Ende dander conincs kint
 Mar die ioncfrou diene dar brochte
 Ende diere an leide al har ghedochte
 Ende in haren sin vercoos
 Si hieten scone wise altoos
 170 **D**us was lantsloot daer
 Metter ioncfrou .iiij. iaer
 Ende wes meer dan .i. ander dede
 Binnen .v. iaren in enegher stede
 Dat kint was so ouer scone
 175 Het mochte met rechte draghen crone
 Die ioncfrowe diene hadde te houden
 Si bedroech hare al in wouden
 Ende in groten foreesten
 Aldus segghen ons die walsche ieesten
 180 Ende die haghedochte was el niet
 Dar ghi of hebt ghehort tbediet
 Dan al gader touerien
 Salmen der rechter waerheit lien
 Beneden den berghe .i. luttelkijn
 185 Dar die coninc ban sinen fijn
 Hadde ghenomen doe hi bleef doot
 Dar stont een ghesate groot
 Van husen ende van zalen
 Die wel rikelijc mochten betalen
 190 Dat was der ioncfrowen al
 Beneden berghe in een dal
 Dar die haghedochte stoet
 Nv verstaet ic maecs v vroet
 Dar liep .i. scone riuiere
 195 Vol van vische meneghertiere
 Mochtemer vinden die si sochte
 Ende diere an leide sijn ghedochte
 Der ioncfrowen woninghen ende har ghesaten
 Stonden so bendelike vtermaten
 200 Menne mochte v lichte niet ghedieden
 Dar si woende ende hare lieden
 Biwilen alst har goet dochte
 Ende sies anders niet ghedochte
 ¶ Dus bleef lantsloot in haerre hoeden
 205 Ende bediede altoos in goeden
 Hier latic staen te deser vre
 Van lantslote die aenture

Hoe claudas coninc boerds kindre venc

[4 dubbelbladen ontbreken?]

Van der coninghinne van benewijc
 210 Ende van gaunes so ghelijc
 Die in den closter waren begheuen
 Ende leiden .i. swaer leuen
 Alse ten conincliken closter staet
 Nv hort hoe dese redene gaet

215 Hoe .i. monic den coninginnen maecte cont
 Dat hare kindre leueden ende waren gesont

Die aenture die hier comt in
 Seghet ons no meer no min
 Dan dattie coninghinne van benewijc
 220 Ende har suster also ghelijc
 Leiden .i. salich leuen
 Ten closter dar si waren begheuen
 Hem bequam wel die stede
 Ende al die voere mede

225 Van den clostre ende van den vrouwen
 Ende dienden gode met trouwen
 Die closter die wart cortelike
 Biden .ij. coninghinnen rike
 Want meneghe vrowe begaf har daer

230 Eer quam tenden dat iaer
 Dier in brochten groten scat
 Dur gode ende omme dat
 Datter die vrowen waren begheuen
 Ende leiden een salich leuen

235 **Die coninghinne van benewijc**
 Si ghinc elker daghelijc
 Dar toe ende andre nonnen mede
 Opten berch ter zeluer stede
 Dar har man doot bleef

240 Dar si dicke rouwe dreef
 Ende alsi keerde van der stede
 Ghinc si ter haghedochten mede
 Dar si har kint verloos
 Des so plach si altoos

245 Ende seide menech scone ghebede
 Dat god dur sijn omoedichede
 Die ziele moeste betalen
 Ende in hemelrike halen
 Want si waende dat hi ware doot

250 Har scone sone lantsloot
 ¶ Nv moghedu horen wat si plach
 Emmer opten maendach
 Dede si misse singhen twe
 Ter zeluer stede no min no meer

255 Dar har man begrauen lach
 Dat was opten maendach
 Ouer hem ende ouer har kint
 Dat si sere hade ghemint
 ¶ Tenen stonden was si ghegaen

260 Optie haghedochte staen

- Dar si haren rouwe dreef
 Ende ene langhe wile bleef
 Dus doghede si meneghe pine
 ¶ Een monic van swarter ordine
 265 Quam dar ghereden ter stede
 Dar si dede har ghebede
 Hi had ene svarte couele an
 Hem volghede achter .i. ionc man
 Doe hi sach hare onghedout
 270 Hadhijs wonder menechfout
 Dattie coninghine dreef
 Die cume in haren sinne bleef
 Hi groetse met sconen worden
 Ende alle die hare toe behorden
 275 Hi besachse meer allene
 Dan al dandre ghemene
 Dur dat si hem dochte so scone
 Ende wert van groten lone
 ¶ Doe sprac si weder so si eerst mach
 280 Here seit si salighen dach
 Gheue v god ende onse vrouwe
 ¶ Hi vraechde har wes si den rouwe
 Dreue also menechfout
 Entie grote onghedout
 285 Also began hise doe claghen
 Het was .i. man van ouden daghen
 Hi hadde gheweest ridder goet
 Dar te voren alst hem so stoet
 Dat hi der wapine mochte pleghen
 290 Ende alse hise hadde ghedreghen
 So langhe dat hi was .i. out man
 Doe begaf hi hem vort an
 Tenen closter van sinte augustine
 Hi doghede dur gode grote pine
 295 Hi hadde die armsceden groot
 Al waren si van vleessche bloot
 Ende dartoe alle sine lede
 Jnt ansichte ende te menegher stede
 Mochtemen scouwen liteikijn
 300 Dar hi ghewont hadde ghesijn
 Die goede man die daer was comen
 Alse hi wel hadde vernomen
 Den rouwe ende dat seer
 Dat si dreef in lanc so meer
 305 Van benewijc die coninghinne
 ¶ Doe sprac hi met soeten sinne
 Vrouwe seit hi en sittet niet
 Dat ghi der voeren pliet
 Sijt wijf ofte man
 310 Die hem begheuet ende keerter an
 Hi moet doen vte siere herte
 Allen rouwe ende alle smerte

- En ware allene om sine sonden
 So langhe dat hi heft onderuonde[n]
 315 ¶ Die coninghinne dat si hem seide
 Al vut enduut die waerheide
 Hoe si hadde haren man verloren
 Bi ongheualle daer te voren
 Dar omme dreef si niet .i. twint
 320 Het was algader om har kint
 Dat si verloos sine wiste hoe
 Om sulke sake droeuet soe
 Dat telde si den goeden man
 Dar si uele mercte an
 325 Bi al dien dat hare dochte
 Dat hi wel goet man wesen mochte
 Vrouwe seide doe die goede man
 Een deel hebdiere recht an
 Alte vele hadde si verloren
 330 An vrenden die hare toe horen
 Ghine sijt allene niet
 Daers den meneghen an messciet
 Diere scade of hebben ghenomen
 Mar sider dattet dus es comen
 335 Moetijt helen ende verdraghén
 Wat holper omme langhe clagen
 Want die ordíne wille
 Datmen verdraghét ende svighet stille
 Van ouder saken die gheuel
 340 Ende houden die ordíne wel
 Ende sijt des seker ende ghewes
 Dat v kint noch leuende es
 Ende harde wel te ghemake
 Van alrehande sake
 345 Ende also scone van siere ouden
 Alse of ghine selue hadt gehouden
 ¶ Alse dit die coninghinne horde
 Versuchte si metten worde
 .vij. warue al in een
 350 Van bliscepen eer si ghefeen
 Ende alsí doe te talen quam
 Van der bliscap die sí vernam
 Leide sí doe har hande te gader
 Te gode wart onsen vader
 355 Ende sí seide edel here
 Jc bid v dur die gods ere
 Dat ghi mí segt die waerhede
 Bi vwer rechter kerstíne
 Ofte lantsloot noch leuet
 360 Dar míjn herte omme heuet
 Sulc droefheit ende sulc seer
 Jnne mochten vertellen nemmermeer
 ¶ Vrouwe seit hi sijt onvervaert
 Jnne hebbe die waerheit niet ghespart

- 365 Jc weet wel dat v leuet
 Ende alle sinen wille heuet
 Van des den daghe toe behort
 Jc hebbe gheweten ende verhort
 An diene daghelijcs sien
- 370 Ende gheselschap met hem plien
 ¶ Ay here seit si waer ist dan
 Vraechde si den goeden man
 Mocht ict sien of spreken
 Dat mi doet mijn herte breken
- 375 Mijn scone kint lantsloot
 So ware mine bliscap groot
 Jof van verre darwart sien
 Mochtet mi also ghescien
 Ay here helpt mi daer toe
- 380 Dur vwe doghet of ghi weet hoe
 Dat bat si hem menech warf
 Dur onsen here die noit verstarf
 Wat dat si bat ende verspoen
 ¶ Hi seide hine mochts niet doen
- 385 Si mochte wel seker sijn dar of
 Want hi verlore sijn ghelof
 Mar ic ben wel seker das
 Dat hi in groter bliscap was
 So uele hijs mi ondecte
- 390 Ende vormi vertrecte
 Dat ic die rechte wareit weet
 Om te stelpene v leet
 Ende om te coelne vwen rouwe
 So bringhics v nimare vrowe
- 395 ¶ Ay here sprac die coninghinne
 Segt mj dur die gods minne
 Of hi es in siere viande lant
 Of wiene heuet in die hant
 ¶ Vrouwe seit hi neen hi niet
- 400 Hi troest se wel ende behiet
 Hi es sinen vianden verre
 Ghine durftes niet sijn erre
 Ouer hem hebben si ghene macht
 Hi es dar toe te wel ghewacht
- 405 Ende behoet van sinen vrient
 Die hem daghelix dient
 ¶ Des was die vrouwe verhuecht
 Ende bat hem dur sine duecht
 Dat hi in den closter quame
- 410 Ende saghe ende vername
 Hare voere ende hare sede
 Ende haren closter mede
 Of hi iet kende van den vrouwen
 Des maende sine bi siere trouwen
- 415 Die goede man was sciene beraden
 Ende seide dat hijt gherne dade

[1 blad + 6 katernen + 2 bladen ontbreken?]

- Behout hem god sine ghesonde
 Ende porren in corter stonde
 En dade hem noot of ander sake
 420 ¶ Des was die ioncfrou te gemake
 Doe siet hem seggen horde
 Si nam orlof metten worde
 An den ridder ende voer vort
 Van hare latic staen die wort
 425 ¶ Die ridder ne lette niet
 Doe die ioncfrowe van hem sciet
 Ende voer wech dat hi mochte
 Alsoe die aenture sochte
 Ende quam ghereden bet opten dach
 430 Dur .i. wout dar sijn wech lach
 ¶ Dar quam iegen hem in sijn ghemoet
 Beide tors ende te voet
 Liede bi groten scaren
 In die middelt quam gheuaren
 435 Een groot die hadde brocht
 An sijns paerts stert geknocht
 Enen man met ere line
 Dien hi dede grote pine
 Want sine oghen waren verbonden
 440 Ende sine hande te dien stonden
 Ghelijc dat menne doden wilde
 ¶ Die ridder metten witten scilde
 Quam ghereden die dat sach
 Hem dochte dat hi op ghenen dach
 445 Ghenen scoenren ne hadde gesien
 Met sinen ogen dan dien

[22 verzen ontbreken]

- Arturs wijf van minen goede
 Desen laster ende dese armoede
 Diemen mj doet alse gi siet
 450 Inne hebs verdient niet
 Nochtan salmen mj doden saen
 Ware die maeltijt ghedaen
 Metten ridder den gi hier siet
 Hine wils mj verdragen niet
 455 **D**oe seide die witte ridder saen
 Here het is domheit gedaen
 Na dien dat hi loghent des
 Ende hi der coninghinnen man es
 Ghine daet hem vonnesse daer of
 460 Hebben. inder coninghinnen hof
 Van des dat gi op hem wilt staden
 ¶ En holpe niet dat sies mj baden
 Sprac die ridder diene hadde geuaen
 Ic sal hem thouet of slaen
 465 Inne lietes niet dur man die leuet
 No kerstendoem ontfaen heuet
 No dat ic hem ander vonnesse doe
 Dan in mijn hof ic seg v hoe
 Hi heft mj lasterlike ghevoert
 470 Ende mijn vrouwe mijn wijf verhoert
 Des heuet si har lijf verloren
 Ende hi sals hebben sulken toren
 Eer hi van mj sal sceiden
 Hem sullen alle wijf verleiden
 475 Ic salne noch tauont doden
 Inne lates mj niet verbloden

[22 verzen ontbreken]

Dar die line an was geknocht
 Dar die gevanghene mede was brocht
 ¶ Doe stac hi tsuert in sine scede
 480 Si vinghen te haren speren bede
 Ghene ridders ende staken
 Alsoe die gerne souden gheraken
 ¶ Die grote ridder miste al
 ¶ Entie witte hadde sulc gheual
 485 Dat hi den groten ridder stac
 Sijn spere ne booch no ne brac
 Dore entore den lichame
 Hi viel al wast hem ombequame
 Ter erden ende sijn herte brac
 490 Die steke dede hem sulc ongemac
 Dat hi starf sulc was sijn gheual
 Sine liede waren ontwapent al
 Sine waenden hebben gheen ruwaert
 Nv waren si so sere vervaert
 495 Alsi den ridder saghen hem derde
 Sine sochten neghenen verde
 Si ghingen vlien bi groten scaren
 Darwart dat si comen waren
 Har here bleef ter erden doot
 500 Dur dat hi was so groot
 Hi hadde becoft sine ommate
 ¶ Die witte ridder reet siere strate
 Metten ghenen die was gevaen
 ¶ Nv hopet hi dat hi sal ontgaen
 505 Ende dancte den ridder sere
 Diepelike der groter ere

[22 verzen ontbreken]

- Op dien dach was ghesciet
 Ende vragede den ridder hoe hi hiet
 Dat hine hare noemen mochte
- 510 Die dat wonder dur hare wrochte
Die witte ridder antworde gaf
 Ende seide dat hi optien dach
 Niet ne mach weten sinen name
 Mar oft hem els bequame
- 515 Dat hi ter vrouwen varen wilde
 So segt hare teiken van minen scilde
 Dar bi sal sine bekennen
 Ende die ridders vander binnen
 ¶ Hi seide here dat loue ic wel
- 520 Ic dancs v ende nieman el
 Naest gode dat ic ben ontgaen
 Van hem die mj hadde geuaen
 ¶ Si scieden doe met deser tale
 Die gone voer neder in enen dale
- 525 Dar hi sach enen casteel staende
 Dar hi toeueraet bewaende
 ¶ Die witte ridder voer van daer
 Ende quam cortelike dar naer
 Dar hi ene porte vant
- 530 Staende in .i. plein lant
 Voren an ene scone zale
 ¶ Dar stont ene ioncfrowe die wale
 Sanc. ende scone was
 In die porte vor tpalas
- 535 **D**it heuet die ridder gehort
 Die dar quam ende reet vort

[22 verzen en 13 bladen ontbreken?]

- Dat hi des nachts ware sijn gast
 In enen casteel goet ende vast
 Si souden des morghens riden
 540 Wilde hi dien nacht met hem onbiden
 Ter steden daer hi hem behiet
 Doene wilde hijs ontsegghen niet
 Si voeren ter herbergen beide
 Die witte in sanders gheleide
 545 Entie sciltknaben entie ioncfrouwe
 Dien nacht waren si sonder rouwe
 Met bliscepen ende met spele
 Alle te samene in die zele
 ¶ Hier ne seghet die aenture niet
 550 Van dat hem meer es ghesciet
 Op dese wile noch op dese vre
 Hier kere ic weder te arture

 Nv suldi horen op dese vre
 Hoe galet ontseide arture

 555 **D**ie coninc ende sine lieden
 Eer si van den foreeste scieden
 Hadden si venisoens genoegh
 Dat ment op somers vor hem droech
 Ende keerden weder altemale
 560 Tot [carde]loot in die zale
 ¶ Teersten dattie coninc sat
 Ouer taflen ende hi at
 Quam .i. ridder in gheuaren
 Dar des conincs liede waren
 565 Die gewapent was ter core
 Hi beette vor die borch dore
 Ende quam ghegaen vor den coninc
 Dar die menege ten etene vinc
 Van diere saten in die zale
 570 ¶ Die ridder begonste sine tale
 Vor den coninc ende seide
 Al sonder enech ander gheleide
 Here mj heuet hier ghesant
 Die beste die leuet in enech lant
 575 Ende meerre eren es ghewone
 Dat es der scoenre gaiande sone
 Sine doghet die es groot
 Selue hiet hi galioot
 Hi onbiedet v dat gi v lant
 580 Houden moet van siere hant
 [A]lso v[err]e alset gaet
 Hier toe nes anders gheen raet
 Ende [e]s nv [co]ninc ne gheen
 In ertrike nietmer een
 585 [H]ine moet hem wesen onderdaen
 [E]nde van hem sijn goet ontfaen
 Of verliesent altemale
 Wildi volghen siere tale

- Ende houden sijn ghebod
 590 Hine leuet niet sonder god
 Dien hi vor v sal eren
 Wildi v te hem bekeren
 Dit onbiet hi v ende doet vraghen
 Hine wil niet crone draghen
 595 Vor hijt al beduonghen heuet
 Dat in al die werelt leuet
Doe seide die coninc inne weet
 Van mj wordet hem onghereet
 Te vorderne al sinen wille
 600 Hier of mach hi wel suighen stille
 Inne achte niet van sinen ghebode
 Mijn lant houde ic van gode
 Ende van el ne ghenen man
 Ic salt beurien vort an
 605 Inne achte op hem niet .i. aes
 Hi was dul ende duaes
 Dat hi v harwart heuet ghesent
 Omme alsulc .i. couent
 ¶ Here seide hi dats mj leet
 610 Ic ben wel seker ende weet
 Dat gi sult v lant verliesen
 Ende lichte meerren scade kieser
 An vwe man an vwe vrient
 Ic rade v dat gi minen here dient
 615 Ende weset hem onderdaen
 Artur ne wilds niet verstaen
 ¶ Doe seide die gone so wil ic al
 Segghen datmen mj beual
 Mijn here onbiet v dat hi sal
 620 Hetne beneme hem ongeual
 Comen binnen vwen lande
 Beide met roue ende met brande
 Hine laet v enen casteel niet staen
 Ende mach hi v seluen ghevaen
 625 Ghi sijt verloren tallen daghen
 Dit so moghediere an beiagen
 Dit wetic wel also helpe mj god
 Dat gi ontsegt sijn ghebod
 Mijn here sal hier comen snemen
 630 Ende v die coninghinne nemen
 Want men heuet hem dicke gheseit
 Dat in al kerstenheit
 Ne es also scone wijf
 Bidien begheret hi hare lijf
 635 **D**oe seide die coninc vrient laet staen
 V baraet ic sal ontgaen
 Vwen here ende sijn dregghen
 Inne wane niet dat ic sal sijn so vegghen
 Dat hi mj sal moghen deren
 640 Ic sal mj wel iegen hem verweren

Mijn lant wort hem onghereet
 Wonne hijt ooc het ware mj leet
 Met desen corten si hare tale
 ¶ Die ridder keerde vter zale
 645 Die de botschap hadde ghedaen
 Hi sat op sijn ors saen
 Hi was ghereden wel ter cure
 Ay seide hi quade auenture
 Est here dat v nv naect
 650 Met desen hi hem dane maect
 Ende voer van diere steden
 Tote tween riddren die sijns onbeden
Doe vragede die coninc waleweine
 Ende minen here yweine
 655 Of si kenden galiote
 Hi vraghets meneghen ghenote
 ¶ Sie seiden alle rechte vort
 Dat siere tale of hadden gehort
 Mar sine kendene niet
 660 Noch den ridder die dane sciет
 Sine wisten wie hi mochte sijn
 ¶ Doe seide her galgantijn
 Hi hadde menech lant dur reden
 Ende wiste van vele zeden
 665 Hi hadde galiote ghesien
 Ende was wel seker van dien
 Dat hi langer ende scoenre ware
 Beide van hude ende van hare
 Dan enech ridder diemen vant
 670 Ende verwender in enech lant
 Wel ghemint van sinen lieden
 Men mochter wonder of bedieden
 Hi heuet meer ghewonnen binnen sinen liue
 Dan ieman die nv van wiue
 675 Jn ertrike es gheboren
 Des wane ic seker sijn te voren
 Hi es houesch ende goedertiere
 Sijn ghelaet ende sine maniere
 Es eens anders ridders wert
 680 Des ghenes die v lant begert
 Ende wes bode hier was comen
 Jc hebt dicke wel vernomen
 Mar daer omme ne seg ict niet
 Dat ic wil dat ghine ontsiet
 685 Noch dat hi macht iegen v heuet
 Of enech man die nv leuet
 Bi den here die ons gheboot
 Mi ware lieuer ware ic doot
 Dan v die laster soude ghescien
 690 Dat gi beduonghen waert van dien
 Dar v botschap of es comen
 Ende niemare of hebt vernomen

- Met desen leiden si die tale
 Neder ende sueghen altemale
 695 Van deser sake van deser dinc
 ¶ Doe seide die here die coninc
 Hi wilde des ander dages varen
 Metten ghenen die daer waren
 Jaghen in dat foreest
 700 Dar hi bewaende wildes meest
 Also hi misse hadde gehort
 Alst comen ware so vort
 Die nacht waren si te samen daer
 Des hem die dach verbaerde claer
 705 ¶ Doe stont op die coninc
 Omme te volbrengene sine dinc
 Dar hi hem te voren of vermat
 Dat hi varen soude vter stat
 Omme te iaghene in dat wout
 710 Si ghereiden hem ionc ende out
 Die metten coninc te ridene plagen
 Tallen stonden also hi voer iaghene
 ¶ Die coninc horde des morghens vroe
 Misse ende menech man dar toe
 715 Doe voeren si ter iacht waert
 Van desen latic staen die vaert
 Hoe si van der borch scieden
 Die coninc artur ende sine lieden
 ¶ Dese tale so latic
 720 Jc sal v tellen van hem .i. stic
 Die de vergaderinghe verwan
 Hort hier van den seluen man
- Hoe lantsloots ors int water ran
 Ende hoe .ij. ruesen verwan
- 725 Also die ridder met siere cracht
 Hadde verwonnen ende onderbracht
 Die vergaderinge algader
 Dancte hijs gode onsen vader
 Dat hi sijns moeste pleghen
 730 Ende hi tes ridders huus hadde ghelegen
 Met eren ende met minnen
 Die vore diere coninghinnen
 Sculdich te bliuene was
 Wilde hi niet vergheten das
 735 Hine stont op des morgens vroe
 Ende ghereide hem dartoe
 Met sinen wapinen met sinen ghegaren
 Hi nam orlof an diere waren
 Also die te lettene niene begherde
 740 Ende volgede sinen werde
 Daer hine leden wilde
 Mar die ridder milde
 Liet sine sciltknechte daer
 Ende die ioncfrowe die blont haer

[1 dubbelblad ontbreekt]

- 745 Hoet metten ridder was comen
 Ende dat hem ghepense hadde benomen
 Sine herte ende sinen sin
 Altemale meer no min
 Omme siere vrouwen der coninghinnen
- 750 ¶ Doe ledese her ywein daer binnen
 Dar die coninghinne lach
 Tere venstren ende vut sach
 Hi seide hare ende dede verstaen
 Dattene dani[u]net hadde gevaen
- 755 Den ridder die daer te voren
 Nalics hadde sijn lijf verloren
 In dat water datter liep
 Ende daer sie an gode omme riep
Doe sprac arturs wijf die vrouwe
- 760 Here dani[u]net bi vwer trouwe
 Hoe quamedi ne helets niet
 An den ridder dien men hier siet
 ¶ Vrouwe antworde dani[u]net
 Hine keerde ter were niet .i. let
- 765 Teerste dat ickene hadde bestaen
 Liet hi hem sonder were vaen
 Also .i. versaghet man
 ¶ Doe seide ywein [ic bevelene dan]
 Her daniunet tuwer [ghenaden]
- 770 Mi ware leet quame hi [te scaden]
 Ende gi hem dadet [meerre toren]
 Dan hi hadde [verdient hier voren]
 Doe hi in dat water [lach]
 ¶ Die vrouwe [mercte ende besach]
- 775 Den ridder ende hi [dochte hare]
 Die scoenste die[n] si nie ware
 Met haren oghen hadde ghesien
 ¶ Die vrouwe [... mettien]
 Den ridder [dien brochte daer]
- 780 Si maendene [of hi wiste waer]
 Dattie ridder [was gheboren]
 Ende of hine [iet kende daer te voren]
Die [dulle ridder sprac neen ic niet]
 Anders [dan ghiere alle siet]
- 785 Also die [witte ridder horde]
 Der vrouwen [sprake ende worde]
 Kende [hise bi hare tale]
 Hi sloech [sijn houet op altemale]
 Ende besachse [met groten ghere]
- 790 Hi hadde vor hem brocht [sijn] spere
 Ende hi helt dwers [vor] sijn herte
 Die van minnen [doghet smerte]
 Dur siere vrouwen [der coninghinnen]
 Dat hi was al [tenden sinnen]
- 795 Dat hi dat [spere vallen liet]
 Ter erden nochtan ne [mercte his] niet

- Vte siere hant wel ghereet
 Ende tyser van haren clede sneet
 Een groot stuc dat vor hem lach
 800 ¶ Doe seide ywein doe hi dat sach
 Vrouwe dese ridder is tongemake
 Dats openbare bi eneger sake
 Datne weti[c wat] hem es ghesciet
 Dat hi hem aldus vanghen liet
 805 Den alre blodesten die nv leuet
 Entie ne ghenen sin ne heuet
 Ende dat hi sijn spere liet vallen
 Dus ter erden vor ons allen
 Dat dede hem emmer suaer verdriet
 810 [Noch ne] sprac hi iegen v niet
 Ic sal hem vragen wie hi es
 Wil hi mi berechten des
 ¶ Bi der trouwen die gi sijt sculdich mj
 Sprac her ywein wie si di
 815 Ic soudt weten harde gerne
 Mine staets niet wel tonberne
Die ridder sach al omme hem
 Ende hi antworde here ic ben
 Een ridder dat mogedi wel sien
 820 Mijn her ywein sprac mettien
 Tote hem dien hi sach vor hem staen
 Ende seide nv sisi hier gheuaen
 Mar ic heb v in mijn gheleiden
 Waneer dat gi van hier wilt sceiden
 825 Ghi moget varen daert v voeghet
 Oft v hier niet ne ghenoeget
 Daer gi ghebiet vwer straten
 Ghine duruet dur hem niet laten
 Die v hier brochte gheuaen
 830 Mar wi souden gherne verstaen
 Ic entie ghene die hier sijn inne
 Ende mijn vrouwe die coninghinne
 Wane gi sijt ende waer gi vaert
 Ende hoe dat gi gheheten waert
 835 Voeghet v ende waert v wille
 ¶ Entie andre sueech al stille
 Hine sprac noch mar .i. wort
 Ic ne mach v niet berechten vort
 Dit was al dat hi daer seide
 840 ¶ Mijn her ywein sprac sonder beide
 Vrouwe ic hebbene in mijn gheleiden
 Wildi ic latene hene sceiden
 Iegen den ghenen diene hier brochte
 ¶ Die vrouwe loech ende dochte
 845 Si soudene versoenen wel
 Die meneghe helter omme sijn spel
 Ende loegher omme sere
 Dat die ridder was vten kere

- Bi al dat si consten verstaen
 850 ¶ Mijn her ywein lede wech saen
 Den ridder den graet neder
 Ende gaf hem sijn spere weder
 Hi wijsde hem waer hi sach
 Die brugge die ouer twater lach
 855 Dar hi te voren ouer leet
 Hi seide dattie ridder reet
 Al die rechte herstrate voren
 Dien hi waende hebben verloren
 Tenden woude dat daer lach
 860 Ende dat men[n]e daer riden sach
Doe scieden si bi deser sake
 Die ridder was sere tongemake
 Van minnen ende hadde therte suaer
 Dur des wille dat hi was so naer
 865 Siere vrouwen der coninghinne
 Met pinen leuede hi in sinen sinne
 So sere hadde hi sijn sins vergheten
 Nv was hi weder op gheseten
 Optat ors dat hi liet staen
 870 Doe hi in die borch quam gegaen
 Tenden ander bruggen voet
 Hi voer wech met groter spoet
 Ten woude wart sonder sparen
 Daer sijn werd was in gheuaren
 875 ¶ Ende her ywein ghenc althant
 Ter herbergen daer hi vant
 Staende sijn ouer scone paert
 Hi sat op ende volgede ter vaert
 Den ridder die daer voer voren
 880 Mijn her ywein reet sonder sporen
 Ende volgede den ridder milde
 Omme dat hi weten wilde
 Warwart hi varen soude
 ¶ Dander quam binden woude
 885 Die daer sinen wert sochte
 Toter wilen dat hem dochte
 Op enen berch staen .i. spere
 Dat gehelpich was ter were
 Met enen blakenden ponioene
 890 ¶ Doe voer darwart die ridder coene
 Omme te wetene niemare
 Wes dat spere ware
 Ende wiet opten berch brochte
 Het was die ridder dien hi sochte
 895 ¶ Hi quam iegen sinen gast weder
 Ghedalet den berch neder
Doe sie quamen te gemoete
 Daerne was ander ghiene groete
 Dan si hem fellike onder saghen
 900 ¶ Die wert begonste den ridder vragen

- Waer omme hi hem volgede daer
 Ende hem comen durste so naer
 ¶ Doe sprac die ridder [onuer]uaert
 Ic wil vwe wapine ende v paert
 905 Dat es dat ic an v beghere
 ¶ Ende die andre verrechte sine spere
 Ende seide dat hi hem niet ne gaue
 Een penewart van siere haue
 ¶ Si trecten achter haestelike
 910 Ende omme haelden [.....]telike
 ¶ Die wert stac sinen gast so
 Dat hi sijns speres wart onvro
 Ende het alte stucken brac
 Ende die ridder den waert weder stac
 915 Ende gheraectene so wel
 Dat hi van den orse vel
 Ende keerde die voete opwaert
 ¶ Die goede ridder nam dat paert
 Dat hi vor hem staende sach
 920 Ende brocht sinen wert d[ae]r hi lach
 Hi hiet hem dat hiere op sate
 Die fel was sere vtermate
 Hi gaf hem goeden orl[of]
 Ende keerde weder in sijn hof
 925 Wacht v vort van quaden zeden
 Ende van alre dorperheden
 Oppe dat latic v varen
 Ic sal v leuen nv hier sparen
Doe seide die ridder diere lach
 930 Bi al dat god gheleesten mach
 Aldus ne sciede ic van v heden
 Ware ic also wel alse gi ghereden
 Ic soude v doden of gi mj
 Of gi sijt van herten vri
 935 So betet neder nv ter erden
 Laet ons becorten metten suerden
 Dien strijt die wi hebben bestaen
 Of gi sult mj [.....] ontgaen
 Nemmermeer [ne beja]gedi lof
 940 Doe bete hi t[er] erden of
 Jegen den ghenen die daer lach
 ¶ Ende hi spranc op alse hi dat sach
 ¶ Si trecten die suerde bede
 Met haesticheden vter scede
 945 Alse die ghene die vechten wilden
 Si deckeden hem met haren scilden
 Si ondersloeghen hem ende staken
 Lange wile eer si meer spraken
 Met suaerden die waren scarp
 950 Harlijc sinen scilt warp
 Dicke wile vor sijn ansichte
 Ende ondersloeghen hem ghedichte

[8 bladen ontbreken?]

- Doe ment mj verstanden dede
 Noch moester .i. ander wesen mede
 955 Die arsatre sonder ersatrie
 ¶ Doe seide die ghene bi sente marie
 Doe hi arturs tale verstoet
 Hier of sal ic v maken vroet
 Bet dan hijt v heuet ghespellet
 960 Dien gi den droom van eersten vertellet
 Des sijt here al onueruaert
 God selue dats die liebaert
 Ende die v berechte van dien
 Hi waendene int water hebben ghesien
 965 Nietmeer ne moghe wi wesen
 Buter werelt ende ghenesen
 Dan die visch nacht no dach
 Vten watre wesen mach
 Die v dit te voren brochte
 970 Dat hem die liebart int water dochte
 Hi was besondicht sekerlike
 Hi haddene wel in hemelrike
 Gehesien. ne waren die sonden
 Dar hi mede was ghebonden
 975 ¶ Bidien ware .i. man van sonden
 Claerlike wel onbonden
 Hi soude harde uele sien
 Des hem nv niet mach ghescien
 Sijt seker des si waren in sonden
 980 Die clerke die v dit onbonden
 Nochtan waren si van sinne vroet
 Sijt seker des die diet verstoet
 Alne wisten si niet wat spellede
 Wantse hare sonden beduellede
 985 ¶ Die liebaert spellet god
 Sekerlike sonder spod
 Dat wil ic v gheleesten
 Die liebaert es here bouen allen be[e]sten
 Also es god van hemelrike
 990 Here bouen al ertrike
 ¶ Nv heb ic v here coninc gheseit
 Van den liebaerde die waerheit
 Wat hi spellet ende wat hi es
 Des sijt seker ende ghewes
 995 Doe vragede echter die coninc
 Ay here berecht mj van ere dinc
 Dat v lone sente marie
 Wat die ersatre sonder ersatrie
 Bediet. here dur vwe omoet
 1000 Jc souts gerne wesen vroet
 ¶ Doe antworde hi den coninc
 Ay here dits ene vremde dinc
 Te meer dat ic v besie
 Also uele te dulre dinct gi mie

- 1005 Dat gi dit niet ne verstaet
 Ghi hebt harde kranken raet
 Ghi mochtet verstaen wel ende horen
 Bi den exemple van hier te voren
 Dat ic v van den liebaert seide
- 1010 Die aenturen onderuolgen hem beide
 Mar ic heb v so uele berecht
 Jc sal v des bet bevroeden echt
 Niet dur vwen wille allene
 Mar dur die werelt al ghemene
- 1015 Dat siere op merken sullen
 Beide die vroeden entie dullen
 ¶ Die aersatre bediet god mede
 Want men vint in ghene stede
 Ersatre sonder salue ne ghene
- 1020 Sonder onsen here god allene
 Ende alle die ersaters die leuen
 God onse here heuet hem ghegeuen
 Den sin daer si bi werken
 Die ons allen moete ghesterken
- 1025 Ende dat si kennen alle saken
 Dar men salue of mach maken
 Ende die stene also ghelike
 Die men vint in ertrike
 Dar cracht an leghet groot of clene
- 1030 Dat es bi onsen here allene
 Al consten si den licham ghenesen
 Het moeste al bi gode wesen
 Dar si die v[r]oetscap nemen an
 Mar ic seg v dat nieman can
- 1035 Die ziele ghenesen van haren sonden
 Dat siere of wert ontbonden
 Ende suuer ende rene
 Sonder onse here god allene
 Hi mach onbinden ende ghenesen
- 1040 Hier bi so mach god wel wesen
 Ersater sonder ersatrien
 ¶ Doe seide die coninc ic wils wel lyen
 Dat gi segt dat es waer
 ¶ Echt sprac die goede man daer naer
- 1045 Wanneer dat .i. man steruet
 Entie licham bederuet
 Berouwet hem sine misdaet
 Eer die ziele vten lichame gaet
 Ende onsen here gode minnet
- 1050 Met goeder herten ende kinnet
 Al ware hi die besondichste die leuet
 In dien dat hi berounesse heuet
 Ende te bichten gaet
 Fraeilike van siere misdaet
- 1055 God brenct die ziele te siere hant
 Ende bescermet se iegen den viant

- Hine doeter anders niet an
 Hi gheselt wel enen man
 Ende die ziele also ghelike
 1060 Ende brinct te sinen hemelrike
 Sonder salue ende stene
 Ende andre arsatrie ne ghene
 Mar die hier ersatrien plien
 Alsi ene wonde hebben besien
 1065 Of ander euel dat dert den man
 Si moeten dat cruut soeken dan
 Dar si den man bi ghenesen
 Sal hi gheganset wesen
 Ende also hiere al heuet toe gedaen
 1070 Wat dat hi can verstaen
 Datten sieken coemt te baten
 Wilne hem die doot niet laten
 ¶ Sie nemet wel den lichame
 Est hem lief of bequame
 1075 Die ersatre ne macht niet weren
 Sine salue ne diet niet .ij. peren
 ¶ Die gone moet sijn lijf begheuen
 Mar god lanct den man sijn leuen
 Ende geuet hem ghesonde
 1080 Ende doetene leuen tote[r] stonde
 Dat hi hemelrike verdient
 Het doet goet wesen gods vrient
 Nv heb ic v here coninc vertellet
 Wat des [.ij.] saken spellet
 1085 Die ersatre entie [liebaert]
 Dar gi so of waert vervaert
Doe seide die coninc god lone v here
 Ghi be[rec]ht mj no min no mere
 Dan alle waerhede
 1090 Dat god dur sine omoedichede
 Vwe ziele moete betalen
 Ende te sinen rike halen
 Hoe gerne soudic sien
 Dat gi mj berecht van dien
 1095 Wat die bloeme spellet
 Ghi hebt mj uele ghetellet
 Dat ic kenne ende het is waer
 Sprac die coninc inne quam nie daer
 Dat ic enege bloeme sach
 1100 Die manne raet gheuen mach
 Want sine connen niet spreken
 Bi wat saken bi wat treken
 Mach wesen die raet van der bloemen
 Inne horde noit noemen
 1105 ¶ Doe antworde die goede man
 Jc sals v berechten dan
 Hoe bloeme mach gheuen raet
 Want het al an die bloeme staet

- Dat ic hebbe gheseit en[de] seggen sa[l]
- 1110 Die bloeme si beslutet al
 Ersatre ende liebaert
 Jc ben te segghene onveruaert
 H[o]e die bloeme spreken can
 D[a]r leghet uele dogeden an
- 1115 Alse gi hier moget scouwen
 Die bloeme draghet crone bouen allen vrouwen
 Ende bouen alle die nv leuen
 Ende onder gode best raet can geuen
 Van hare quam die vrucht allene
- 1120 Daer alle dinc groot ende clene
 Bi leuet ende es onthouden
 Si es met rechte bloeme ghescouden
 Si voet ziele ende lichame
 Van hem daert hare es bequame
- 1125 Ende dies hier verdienen can
 Es het wijf ofte man
 Sal ic v der wareit lyen
 Ende die voede in der preierien
 Hem .v.m. tere scaren
- 1130 ¶ Daer die .xij. manden waren
 Vervollet van den relieue
 Dit vintmen noch ghescreuen in brieue
 S[al] ic v die wareit bedieden
 H[ets] die vrucht dar die israelsche lieden
- 1135 Bi waren onthou[d]en .xv. iaer
 In die woestine dat was waer
 D[ar si] leueden te diere vre
 A[ldu]s seget die scripture
 B[i d]er heliger inge spise
- 1140 In der maniere in der wise
 Leueden si ende waren daer
 In der woestine .xv. iaer
 Het was die vrucht daer ioseph die vrie
 Die was van den lande van abaromatie
- 1145 Waren onthouden ende sine ghesellen
 Sal ic v die wareit tellen
 Optie wile dat si vernamen
 Ende van premissione quamen
 Jn dat vremde lant
- 1150 Daer se god hadde ghesant
 Bi siere bede bi siere macht
 Want hi hadde wel die cracht
Het es die bloeme daer die kerke
 Bi es gheleert ende scone gewerke
- 1155 Het es die bloeme sijt seker das
 Daer god of gheboren was
 D[ie em]mermeer sal gheduren
 J[egen] gewonte van naturen
 S[i] es der werelt toeueraet
- 1160 Ende mach verdingen onse mesdaet

[7 bladen + 3 katernen + 3 bladen ontbreken?]

- Des hi es ghenesen ende ghesont
Siene wilde niet om .M. pont
Dat hi noch bedorue
Ende van sinen wonden storue
1165 Ende si die ioncfrouwe mede
Late daer ter seluer stede
Des si niemare heft vernomen
Of har lief sal weder comen
Ende iaet malichte in corten tiden
1170 Dar hare herte of sal verbliden
Dit louede die vrouwe van rostoc wel
Doe quam op .i. rosside snel
Een knape in ghereden
Met groter haesticheden
1175 Hi brochte enen scilt
Die hem an den hals hilt
Ende was dur steken ende dur houwen
Te meneger stede dat mochtmen scouwen
Hine brochte niet die helft daer
1180 Mar in somiger stede was hi claer
So dat si some waren vroet
Wat teikene daer ane stoet

[30 verzen ontbreken]

- Ende mijn here gaf hem die sine
 Noch ist an desen scilt an scine
 1185 Dattene mijn here walewein droech
 Dit es liteiken genoegh
 Hi es te meneger stede dur houwen
 Ende dur steken als men mach scouwen
 Also daer in den camp gheuel
 1190 Noch mogedijt hier an merken wel
 ¶ Dese redene ende dese tale
 Verstonen si allegader wale
 Die gone die daer behorden
 ¶ Die vrouwe van rostoc was van worden
 1195 Ende van hare seluen so ontsteken
 Sine mochte .i. wort niet spreken
 ¶ Ende teerst dat si was becomen
 Sprac si god moete mj verdoemen
 Of ic nemmermeer verblide
 1200 Toter wilen ende toter tide
 Vor dat ic den ridder sal sien
 Ende seker wesen van dien
 Dat hijt es ende niemn el
 Die miere herten voecht so wel
 1205 [.....]

 [29 verzen ontbreken]

- Dat het was walewein die here
 Die mj behilt in mine ere
 Twi ne hadde hijt mj met alre cracht
 Ouer dach ende ouer nacht
 1210 Onboden ende laten weten
 Des ne sal ic niet vergeten
Die bode wilde keren weder
 Ouer hoge ende ouer neder
 Ne wilde hi daer niet langer dagen
 1215 ¶ Doe dede hem die coninc vragen
 Of hi den scilt daer wilde laten
 ¶ Here seide hi god moete mj verwaten
 Of ickene hier liete om enige haue
 Al vondic man die se mj gaue
 1220 Mijn here heuet mj so beuolen
 ¶ Bernen moetic al te colen
 Sprac van rostoc die vrouwe
 Dur die ere ende dur die trouwe
 Die mj die here heft gedaen
 1225 Of mj sijn scilt sal ontgaen
 Dien hi droech te siere side
 Si dedene neme ende was blide
 [.....]

[29 verzen ontbreken]

- Dien nach dat was sijn gedochte
 1230 Ende daer lach hi harde sochte
 Ende hadde aet ende dranc
 Dar was gepijnt om sinen danc
 ¶ Des morgens doe hi dane voer
 Bemaendene die abt ende besuoer
 1235 Of hi daer omme betren quame
 Hi hadde verstaen sinen name
 Dat hi daer blidelike in vare
 Ende hi den closter niet ne spare
 ¶ Hi beualse altemale
 1240 Gode ende porrede metter tale
 Van daer voer hi also vort
 Dat hi quam bi ere port
 Die hiet cabenijn
 Dar bi lach tconincrike fijn
 1245 Dat arture behorde meest
 Daer bi stont .i. scone foreest
 Ende ene riuiere diep ende wijt
 Eer hi hadde gevaren iet lange tijt
 Quam ene ioncfrouwe in har gemoet
 1250 Dier har leuen wale stoet

[30 verzen + 5 bladen + 29 verzen ontbreken?]

[.....]

¶ Doe trac her walewein tswerd
 Ende dander lach also die niet ne begerd
 Op te stane hem was so wee

1255 Hem dochte hine mochte nietmee
 Want hi hadde sinen arm te broken

¶ Ende seide gi sijt wel gewroken
 Edel ridder ic beghere genaden
 Ghi moget mj van den liue scaden

1260 Begerdijs ende ist v wille
 Al sloegedi mj ic lage stille
 Mi es te moede so onsochte
 Al wildic vechten inne mochte
Doe seide her walewein ic late v leuen

1265 Wildi mj vwe trouwe geuen
 Te vaerne dar ic v hete
 Ende verlate v deser vete
 Dats te arturs houe ter coninginnen
 So mogedi hene sceiden met minnen

1270 Anders nemic v tleuen
 ¶ So wil ic v mine trouwe geuen
 Sprac die ridder die daer lach
 Dat ic ne spare niet enen dach

[29 verzen ontbreken]

T[er]

- 1275 Dar hi den camp verwan
 Jegen seguradese den starken man
 Suldi v leueren gevaen
 Ende alse gi dat hebt gedaen
 So gaet te haren drussate
- 1280 Ende groetene mj vtermate
 ¶ Dat swerd dat hem hinc beneuen
 Dat hem die ioncfrou hadde gegeuen
 Dat gaf hi den ridder ende hiet
 Of gi daer enigen ridder siet
- 1285 Te houe die estor es ghenant
 So geuet hem in sine hant
 Ende of ghine newer ne saget
 Ic bid v dat gi om hem vraget
 Ende segt dat hem die ridder sent
- 1290 Dur sinen wille op .i. prosent
 Die seguradesse verwan
 Daer leghet uele dogeden an
 ¶ Dit was die ridder die daer lach
 Ende die te voren op enen dach
- 1295 Tes coninc arturs houe was comen
 Ende dien gi mj horet nomen

[29 verzen ontbreken]

[.....] g[h]e[sc]jien
 Van des males dat ic ridder ware
 Eer ic quame in hare gheuare
 1300 Doen had ic aenture .i. stic
 So verre ende so vort dat ic
 Bet met hare was gehort
 Ende si verstont mine wort
 Bet dan si hadde gedaen
 1305 Ende seide wildic anegaen
 Ene aenture ende beghinnen
 Daer mede mochticse gewinnen
 In dien dat icse volbrochte
 Die aenture die si ane mj sochte
 1310 Ende ic seide ic waers ghereet
 Al te doene dat ic weet
 Dat si begerde in houescheden
 Doe hiet si mi comen hier ter steden
 Hier vergaderen .vij. weghe
 1315 Ende mochtic ghecrigen den zeghe
 Jegen alle die gone die hier liden
 Entie om aenture riden
 Mochtic dat ghelucke ghewinnen
 Dan alreerst soude si mj minnen

[29 verzen ontbreken]

- 1320 En[de] g[i.....]
 Ende wanen gi brinct desen scilt
 Ende waer gi vaert ende wa[t] gi wilt
 Si seide ridder gi sijt gaer
 Jnne berechts v [d]it iaer
- 1325 Van al des gi mj [v]raget
 Ende of gi niet sijt versaget
 Ridet dane gi mj comen siet
 Machlichte gi sullets weten iet
 Eer gi dane sciet met minnen
- 1330 Ende ic vare ter coninginnen
 Arturs wijf op dese stont
 ¶ Doe seide die ridder diere was gewont
 Joncfrowe dur v edelhede
 Doet wel ende laet mj varen mede
- 1335 Goet gheselschap ende dachcortinge
 Behort wel te minen din[g]e
 Jc ben gewont ende gram
 Mi es lief dat ic an v quam
 Nv laet ons varen onder ons beiden
- 1340 Tote arturs houe eer wi sceiden
 Dat v lieue moete ghescien
 ¶ Ende si antworde hem met dien

[6 bladen + 5 verzen ontbreken?]

[.....]

- Meer dan hi hem van hem seluen dede
 1345 Dat hi hem behelt lijf ende lede
 Want hi seide hi hadde sijn wijf
 Vele lieuer dan sijn lijf
Doe seide hestor hi wilde varen
 Ende nam orlof an diere waren
 1350 Doe suoer die ridder in diren eden
 Eer hine dan liete sceden
 Hi verlore eer sijn goet algader
 Dat hem verstarf van sinen vader
 Eer soude hi weten sinen name
 1355 Ende hi die sine waert hem bequame
 Ende ander vrientscap ende andre tale
 Souden si delen in die zale
 ¶ So lange bat hi hem ende besuoer
 Dat hi metten ridder voer
 1360 In dien casteel ende alsire quamen
 Inne mochte v lichte niet bi namen
 Ghenoomen die ere entie werdichede
 Die men hestore dede
 Beide met daden ende met talen
 1365 Si ghingene alle wel onthalen
 ¶ Die ridder vragede om hestors name
 Dat hine hem seide waert hem bequame
 Ende wane hi quame ende wie hi ware
 Hi soude gerne weten niemare
 1370 ¶ Doe nomede hem hestor algader
 Sinen name ende sinen vader
 Wie hi was ende hoe hi hiet
 Hine wilds hem helen niet
 Ende dat hi van logers gheboren ware
 1375 Ende voere hare entare
 Om enen ridder dien hi sochte
 Ende gerne vonde of hi mochte
 ¶ Alsoe hi den riddre hadde gheseit
 Des hi hem vragede die wareit
 1380 Vragede hi den werd om die ioncfrouwe
 Die hi vant in groten rouwe
 Wie si ware ende hoe si hiet
 Ende twi si hare so sere mesliet
 Ende wes mense wilde voeren van daer
 1385 ¶ Doe sprac die werd ic seg v waer
 Van deser dinc algader
 Bi gode onsen rechten vader
 Die ioncfrou es mijn wijf
 Jc minse ghelijc mijns selues lijf

[15 verzen ontbreken]

1390 [.....] groot

[5 verzen ontbreken]

[.....]e

E[.....]

¶ Die [i]onc[f]rou [.....]orde

Sine wilde ne ghenen man kiezen

1395 No dur winnen no dur verliesen

Die men hare te voren brochte

En ware dat hare dochte

Dat si haren eet behilde

Ende sine te manne hebben wilde

1400 Dus bleef si te huwene menegen dach

Om dat si nerghent ne sach

Man die hare betame

Ende die hadde sulken name

Also alse har vader hiet

1405 Eer hi vander werelt sciet

Sint horde si mijns gewagen

Sulken lieden die mj sagen

Ende si gauen mj groten lof

Alne was ic niet werdich der of

1410 Ende seiden dat ic goet ridder ware

Dus brochten si niemare te hare

Sonder valsch ende loos

So verre dat si mi vercoos

Ende behiet mj hare minne

1415 Ende ic dede se in minen sinne

Andre scout ne had ic van hare

Als vor hare maghe quam niemare

Dat wi dus droegen ouer een

Ic ende sie onder ons tween

1420 Si wilden hare nemen algader

Dat hare bestarf van haren vader

[6 verzen ontbreken]

- O[.....]
 L[.....]
 E[.....]
 1425 D[.....]
 J[.....]
 E[.....]
 N[.....]
 M[.....]
 1430 V[.....]
 D[.....]
 Als [.....]
 No[c.....]
 Inn[.....]
 1435 Mar [.....]
 Waer[b.....]
 Ende wi[.....]
 Ende sulk[.....]
 Om sine [..... hi] dede
 1440 ¶ Doe dit algader was leden
 Ende wi hier quamen ghereden
 Waren si blide die wi hier vonden
 Si waenden wel ten seluen stonden
 Hae ende goet hebben verloren
 1445 Doe brochten si der ioncfrowen te voren
 Ende rieden hare dat si mj name
 Dat soude wesen hare vrame
 ¶ Si ghebaerde alst har leet ware
 Nochtan liet si verstriden hare
 1450 Ende dede dat men hare riet
 Siene liets dur hare maghe niet
 ¶ Alsie hare dus hadde bekeert
 Helden si se ouer gonneert
 Die ghene daer si of was gheboren
 1455 Ende onboden hare te voren
 Dat si se onteren souden
 Ende mj brenghen ter moude
 Noch heb ics mj gewacht al
 Danc hebbe god ende goet geual
 1460 Ende si die mj stonden te staden
 Doe ic bi wilen was verladen
 Huden hadden si mj gewacht
 Ende quamen hier met harre cracht
 Dar ic sat in .i. bat
 1465 Ende ne peinsde niet om dat
 Jc was ghequetst dat wisten si wel
 Van enen perde dat op mj vel

[5 verzen ontbreken]

- [.....]
 Dat sie emmer te homissen gaet
 1470 Wine peinsden om gheen baraet
 ¶ Doe quamen si met harre lagen
 Teersten dat si se saghen
 ¶ Si riepen helpe ende warens gram
 So verre dat mj te voren quam
 1475 Ende ic ne wilde niet langer baden
 Ende scoot an mine gewaden
 Ende wapende mj met haestichede
 Ende .ij. ridders die icker hadde mede
 Nv mogedi horen op wat
 1480 Dat mine viande daden dat
 Dat si dus mijn wijf vingen
 Si wildenre mj mede ghebringen
 Ende dan slaen ofte vaen
 Eer dat ic hem soude ontgaen
 1485 Dit was al hare ghedochte
 Ende ic haeste mj als ic eerst mochte
 Ende quam tote hem gevaren
 Ende .ij. ridders die met mj waren
 ¶ Jc begonste op hem vechten
 1490 Ende wilde mijn wijf berechten
 Ende si werden hem of si conden
 Dit herden wi langhe stonden
 Sine mochten mj niet wech bringen
 Want inne wildes niet gehingen
 1495 ¶ Doe peinsden si enen raet mettien
 Ende senden mijn wijf wech met hem drien
 Ende vermanden mj so onsochte
 Dat ic hare volgen niet ne mochte
 Jc moest ghedogen wast quaet of goet
 1500 Doe quamedi here in hare gemoet
 Ende namet se hem bi vwer doghet
 God die es der werelde voget
 Hi lones v met groten lone
 Ende spanne vwer zielen crone
 1505 Ten ionxten dage daer god sal doemen
 Ende late v te siere genaden coemen
 Ende den ridder dien gi dodet daer
 Weet dat wel ouer waer
 Hi was die beste van desen lande
 1510 Nv heb ic vele meerre viande
 Dan ic hadde hier te voren
 Dur dat hi heft sijn lijf verloren
 Mar sint dat es ghesciet
 Wine moghens leuende maken niet

[7 bladen + 2 katernen + 7 bladen ontbreken?]

H10ra

1515 Si waren met bliscepen te gader
Alst kint metten vader

Hoe walewein voer ende hestor mede
Te sorlois in die stede

Hier comt .i. andre redene in
1520 Nv mogedi horen dit beghin
Doe walewein hadde verwonnen
Ens hem god hadde geionnen
Dien ridder dien hi daer vant
Was .i. bode wech ghesant

1525 Te sorlois in die stede
¶ Nv mogedi horen wat hier dede
Hi brochte niemare galiote
Ende sinen gheselle lantslote
Dat dien riddre van der cautsiede

1530 Sulke aenture ghesciede
Dattene .i. ridder verwan
So dat hi werden moeste sijn man
Anders hadde hi verloren tleuen
Ne hadde hi hem niet op ghegheuen

1535 ¶ Doe vrag[ede] galioot om niemare
Of hi wiste wie hi ware
Die bode seide neen ic niet

[29 verzen ontbreken]

- ¶ Dusghedaen was sijn ghedochte
 Ende sende wech also hi eerst mochte
- 1540 Enen ridder ten torne waert
 Ende bat hem dat hi niet ne spaert
 No dur verlies no dur ghewin
 Hine vare ten torne no meer no min
 Daermen die tolne hilt
- 1545 Ende voert spere ende scilt
 Ende hout die vsage
 Van den torne ende dat passage
 Ende hijt ne liete dur ghene noot
 Te doene dat hi hem gheboot
- 1550 Hi wapende hem ende voer met liste
 Dats lantsloot niet ne wiste
 Dur dat hem galioot verboot
 Ende voer wech m[et haesten] groot
 Hi voerde scilt spere ende brant
- 1555 Ende quam ten torne daer hi vant
 Scone bodscap ende blide
 Ende waren versoent van haren stride
 ¶ Die ridder groete also hi daer quam
 Die hi daer vant ende vernam
- 1560 [.....]

[29 verzen ontbreken]

Ende souden keren cortelike
 Weder in arturs rike
Die ridder seide hi daet gerne
 Des hem niet stonde tonberne
 1565 Ende voer wech in corter stont
 Nochtan was hi sere gewont
 Ter coninginnen ende seide hare
 Die bodscap entie niemare
 Die hare walewein onboot
 1570 Beide clene ende groot
 ¶ Des verhogede die vrouwe
 Ende haddes bliscap sonder rouwe
 Doe si die niemare hadde gehort
 Ende si seit der ioncfrouwen vort
 1575 Die hestor met h[ar]e liet
 Doe hi tacht[erst va]n hare sciet
 ¶ Si was blide van den worde
 Doe si van hestore horde
 Dat hi was blide ende ghesont
 1580 Dan si was op eneghe stont
 So wel behaghets der ioncfrouwen
 Want si minde met goeder trouwen
 [.....]

[29 verzen ontbreken]

- H**ier beghint dese tale
 1585 Galioot verstont wale
 Dat lantsloot was tongemake
 Dur die dinc dur die sake
 Dat hine vacht none tornierde
 Ende hi alle daghe vierde
 1590 Ende peinsde hi soudene leden
 Daer hi niet ne mochte sceden
 Van hem en ware bi sinen wille
 Ende soude .i. stic wesen stille
 Toter wilen dat hi vername
 1595 Andre niemare ende si hem quame
 Nv hadde galioot ene ueste
 Die alre soonste entie beste
 Die hi hadde in al sijn lant
 Die was lantslote al onbecant
 1600 Daer dedene galioot met hem varen
 So dat siere beide waren
 Alsoe lieue ghesellen
 ¶ Die ueste daer ic v of sal tellen
 Sie was in enen busch g[hestae]n
 1605 Ende met watre al omme beuaen
 [.....]

[29 verzen + 4 bladen + 38 verzen ontbreken?]

J11ra

Wi souden ons metten coninc kere[n]
Ende helpen te siere eren
Eer wi sceiden van den pleine
1610 Dit ghenoegede waleweine
Ende sinen ghesellen alle
Ende proeueden hare geualle
¶ Si keerden hem iegen arture
¶ Doe traect volc van den mure
1615 ¶ Die coninc was sciere verdreuen
Doene lantsloot hadde begeuen
¶ Ende walewein ende sine ghesellen
Daer wi of spreken ende tellen
Des was [d]ie coninc droeue vterm[aten]
1620 Hi moeste keren tot vor die zaten

[142 verzen ontbreken]

[Binnen] der nacht of hise minde
[Si sou]de hem senden so gehinde
[Enen] garsoen diene soude
[Leden] daer hi wesen woude
1625 [Des w]as die coninc harde vr[o]
[Dat si] ghelouet hem also
[Ende seide] hare dat hi soude
[Comen] seder dat siet woude
[Ende kee]rde weder in sijn here
1630 [Hi wa]ende warden buter were
[Van bl]iscepen dat hem so soude comen
[Alse hi] orlof hadde genomen
[Keerde] hi te sinen paulioene
[Daer hi] vant sine baroene

[1 blad ontbreekt]

- 1635 [Doene was] d[ae]r gheen l[ang]er beiden
 Die her[en daden he]m ghereiden
 ¶ Die [porren] wilden metten daghe
 Hem ware leet dat mense saghe
 Doe si hare wapinen hadden an
- 1640 Doe ne sach [men] nie so sconen man
 Alsi waren onder hem tween
 ¶ Si ondercusten hem al in een
 Elc iegen sijn lief eer si scieden
 Jnne mochtet al niet niet bedieden
- 1645 Ende leueden sonder rouwe
 ¶ Van malohaut die vrouwe
 Doe si den scilt beloken sach
 Dar si of hadde gehort gewach
 Sprac si toter coninghinne
- 1650 Nv sie ic wel ende bekinne
 Dat v die beste ridder mint
 Diemen weet ende bekint
 Ende edel ende scone
 ¶ Jane droech sijn vader crone
- 1655 Sprac genievre die coninginne
 Tis wel recht dat ickene minne
 Galioot begonste vraghen
 Van den scilde dien si daer sagen
 Wat datter ane lach
- 1660 Hi hads daer gehort gewach
 ¶ Doe seide van malohaut die vrouwe
 Here bi miere rechter trouwe
 Die scilt was hier ghesent te clouen
 Van beneden toter bouen
- 1665 Ende es versament alse gi siet
 Dit ne bediedet anders niet
 Dan lantsloot soude wesen
 Van arturs maisniede ende ute ghelesen
 Dit was der coninginnen gevoech
- 1670 ¶ Si antworde ende loech
 Dat galioot niet hadde vernomen
 Ic hope het salre toe comen
 ¶ Dit was gehert so langhe
 Si moesten porren bi beduange
- 1675 Si saghen den dach verbaren
 Ende ne dursten niet langer sparen
 Si corten hare tale
 Ende ondersekerden altemale
 Dat si versamen souden daer
- 1680 Opten eersten nacht daer naer
 ¶ Des gauen die heren hare trouwen
 Ende scieden van den vrouwen
 ¶ Sie voeren wech sonder respijt
 Ende quamen weder wel te tijt
- 1685 Binnen der tente daer walewein lach
 Eer dat mense horde ofte sach

Ende ghingen te bedde in dier gebare
 Joftes algader niet ne ware

Hoe walewein hestor ende galioot
 1690 Gheuanghen worden ende lantsloot

Nv latic bliuen dese dinc
 Ende telle v van den coninc
 Die in die roke was gevaen
 Als die van binnen hadden verstaen
 1695 Dat hem die scone dach verbaerde
 Achter den uelde ende verclaerde
 Namen si des conincs scilt
 Ende hinghene daer hi hilt
 Ten cartelen vutwaert
 1700 ¶ Des int here menich veruaert
 Ende sijns neuen daer bi
 ¶ Daer riepen owach owi
 Vans conincs lieden int here
 Si waenden warden vter were
 1705 ¶ Ende her walewein te voren
 Men mochte sine kele horen
 Bouen allen diere waren
 Ende omme sinen oem mesbaren
 ¶ Mar lantsloot troestene sere
 1710 Ende suoer bi gode onsen here
 Wi sullen den coninc verlossen wel
 Al waren si binnen noch also fel
 Nv houdes v an mine woort
 Of daer wert wonder omme ghestoort
 1715 ¶ Met deser tale no meer no min
 Quam die ioncfrouwe gereden in
 Die hem gewiset hadde arture
 Optie wile ende optie vre
 Dat si .iv. versament waren
 1720 Ende an hem quamen gevaren
 Nv vermaende die ioncfrouwe
 Den .iv. heren van harre trouwe
 Die si hare gauen optie vre
 Doe si hem wijsde arture
 1725 Ende van hare scieden in .i. plein
 ¶ Doe seide her walewein
 Joncfrou dur genaden
 Wine hebbens nv ghene staden
 Te horne na vwe sake
 1730 Wi sin sere tongemake
 Want die coninc es gevaen
 Wine mogher niet toe staen
 Verdraghets ons dur genade
 ¶ Si seide wildi werken bi rade
 1735 Jc sal v vroet maken
 Bi wat niemaren ende bi wat saken
 Dat gi den coninc sult gewinnen
 Ende ontgaen van daer binnen

- ¶ Si hebben gedreghen ouer een
 1740 Die daer sijn in den steen
 Dat menne sal voeren in yrlant
 Ende dit nes noch niemene becant
 Diet v mochte bringen te voren
 Jc sal v seggen wildijt horen
- 1745 Si hebben in yrlant die cracht
 Vele beter entie macht
 Ende sijnre bet bekennt
 Vele dan hier omtrent
 Moghen si den coninc bringen daer
- 1750 Hi ware v te haelne suaer
 Ende ic weet die wile entie vre
 Dat si sullen porren met arture
 Dien si hebben geuaen daer binnen
 Ende suldine emmermeer gewinnen
- 1755 Dat sal bi minen rade wesen
 Alsi den wech hebben ghelesen
 Omte rumene dit lant
 Ende dat v es onbecant
 Jc sal v leden alle viere
- 1760 Daer gine moghet lossen sciene
Des waren si blide ende vro
 Ende si ghelouet hem also
 Optie tijt dat hare goet dochte
 Voer si met hem daer si se brochte
- 1765 Tere passage bider veste
 Ende seide hem dat waert beste
 Dat si den coninc daer vorstoeden
 Si soudens wesen sonder hoeden
 Die gone die daer sijn binnen
- 1770 Dat gi die passage sult winnen
 Dus was daer dat couent gemaect
 ¶ Alsi ten passage quamen geraect
 Daer sise alle viere hadde gheleidet
 ¶ Si sprac sijt hier ende onbeidet
- 1775 Jc sal scire weder keren
 Ghi sult den coninc verlossen met eren
 Ghi sultene scire bringen sien
 ¶ Ende si gheloueden hare van dien
 Ende peinsden dattet ware trouwe
- 1780 ¶ Doe ghinc dane die ioncfrouwe
 Ende ouer ene corte wile
 Datmen mochte ene halue mile
 Riden. horden si met luder kele
 Helpe roepen harde vele
- 1785 Ende si saghen ter vesten waert
 Vte porren harde menech paert
 Daer liede op saten
 Wel gewapint vtermaten
 Ende saghen comen in den rinc
- 1790 Enen ghelijc den coninc

- Enen ge[wapin]den [ma]n
 Dies conincs [w]api[n]en hadde an
 Ende enen andren in [dier] gebare
 Als oft sijn neue ware
 1795 Ghene .ij. die si daer brochten
 ¶ Si sloeghen sere ende vochten
 Optie ghene die bi hem waren
 Ghelijc of si wilden ontfaeren
 Ende si hem verwerden ouer noot
 1800 Dit versaghen si alle. ende lantsloot
 Waende dat die coninc ware
 Dat daer quam in diere ghebare
Dit hadde lantsloot vercoren
 Ende sloech met sporen voren
 1805 Hi waende den coninc staen te staden
 Die hem dochte so sere verladen
 Ende si grepene onder hem twee[n]
 Daer deen die coninc van sceen
 Ende worpen lantslote neder
 1810 Eer hi hem verrechten mochte weder
 No hem dandre quamen te staden
 Was hi also sere verladen
 Des hi selden gewone was
 Hets wonder groot dat hijs ghenas
 1815 Ende trecten binnen der uesten
 En quam hem niet ten besten
 Ende daden hem sine wapine uut
 Toten hemde ende toter huut
 Ende seiden men soude hem thouet of slaen
 1820 Hine sekerde te bliuene geuaen
 ¶ Lantsloot sprac dat doe ic wel
 Jnne beghere niewet el
 Jc hadde lieuer doot te sine
 Dan mj dese laster es anschine
 1825 Si namen enen andren man
 Ende daden hem lantsloots wapine an
 Van siere langhe van siere grote
 Also hi hem best ghenote
 Ende ghingen die porte ontsluten
 1830 Ende stuerden den gonon daer buten
 Daer sine .iiij. ghesellen waren
 Hem uolgede menich moederbaren
 ¶ Ende hi seide sijts sonder hoede
 Ghesellen onse dinc gaet alte goede
 1835 Sijt te gemake ende hout v stille
 Wi sullen den coninc tonsen wille
 Hebben. die pais es ghemaect
 ¶ Die andre hilden hare swerde al naect
 Si waenden hebben goet gheleide
 1840 Ende stakense weder in die sceide
 Des waren si blide ende vro
 Ende waren omme bringhet so

[3 dubbelbladen ontbreken]

- D[at hise den] torn wijsde
 D[ie men te] re[c]hte prijsde
 1845 Omme dat [hi] was so vaste
 Daer binnen laghen felle [gaste]
 Die den torn souden wach[ten]
 Omme die mate van hem [achten]
 Ende nieman ne mochte die [baelge] gewinnen
 1850 Ende den torn die[re] stont binnen
 Die was ghesp[erret] ende so beraden
 En help niet dat siere toe daden
 Ende ke[e]rden weder in die zale
 Met[te]n coninc altemale
 1855 E[nde dr]onghen den kercwarder also
 Dat hi [blide] was ende vro
 Dat hi hem die ioncfrowe wizede
 Sine achten niet dat hise prizede
 ¶ Hi ghinc alse in hare genade
 1860 Ende ledese in ene kemenade
 Daer si die ioncfrouwe vonden
 Ende hadde hars amijs wonden
 Ghedaen binden ende duaen
 Het [was] langhe ouer hem gegaen
 1865 Wantene lantsloot doot liet
 Te voren doe hi van hem sciet
Hi nam di vrouwe bi den hare
 Ende gheliet hem in diere ghebare
 Also hi hare thooft of wilde slaen
 1870 Ende hi seide hets met v gedaen
 Puten dochter quade valande
 Dat gi den hoghesten van den lande
 Wilt verraden ende doden
 Jc ne laets mj niet [verblo]den
 1875 Het ne sal v cos[ten v leuen]
 ¶ Si bat dat men [hare soude] gheuen
 Ghenaden d[ur] g[ode diese ghe]boot
 Jane hebd[i minen am]ijs [doot]
 Ende scade ber[a]den [ende lachter]
 1880 So uele onder eer [e]nde [ac]hter
 Jnne mach[s nemmermeer] ghe[nese]n
 ¶ Ende hi sprac [ten m]ach niet wesen
 Nv hebt core [ende ki]est
 Eer dat gi v lijf verliest
 1885 Wildi ons leueren die ueste
 Behoudet lijf dat dunct mj tbeste
 Ne wildijs niet anegaen
 So sal ic v thouet of slaen
 Bi ridderscepe ende bi al dien
 1890 Dat goet man soude plien
 Also si sach dat hi se dregede
 Ende seide dat sie uegede
 Was si harde sere veruaert
 Ende ghinc met hem ten torne waert

- 1895 ¶ Ende si riep lude ondoet latin
 ¶ Si seiden sine dadens meer no min
 Si souden den torn houden
 Ende niet verliesen bi haren scouden
 Die hem beuolen was te voren
- 1900 ¶ Hi sprac so hebdi thouet verloren
 Te hare. ende hief die ghisaerne
 Ende si riep owi wachaerne
 Ondoet den torn behout mj tleuen
 Hi es mijn. ic wilne op gheuen
- 1905 Alsi saghen hare noot
 Die hare dede lantsloot
 Ondaden si den torn sciene
 Ende ne maectens niet diere
 Ende ontwapinden hem altemale
- 1910 Sonder meerre weder tale
 ¶ Die coninc gaf hem orlof
 Dat si rumeden dat hof
 Behouden lijf ende lede
 Ende gaf hem goeden vrede
- 1915 ¶ Dus hadden si torn ende zale
 Ende datter was altemale
 ¶ Ende mijn her walewein voer uut
 Ende madeke .i. groot ghelut
 Dat die casteel gewonnen ware
- 1920 Hi madeke int here die niemare
 ¶ Doe trecten si alle binnen der uesten
 Hare dinc verghenc al ten besten
 ¶ Des mochten si lantslote louen
 Si sochtene beneden ende bouen
- 1925 Alse die blide waren vter mate
 ¶ Mettien quam keie die drussate
 In enen diepen kelnare
 Daer sach hi ende wart geware
 Waer ene ioncfrouwe ghespannen sat
- 1930 ¶ Die dicken onsen here bat
 Dat hi corten moeste har leuen
 Ende sulken zeghe gheuen
 Dat si quame van daer inne
 Si waende worden vten sinne
- 1935 Van pinen ende van vare
 ¶ Keie die drussate vragede hare
 Wat ware dat si meende
 Dat si droeue was ende weende
 Ende si dedet hem verstaen
- 1940 Ende seide dat si ware gevaen
 Ende .iij. iaer hadde gewesen
 Siene wanets nemmermeer genesen
 Eer si worde vten sinne
 Dat dede die ioncfrou van daer inne
- 1945 Die se also hadde gheuaen
 Ende siene hadde anders niet mesdaen

- Dan si stont in gheens prijs
 Die was der ioncfrouwen amijs
 Ende hi met hare hadde gewesen
 1950 Sie ne waende des rouwen niet genesen
 Siene weet mj wat eischen el
 Dan mj aenture met hem gheuel
 Nochtan ne mach ic niet gedoen
 Jnne moet steruen in dit prisoen
 1955 **H**er Keie sprac ghine sult niet
 Hets al anders hier ghesciet
 Camille heuet den casteel verloren
 Ghi moghet van hare wonder horen
 Hare liede ligghen verslegen
 1960 Achter uelde ende achter wegen
 Ende achter thof in die zale
 Menne can gheweten bi getale
 No bi namen bekinnen
 ¶ Ende die coninc es hier binnen
 1965 Met menegen man nv ter vre
 Die behoren tote arture
 Ende sal v laten gaen
 ¶ Alse dit die ioncfrou hadde verstaen
 Sone was nie so blide wijf
 1970 Die onder gode hadde lijf
 Ende seide dats hem god lonen moete
 Hi ontspien hare die voete
 Ende brocht se op in den zale
 ¶ Daer was tale ende weder tale
 1975 Ende bliscap menichfoude
 Onder ionghe ende onder oude
 ¶ Doe seide sie diere was geuaen
 Ende dedet den coninc verstaen
 Ende hiet hem dat men soeke
 1980 Der ioncfrouwen busse ende hare boeke
 Mach sie se wech bringhen
 Ende mens hare wil gehingen
 Si weet so uele van touerien
 Sal ic v der wareit lyen
 1985 Si sal wel die zee vloet
 Doen lopen daer die casteel stoet
 Ende al verdrenken datter es binnen
 Mach si hare salue gewinnen
 Die es in bussen ende in vaten
 1990 Si weet touerien uele vtermaten
 ¶ Doe wiste die ioncfrou enen stoc
 Die was gemaket als .i. bloc
 Daer helichdoem in ware
 Ende seide den coninc niemare
 1995 Dat daer die cokelie in was
 Die ioncfrou bedochte hare das
 Dat sie se daer in plach te doene
 Doe quamen .i. deel ghere baroene

- Ende rieden den co[ninc dat]
 2000 Ende vonden si[ere binnen wat]
 Dat ment b[e]rne in een [gloet]
 Dat dochte den heren wesen goet
 Men brac d[en] bloc ende vant also
 ¶ Doe st[ac men] hout an ende stro
 2005 [Ende verbernedet] sciere
 Altemale in den v[iere]
 Ende alse dit cam[ille] sach
 Dat altemale in gloede lach
 Hare salue ende h[are] boeke
 2010 Si sprac inne roeke
 Welken tijt dat ic sterue
 Ende mijns liues derue
 Dat ic dus uele hebbe ver[loren]
 ¶ Si ghinc tere venstern [vor]en
 2015 Die was van hoghen ge[werke]
 Alst ware ene kerke
 Ende liet hare uallen of
 Vter venstren in dat hof
 Op hare leuen ne achte si niet
 2020 Aldus die ioncfrou dane sciet
 Die vrouwe daer binnen hadde ghewesen
 ¶ Ende die andre was ghenesen
 ¶ Doe quam her walewein gegaen
 Die te voren was gheuaen
 2025 Toten coninc ende seide
 Here bi miere man waerhede
 Ic ben seker des te voren
 Dat wi lantslote hebben verloren
 Galioot salne ontleden
 2030 Ende behen[delike] henen sceden
 Ic segt v [daer ics seker b]en
 Hi begh[ert tghesel]scap van hem
 Meer [dan van eneghen] man
 Die on[der gode nie lijf ge]wan
 2035 Mar ic segghe [dat ic v rade]
 Omme te bes[cuw]ene meerre scade
 ¶ Here [coninc gi sult mi] doen sueren
 Ende seght [ghine willets niet] onberen
 ¶ Ende keien dien drus[sate]
 2040 Ende segt dat hijs niet ne late
 ¶ Ende her ywein mede
 Ende doeter omme vwe bede
 Dat wi den casteel wachten
 Bi daghe ende bi nachten
 2045 Datter nieman uut ne coemt
 Vor dat hi sinen namen noemt
 Van den gonen die sijn hier binnen
 Ende dat hi late bekinnen
 Dat nieman ne rumet d[i]t hof
 2050 Hine hebbes vwen orlof

[1 blad + x verzen ontbreken]

L14ra

Dan ic vertellen mochte met worde[n]
Daer waren die heren sere verheue[n]
Ende van der tafelronde ghescreuen
Beide lantsloot ende galioot
2055 Ende worden des conincs genoot
¶ Ende hestor die was die derde
[.....]

[y + 104 + x verzen ontbreken]

L14vb

[Ende] omme sinen gesellen algader
[De]s morghens alsemen sach
2060 [Ve]rbaren den sconen dach
[Gh]ereiden si hem ende voeren vort
[Vt]en castele ende vter port
[Ende] vonden die wondre in hare vaert
[.....]

[y + 87 verzen ontbreken]

2065 [Da]t ic v hierna sal [t]ellen

[Aventure] ende wo[n]der gr[oot]
[Ende oec van galioots doot]

[Die] aventure die [ic] liet
[Die] wil ic nv vertellen niet

2070 [Ende] es ene nieuwe tale
[Die]men met rechte horet wale
[Doe voeren] wech die .ii. ghesellen
[Daer sal ic] meer of tellen
[Deen an s]anders side

2075 [Galioot w]as vro ende blide
[An dener sid]e was hi onvro
[Dattet] comen was also
[Dattie co]ninc lantslote onthelt
Ende hadden b]uten siere ghewelt

2080 [An dander] side was hi blide
[Dat hi lantsloot] hadde bi siere side

[35 verzen ontbreken]

- Dat hi bi groten beduang[e]
Arture te dienste moeste [staen]
Ende wesen onderdaen
2085 Dat moeste die meneghe b[egomen]
¶ Nv waren die saken so ve[rre comen]
Dat lantsloot hadde des v[erdient]
Dat Galioot was so wel [sijn vrient]
Dat hi eer core te steruen
2090 Dan lantsloots te deruen
Dus voeren si wech [onder hem beiden]
Ende .iiij. sciltknaben [in haer gheleiden]
In swaren ghepeins[e bevaen]
Also alsic v mach doen ver[staen]
2095 ¶ Lantsloot vererrede
Dat hi der coninginnen ve[rrede]
Ende an dander side van ere [sake]
Dat galioot was tongem[ake]

[52 verzen ontbreken]

Q16ra

- Alsi tforeest waren leden
 2100 Quamen si op ene steen roedse ghereden
 Die so quaet te ridene was
 Hets wonder dats enich paert ghenas
 Daer laghen stene clene ende groot
 Voren vo[er] her galioot
 2105 Dat suare ghepeins daer hi was in
 Benam hem so sinen sin
 Dat hi hem niet vorwachte wel
 ¶ Sijn paert snaf ende hi vel
 [Op] enen onneffe[n]en steen
 2110 [He]m scoot thooft tusschen die been
 [Ende d]ede h[e]m sulc onghemac
 [Dat d]ie hals brac
 Ende galioot vel so onsochte
 [D]at hi hem verrechten niet ne mochte
 2115 [Hi] lach in ommacht optie erde
 [E]nde hem so uele derde
 [S]o dat lantsloot
 [W]aende dat hi ware doot
 [E]nde beite bi hem ter stede
 2120 [M]et so groter haestichede
 [D]attet siere herten derde
 [D]oe die ander lach ter erde
 [H]i riep owi wach arme
 [E]nde namene in sine arme
 2125 [E]nde hine roerde hant no voet
 [A]lse dit lantsloot verstoet
 [W]aende hi dat hi ware doot
 [E]nde hi hads den rouwe so groot
 [D]at hi uel in ommacht
 2130 [E]nde verlo[os]s so sine cracht
 [H]ine mochte gehouden lit ne gheen
 [H]i vel op enen scarpn steen
 [M]et sinen vorhouede
 [D]at hem tfel clouede
 2135 [A]l toten bene
 [Op]ten scarpn stene
 [Du]s laghen si beide daer ghestrect
 [Ende] onsochte gherect
 [Die] sciltknappen quamen naer
 2140 [E]nde vondense beide daer
 [G]elijc of si waren doot
 [De]s hadden si den rouwe so groot
 [Sine] wisten wesen in wat ghehare
 [Deen] nam den andren bi den hare
 2145 [D]at sijt nalics trecten uut
 [Daer] was van rouwen sulc gheloot
 [D]at galioot eerst bequam
 [D]oe hi dat grote luut vernam
 [Hine] bedochte hem seluen niet
 2150 [Hine] wiste wat hem was ghesciet

- Hi hadde vergheten dat hem derde
 Hi knielde neder optie erde
 Te lantslote dien hi op nam
 Ende lantsloot bequam
 2155 ¶ Soudic v al vertellen
 Van den twee ghesellen
 Hoe deen dur den andren mesliet
 Jnne quame ten ende niet
 ¶ Die here galioot hi bant
 2160 Die wonde die hi an sinen gheselle vant
 Die onsachte was bereit
 .i. sciltknape brochte .i. paert gheleit
 Si saten op ende voeren vort
 Wat holper omme langhe wort
 2165 Galioot hadde sinen toren
 Sere vergheten van daer te voren
 Omme lantsloots onghemac
 Dat hem sere int herte stac
 Ende si voeren spreken onderlinghe
 2170 Weder ende vort van haren dinghe
 ¶ Ende her lantsloot seide
 Lieue gheselle hets dorperheide
 Dat hem hoghe man meslatet
 Ende niet ghematet
 2175 Ghepeins doet menegen man vergheten
 Dat hi met rechte soude weten
 Ende comets in groter scaden
 Edel here sijt wel beraden
 Ende nemet so in vwe herte niet
 2180 Dat gi horet ende siet
 ¶ Dus so troestene lantsloot
 Dat was ene dinc die niet besloot
 ¶ Hi seide tferlies daer hi was in
 Soude hem benemen sinen sin
 2185 ¶ Alse een man trect achterwaert
 Ende hi dan mesfaert
 Ende verliest dat hem ghenoeget
 Ende siere herten voeghet
 Machmen te rechte meer claghen
 2190 Dan hi ware van kintschen dagen
 Dat machmen an mj bekinnen
 Jonghe ioghet mach uele verwinnen
 God hadde mi bi siere genaden
 Jn miere ioghet uele eren beraden
 2195 Mijn lant was meerre dan nv die drie
 Gheselle dat verloos ic bi die
 Nochtan claghe ic dit niet
 Jegen dat suare verdriet
 Gheselle dat wi moeten sceiden
 2200 Vor onse doot onder ons beiden
 Dat ist dat ic meest vruchte
 Ende doet pensen ende versuchte

- God hadde mi ghegheuen
 Al minen wille ende verheuen
 2205 ¶ Ende die al heuet dat hi beghert
 Ende so dat hem niet ne dert
 In desen liue in ertrike
 Hi mochte wel wes[en] mijn ghelike
 Na dat mi dit was ghegheuen
 2210 Begonste ic dolen ende sneuen
 Ende hebbe uele meer verloren
 Dan ic bliscepen hadde te voren
 Ende verliese in lanc so meer
 Met rechte es mi mijn herte seer
 2215 Van ghepense ende van scaden
 Daer ic mede ben verladen
 Alse dit lantsloot horde
 Sine ontfarmelike worde
 Die hi dede ende seide
 2220 Ende hoe hi clagede sine arbeide
 Doe bat hi hem dur genade
 Dat hi hem seggen soude in rade
 Wattet ware dat hem derde
 Daer hi so omme verterde
 2225 Sine herte ende sijn lijf
 Hi ware dommer dan .i. wijf
 Die niet ne weet wat si seghet
 Die ghene die dier voeren pleget
 En dade hem grote noot
 2230 Jc bids u sprac her lantsloot
 Dur den here die ons gewrochte
 Dat gi mj segt v gedochte
 Mochtic v gehelpen met aenturen
 Die soudic gerne dur v gheduren
 2235 Ende auen[tur]en mijn leuen
 Of ic soude v bate gheuen
 Dier gi of sijt tongemake
 Dur gode ondeckt mj vwe sake
 Galioot antworde sciere
 2240 Ghi bemanet mj so dire
 Jnne wils v weder seggen niet
 Dat ic doghe suaer verdriet
 Ende tghepeins hare entare
 Dat comt al van enen vare
 2245 Des ic hebbe suaren toren
 Mi heuet ghedromet hier te voren
 .ij. waruen so onsochte
 Al wildic wel inne mochte
 Verhoghen eer ic weet wat spellet
 2250 V ende gode moet sijn ghetellet
 Sint dat ghijt wilt horen
 ¶ Mj dochte dat ic was hier te voren
 Op enen dach ende op .i. vre
 Metten coninc arture

- 2255 Ende hoe dat .i. serpent quam
Des ic veruaert ben ende gram
[.....]
Ende dede mi grote [...]e
¶ Dat serpent dat eislike dier
- 2260 Scoot op mj vlamme ende vier
Ende verbrande der mede
Al mine wapine ende mine lede
So dat icker onblide was
Ende nemmermeer ne ghenas
- 2265 [Hi]er omme heb ic [.....]
Ende op den andren nacht
Dochte mj god gheuen [waen]
Dat ic in minen [lijf bevaen]
Hadde .ij. herten euen g[root]
- 2270 Ende euen ghelike ende euen ghe[noot]
Dit dochte mj daer ic lach
Ende alsic mj omme sach
Haddic verloren die ene
Doe dochte mj al ghemene
- 2275 Mine borst ende mine lede
Ende daer na starf ic mede
¶ Mar eer ic starf daer te voren
Die herte die ic hadde verlo[ren]
Dochte mj comen .i. liebaer[t]
- 2280 Nam se ende liep te woude waert
Met andren diren met andren beesten
Die lopen achter dien foreesten
Hier omme ben ic in [d]ole
Ende berne als ene cole
- 2285 Toter wilen dat ic weet
Wattet spellet lief of leet
Doe sprac lant[sloot desen dro]m[e]
Here ne houtet [.....]
Het es truffe ende anders niet
- 2290 Daer gi v of ontsiet
Droom es al ghedua[s]
Ghi sijt dul ontsiedj v [das]
Inne ben niet sprac galioot
Bi den here die [ons] gheboot
- 2295 Jc houder mine her[te an]
Ende ic duchte ene[n man]
Sal mj leet van drome ghescien
Dat sal mj co[men van dien]
No nemmermeer [so]e wardi[c blide]
- 2300 Toter wilen ende toter [tide]
Dat ic hebbe enen clerc [vernomen]
Die mj spelle[n can die dromen]
Ende seghen watter ane [legghet]
Dar ic bi dus b[en ontweghet]
- 2305 Ende in ghepeinse so [groot]
¶ Here antworde Lan[tsloot]

[10 bladen + 3 katernen + 4 bladen ontbreken?]

- ¶ Die hertoghe was te hem wart fel
 Ende hi conste scermen wel
 Also alst hem daer wel seen
 2310 Hi clouede den derden thouet ontween
 ¶ Doe was die vierde so sere verladen
 Dat hi den hertoge bat ghenaden
 Also diet gheuecht nietmeer begherde
 Hi warp sinen scilt ter erde
 2315 Ende leide te gader sine hande
 Ende seide here het ware scande
 Sloeghedij mij al sonder were
 Na dien dat ic ghenaden ghere
 ¶ Die hertoghe seide dat waert
 2320 Neen ic niet sijts onueruaert
 ¶ Doe quam dat uolc van binnen
 Toe ghelopen in allen sinnen
 Ende hadden bliscap ende spel
 Datten hertoge verghinc so wel
 2325 Si prijsden sere sine aenture
 ¶ Doe ghinc die ioncfrou aldure
 In enen bongart dien si vant
 Entie hertoge volghede hare te hant
 Ende ghingen den bongaert al dure
 2330 Die ghewaerde ene langhe vre
 Doe saghen si bliken ene veste
 Die hem dochte die beste
 Die hi binnen langhen hadde ghesien
 Ende hi horde mettien
 2335 Blasen harde meneghen horen
 Bouen optie borch daer voren
 Hi was in menegen ghedochte
 Wat wonder het wesen mochte
 Dat hi daer hoorde in scine
 2340 Blasen so meneghe busine
 Doe sach hi volcs een groot deel
 Comen vte dien casteel
 Beide ridders ende knapen
 Clerke seriante ende papen
 2345 Vrouwen ende ioncfrouwen
 Diemen daer uele mochte scouwen
 Hare grote bliscap ende har spel
 Ne mochtic v niet vertellen wel
 Si quamen blidelike ter vloghe
 2350 Ende onthaelden dien hertoghe
 Bet dan ic gheseggen mochte
 Al leidicker an mijn ghedochte
 ¶ Hine sagher ouden no ionghen
 Sine dansten ende spronghen
 2355 Ende onthaeldene te stride
 Ende waren alle blide
 Na dien hertoge quam .i. seriant
 Die brochte dat scermeghewant

- Van hem diere verwonnen waren
 2360 Ende liet al den andren baren
 Inne mochtu niet ghemaken vroet
 Hoe menich present hoe menich goet
 Men daer den hertoghe boot
 Hine begherets clene no groot
 2365 ¶ Hi seide dat hijs niet ne rochte
 Elc peinsde alsoe hi best mochte
 Den hertoge tontfane wel
 Ende seiden die aenture was so fel
 Daer hise vte hadde ghebrocht
 2370 Datse die meneghe hadde becocht
 God hadde hem ghewesen hout
 ¶ Doe quam die here die was so out
 Die ten castele behorde
 Dat hi wel na none sach no ne horde
 2375 Ende seide hi ware ghereet
 Dur te behoudene sinen eet
 Dien hi hadde gheseit ende ghesuoren
 Langhe wile daer te voren
 Die breken soude den suaren pant
 2380 Hi soude hem op gheuen sijn lant
 Ende warder of sijn man algader
 Dats hem verstarf van sinen vader
 Ende bat den hertoge dat hijt ontfaet
 Versuoere hi hem het ware quaet
 2385 Die hertoge seide hi dade gherne
 Des hem niet ne stonde tonberne
 Ende ontfinc die manscap der of
 Cortelike nam hi orlof
 ¶ Mar eer hi dane sciet
 2390 Vraghede hi hoe die casteel hiet
 Men wils hem helen niet
 Ende seide dat hi pintadeel hiet
 ¶ Doe vragheden si omme shertogen name
 Dat hine seide waert hem bequame
 2395 ¶ Hi seide dat hiere niet omme loghe
 Hi hiete galescascin. die hertoge
 Alst doch so vort was comen
 Dat hi orlof hadde ghenomen
 Voer hi wech alsoe hi eerst mochte
 2400 Metter ioncfrouwen diene ghebrochte
 ¶ Ende alsi waren verre voren
 Vraghede hi hare ende wilde horen
 Waer omme dattie .iiij. vochten
 Hi was in menegen ghedochten
 2405 ¶ Si seide siene wilds hem niet bedieden
 Toter wilen dat si scieden
 Dan soude hiere of in corten tiden
 Weder verdroeuen ofte verbliden
 ¶ Dus voeren si onder hem drien
 2410 Tote nader noene ende hebben versien

- Enen casteel die scone sceen
 Si voeren wech al in een
 Die sciltknape ende sijn here
 Entie ioncfrouwe si voeren sere
 2415 Des si quamen vor dien casteel
 Si waren vermoeyt een deel
 Van ridene. ende elcs paert
 ¶ Doe sach die hertoge in waert
 Ende sach den casteel open staen
 2420 Het was daer binnen also ghedaen
 Alse[t] ware der hellen gront
 So suart wast binnen dat daer stont
 Ende daer uut quam een stanc
 Die hare herte duanc
 2425 ¶ Die ioncfrou quam ter porten gheuaren
 Si beite entie met hare waren
 Die stanc maecte hem tlijf te sure
 Ene kerke stont daer biden mure
 Daer ene plaetse bi lach
 2430 Daer wast claer alse die dach
 Mar het waser binnen also ghedaen
 Als offer noit man hadde ghegaen
 ¶ Doe wijsde si hem ene aenture
 Tender kerken binnen enen mure
 2435 Daer ene porte stont an
 Ende si seide ware hi sulc man
 Dat hi die porte mochte ghewinnen
 Ende comen daer binnen
 Tenen outare die daer stoet
 2440 So mochte hi wel wesen vroet
 Mochte hi die aenture ontstaen
 Ende metten liue ontgaen
 Ghine durft vort an
 Duchten ghenen erdschen man
 2445 No den doloreusen tor
 Al quame diere noch int spor
 Sijt seker deser vorworden
 ¶ Die hertoge ende si alle horden
 Wenen. ende hande slaen
 2450 Van lieden diere laghen gheuaen
 Die casteel entie capelle
 Was donkenre binnen dan die helle
 Mar also alsic v hebbe gheseit
 Was ene grote clareit
 2455 Omme die kerke die daer stoet
 Doe wilde die hertoge wesen vroet
 Wane die claerheit quam
 Diemen omme die capelle vernam
 Ent elre so donker was
 2460 Hi ware gherne vroet das
 Ende wane quame die grote stanc
 Seide siet hem hi wists hare danc

- Hi ware gherne berecht der of
 Waer bi dat in dat hof
 2465 Ende in dien casteel ende in die capelle
 Donkerre ware dan in die helle
 Si seide here ic maecs v vroet
 Daer die selue capelle stoet
 Was ene ermitage hier te voren
 2470 Des moghedi die wareit horen
 Ende alse die goede lieden
 Van der warelt scieden
 Die hier begrauen sijn
 Daer gi siet dat sonne scijn
 2475 Daer omme es daer die clærheit
 Dur dat si daer waren gheleit
 Sint quamt also voort
 Dat dermitage was te stoort
 Ende te broken. ende veriaghet
 2480 Een heilich man diere hadde ghedaghet
 Die dede dit ghestichte maken
 Alse hijt best conste gheraken
 Die here van den castele
 Was vol van reuele
 2485 Hem ne rochte wat hi dede
 None sparde ghene quaethede
 Op enen goeden vriedachs nacht
 Hadde hi hier ene ioncfrouwe ghebracht
 Ende lagher bi in die capelle
 2490 Doe quam die duuel vter helle
 Ende proeueder an sine cracht
 Hi dodese optien nacht
 Ende heuet ghesaket te sinen dele
 Wat dat behort te desen castele
 2495 Nune magher nieman comen binnen
 Hine blijft doot of moet ontsinnen
 Hets meneghen ridder worden te sure
 Mochti comen binnen enen mure
 Te brekene dese auenture
 2500 Die den menegen es worden te sure
 No nemmermeer wert si te broken
 Hets vorseit ende vorsproken
 Vor die beste ridder coemt
 Dien men in die warelt noemt
 2505 Die machse breken ende niement el
 Ende inne ben seker niet wel
 Of ghijt sijt ofne sijt
 Toter wilen ende toter tijt
 Dat ghijt here hebt gheproeft
 2510 Jc ben om dese dinc bedroeft
 Ende hebbe gheweset des es lanc
 Ende ic seg v dat dese stanc
 Comet van hem tween
 Die hier dus ruket al in een

[1 dubbelblad ontbreekt]

- 2515 Waest openbaer ofte stille
 D[ur] her waleweins wille
 Die so hadde gherumet tlant
 Doe brochte niemare meliant
 Dat hi lantslote sach
- 2520 Ende waer dat hine liet op enen dach
 Ende dat hi waleweine sochte
 Also die te keerne niet ne rochte
 Toter wi[l]en enter stonde
 Dat hine wiste ende vonde
- 2525 Ende quam[e] in sierde vaerde
 Ende her ywein metten liebaerde
 Die sochtene also ghelike
 Ende d[u]rreden menich rike
 Hare entare weder ende ghens
- 2530 Entie hertoghe van clarens
 Die sochte waleweine mede
 In menich lant in meneger stede
Dus voeren die heren onder hem drien
 Elc sonderlinghe om waleweine spien
- 2535 Des brochte niemare meliant
 Den coninc arture daer hine vant
 Ende [dat] lantslote ware
 Niewelics comen niemare
 Dattene carados hadde gheuaen
- 2540 Die meneghe ondaet hadde gedaen
 Ende luttel dogheden was ghewone
 Walewein arturs suster sone
 Ende gheuoert in siere welt
 Ende waer dat menne helt
- 2545 Hier omme soeken siene hare entare
 O[m t]e vereischene niemare
 ¶ Also die coninc dit verhorde
 Hi was van meliants worde
 Beide droeue ende blide
- 2550 Sijn herte was in groten stride
 Hi was blide van der niemare
 Dat sine sochten hare entare
 Die alre beste van sinen houe
 E[ntie] van den meesten loue
- 2555 Ende h[op]ede dat sine souden vinden
 Sint dat sijs hem bewinden
 An dander side was hi veruaert
 D[at hin]e w[i]ste waerwaert
 Dat her walewein was ontweghet
- 2560 Also her meliant hadde gheseghet
 D[es was de]s conincs droefheit groot
 ¶ M[ar] al int hooft her galioot
 H[i was] droeuer uele allene
 Dan alle die andre ghemene
- 2565 Omme lantslote was al sijn vaer
 Dat hi was wech hine wiste waer

- Ende omme waleweine mede
 Was groot sine serichede
 Ende meerre dan men hem sach toghen
 2570 Hem liepen die trane vten oghen
 Ende waende warden vten sinne
 ¶ Die coninc onboot die coninginne
 Ende seide hare die niemare
 Har herte was in groten vare
 2575 Om waleweine ende om lantslote
 Ende om die twee andre ghenote
 Die heren waleweine sochten
 Ende vinden souden of si mochten
 Har herte was in grote horeest
 2580 Ende omme lantslote meest
 Dat was die slotel van harre herte
 Dur hem hadde si die meeste smerte
 Dat hi hadde gherumet thof
 Sonder haren orlof
 2585 Si was te barteert ende so ondaen
 Dat si niene mochte staen
 Ende moeste gaen sitten neder
 Si peinsde vort ende weder
Die coninc troestese sere
 2590 Ende bat hare dur die gods ere
 Dat si hare seluen vertroost
 Walewein wert wel verloost
 Hi waende dat alle hare vare
 Om waleweine ware
 2595 Die coninc. mar neent niet
 Dat si weende ende hare mesliet
 Het was om lantslote dien si minde
 So dat har dochte dat si ontsinde
 Ende sere was tenden rade
 2600 ¶ Si ghinc in ene kemenade
 Ende bat gode met droeuen worden
 So dat die coninc ende menech horden
 Ende marien der maghet soete
 Dat hi nemmermeer ne moete
 2605 Keren. sulc dien si meende
 Si ghinc bet vort ende weende
 ¶ Ende galioot hi uolghede hare
 Hi wiste wel dat hare mesbare
 Waren omme lantslote
 2610 Ende hare droefheit grote
 Daer si omme was tenden rade
 Also hi quam in die kemenade
 Sach hi se ligghen in ommachte
 Ende hadde verloren hare crachte
 2615 Hi hiefse op van der stede
 Die vrouwe van malohaut waser mede
 Si troesten se sere onder hem tween
 Elc sonderlinghe al in een

- Mar hetne besloot niet
 2620 Har seluen dochte dat si versciet
 Van der warelt daer si lach
 Dur des wille dat si nietne sach
 Lantslote har vercorne lief
 Des was si in suare meskief
 2625 Ende omme lantslote in vare
 Doe ghinc galioot van hare
 Toten coninc. ende si spraken
 Weder ende vort van haren saken
 Wat dat si doen mochten
 2630 Har ghepeins ende har ghedochten
 Die waren harde menechfoude
 ¶ Doe seide galioot dat hi soude
 Varen in scotlant aenturen
 Ende nemen dats hem mochte gheburen
 2635 Omme die waleweine sochten
 Ende gherne vonden of si mochten
Doe seide die coninc twaren
 Dat hi mede soude varen
 Ende sine ridders alle
 2640 Ende proeuen hare gheualle
 Om die ghene die waren in weghe
 God moeste hem gheuen seghe
 Met eren te keerne in har lant
 ¶ Doe seide die bode meliant
 2645 Dat hi wilde varen mede
 Si souden comen te somiger stede
 Daer die passagen waren so quaet
 Ne hadde hi ghenen goeden raet
 Daer soude menich laten al
 2650 Dat hiere brochte hine hads gheual
 Ende sijns selues lijf te voren
 Wildi na minen rade horen
 Jc sal v alt beste leden
 Te varne eer wi sceden
 2655 ¶ Die coninc seide ja wi gherne
 Siere hulpen ne staet ons niet tonberne
 Ende dede ghebieden achter there
 Dat hi hadde goeden ghere
 Te porne des morghens vroe
 2660 Ende si hem ghereiden daer toe
 Weder ende vort in allen sinne
 ¶ Die coninc dede vraghen der coninghinne
 Of si wilde varen mede
 Ende porren des morghens vter stede
 2665 **M**ar si seide neen si niet
 Hem was leet dat siet liet
 Des nachts waren si te samene daer
 Also hem die dach verbaerde claer
 Was die coninc op ghestaen
 2670 Ende te missen ghegaen

- Ende horde den dienst ent ghetide
 Sijn herte was altoos onblide
 Om die hem waren ontfaren
 Doene was daer gheen langer sparen
 2675 ¶ Hi dede sine liede ghereiden
 Also die dane wilde sceiden
 Teersten dat si waren ghereet
 Dat langhe letten was hem leet
 ¶ Doe porreden si met haren here
 2680 Die beuanghen was met groten sere
 ¶ Ende galioot ende sine lieden
 Men mocht v lichte niet bedieden
 Van den ridders tghetal
 Die wilden proeuen har gheual
 2685 Metten coninc arture
 Hier latic bliuen dese auent[ure]
 Des icker weder come toe
 Ende sal v segghen hoe
 Lantsloot voer een stic
 2690 In dien ghedochte so ben ic
 Doe hi van meliante sciet
 Ende van den knape dien hi liet
 Die lantslote ghemoete
 Ende houeslike groete
 2695 Entie den here yweine ghebrochte
 Also verre also hi rochte
 Ende seides lantslote niemare
 Waerwaert dat hi ware
 Ende daer hine best bewaende
 2700 Hier blijft die aenture staende
 Nv beghint hier ene tale
 Lantsloot voer berch ende dale
 Des hi quam beneden int dal
 Daer her ywein moeste doghen al
 2705 Tordeel dat hem ouer ghinc
 Ende daer hi meneghen slach ontfinc
 Ende meneghe steke van speren
 Die hem met rechte mochten [deren]
 Nochtan vacht hi so sere weder
 2710 Dat hi sulken velde neder
 Die nemmermeer rechte no ghinc
 Van der steke die hi ontfinc
 Her yweins pine die was [groot]
 ¶ Binnen dien quam her lantsloot
 2715 Vanden berghe te dale
 Ende hi kende heren yweine [wale]
 Bi den scilde den here ywei[ne]
 Ende dat sine anxen en niet was [cleine]
 Daer so menich op hem sloe[ch]
 2720 Ende hi mercte den ghenen d[iene verdroech]
 Ende dicke den here ywein hadde [ghedaen]
 Ne hadde hijs niet willen ve[rstaen]

[4 bladen ontbreken?]

- [E]n[de] seide ic die waerheit
 Dat ic keer[de] dur blootheit
 2725 Ofte vlo [van] enegher stede
 Si souder houden har sceren mede
 Die ghene die ten houe behoren
 ¶ Doe seide die knape vaert voren
 [E]nde nemet dats v mach ghescien
 2730 [G]hine vint mj nemmermeer in dien
 [D]at ic v volghe in sulker stede
 [D]aer ic verliese lijf ende lede
 [M]ar of gi emmer wilt riden
 [J]c sal vves hier onbiden
 2735 [G]a]et v ten besten gi moghet mj hier vinden
 Van des gi v wilt bewinden
 [J]c sal vves onbeiden toter stonde
 [D]at naken sal den auonde
 ¶ [D]oe seide die hertoge dats mj ghenoech
 2740 Ende wel mijn gheuoech
 Gheualt dat ic niet ne kere
 Danct miere nichten alre ere
 Die si dur mj heft ghedaen
 Mach ic metten liue ontgaen
 2745 Ende mj g[o]d doet verdrach
 [J]c sal se spreken als ic eerst mach
 [W]at dat hem die knape riet
 [H]ine wildes laten niet
 [H]ine voer den wech beneden int dal
 2750 ¶ Deen den andren gode beual
 Daer si onder hem beiden scieden
 Dit wil ic laten ende bedieden
 Die costume van den dale
 Hier blift van den hertoge die tale
 2755 Nv wil ic v bedieden
 Waer omme si den hertoge ontrieden
 Beide sijn knape entie weerd
 [T]e doene dat hi hadde begheert
 Dat dal was van sulker zede
 2760 Die peinsde ontrouwichede
 Ten sinen lieue ofte dochte
 Dat hi keren niet ne mochte
 Vten dale metten liue
 Dit was al bi enen wiue
 2765 Diemen morgaine noemt
 Bi haren schulden wast dat coemt
 Dat die meneghe suaren arbeit
 [V]ant als]ic v hebbe gheseit
 ¶ [D]ie coninc artur was har broeder
 2770 [E]nde was van touerien vroeder
 Vele meer allene dan alle die wijf
 Die onder gode hadden lijf
 Si hate tgheselschap van lieden
 [E]nde wilde wel dat si van hare scieden

- 2775 Har[e man]ier was in dat dal
 Ende wilde bi nachte wandren al
 ¶ Sulke hietense morgaine delvinne
 Ende sulke seiden dat si ware godinne
 ¶ Dese morgaine minde
- 2780 Dat har dochte dat si ontsinde
 Ende uele meer dan hi hare
 Des so wart si wel gheware
 Die scoenre was verre te voren
 Daer bi hadde hi se vercoren
- 2785 Mar dat hi morgainen ontsach
 Hine ware op ghenen dach
 Comen daer hi se hadde ghesien
 Mar hi ontsach hem van dien
 Dat si touerie ende quaet
- 2790 Vele wiste ende baraet
 Dit was dat hi vruchte al
 Tenen stonden quam hi int dal
 Met sinen lieue bi liste
 Daer hijt alre scoonst wiste
- 2795 ¶ Dit dede morgaine bespion
 Dur dat si wiste ende hadde versien
 Dur des wille dat sies was onvro
 Betouerde si dat dal also
 Dat gheen ridder ne mochte ontgaen
- 2800 Die hadde ghepeinst ofte gedaen
 Also uele alse van enen worde
 Dat te ontrouwigheden behorde
 Ter ghere wart die sijns begherde
 Dit was datten dale derde
- 2805 Hi moester bliuen diet ware ghesciet
 Die dede ofte peinsde iet
 Ander sake dan hi soude
 Te hare wart diene hebben woude
 Dus helt si har lief gheuaen
- 2810 ¶ Ende hadde die ioncfrouwe ghedaen
 Die metten ridder daer was comen
 Also alsict v wel mach nomen
 Dat was in enen kerker cout
 Daer si doghede groot onghedout
- 2815 Ende des ic v mach maken wijs
 Beneden den gordele dochtet hare ijs
 Enter bouen ene gloet
 Dit dochte der ioncfrouwen daer si stoet
 Ende claghede dicke har ongheual
- 2820 ¶ Morgaine was metten ridder int dal
 Ende wat ridder diere quam binnen
 Die onghetrouwe was van minnen
 Hi moeste mede bliuen daer
 Dit was ghehert .xvij. iaer
- 2825 Dattet niet was te broken
 ¶ Die touerie was also besproken

- Teerste datter quame inne
 Ridder die noit ne droech minne
 Daer hi ontrouwichede an sochte
 2830 Dat hi se al verlossen mochte
 ¶ Si waende wel ouerwaer
 Die de touerie maecte daer
 Dat ridder ne ware onder den trone
 Sonder valsch ende sonder hone
 2835 Hier bi liep die niemare
 Achter lande hare entare
 Beide vor heren ende vor vrouwen
 Dattet dal ware van rouwen
 Jc seg v dat omme dat dal
 2840 Stonden berghe ouer al
 Die hoghe waren ende stuer
 Ende ommet dal ghinc ene muer
 Die van der lucht was ghemaect
 Wiere binnen quam gheraect
 2845 Hine mochte keren nemmermeer
 Des was den meneghen therte seer
 Dus waerre gheuanghen wale
 .cc. bi ghetale
 Die niet ne mochten ontgaen
 2850 Die hadden ghepeinst ofte ghedaen
 Onghetrouwicheit te sienen lieue
 Hi bleef gheuaen ghelijc den dieue
 Mar so uele waser an
 Daer ne was binnen gheen man
 2855 Hine hadde ghenoech des hi begherde
 Ende dat hi daghelics verterde
 Bider ioncfrouwen behendichede
 Diet hem allen gheuen dede
 Ende berechte groot ende smal
 2860 Daer spranc ene fonteine int dal
 Si hadden spel ende groten duut
 Mar daer ne mochte nieman uut
 Sulc waser binnen dient ghenoechde
 Ent gheselschap wel voeghede
 2865 Ende sulc hads den rouwe so groot
 Dat hier omme coos die doot
 Dat hi daer was comen
 Dit hadde den meneghen tlijf benomen
 Want en was man so vroet ne gheen
 2870 Van al diere quamen nemmer een
 Die mochte buter mure gheraken
 Bi enegherhande saken
 Die man conste ofte wiste
 Die muer was ghelijc den miste
 2875 Hine was van houte no van stene
 Mar van touerien al ghemene
 Des hare die duuel gaf die macht
 Dien si diende dach ende nacht

- ¶ Nv ist tijt dat ic beghinne
 2880 Te telne hoe hi quam daer inne
 Die hertoge die daer was comen
 Te ghenietene scade ende vromen
Doe die hertoge was in dien
 Dat hi emmer wilde weten ende sien
 2885 Die aenture van den dale
 Sciede hi met soonre tale
 Van den ghenen die met hem quam
 Dies sere was int herte gram
 Dat hi wrochte buten sinen rade
 2890 Ende seide dat hi der groter scade
 Niene dorste ghenieten no met hem varen
 God selue moetene bewaren
 ¶ Doe scieden si onder hem tween
 Die hertoge voer al in een
 2895 Met pinen nederwart dat dal
 Die berch was steil ouer al
 Die wech wart hem sere te sure
 Teersten quam hi tenen mure
 Die was ghemaect alse van miste
 2900 Bi touerien alsi wiste
 Die ghene diene makede
 Alse hi der muren ghenakede
 Hi seghende hem ende voer in
 Ende hadde gode in sinen sin
 2905 Het was so donker daer binnen
 Hine mochte cume den wech bekinnen
 Ende alse hi die mure was leden
 Ende hi se al dure hadde ghereden
 Doe vant hi ene claerhede
 2910 Ende vant huse tere stede
 Harde scone een groot ghetal
 Vor hem staen in dat dal
 Teerste dat hiero quam bet naer
 Sach hi staen ghebonden daer
 2915 Twe grote draken ende onghier
 Dien vter kele scoot dat vier
 Soude hi die rechte strate riden
 Hi moeste tusschen hem beiden liden
 Nochtan ne wilde hi keren niet
 2920 Dur noot diere hem of ghesciet
 Ende voer wech al in een
 Ende alse hi quam tusschen hem tween
 Si scoten op hem ende daden ontmalien
 Den halsberch dat hi moeste faelien
 2925 Met haren clawen die waren starc
 Hets sulc hine wilde om .M. marc
 Hebben gheweset tusschen hem tween
 Daert so onghehiere scen
Die hertoghe sloech slaghe groot
 2930 Alse die ghene die niet was bloot

- Nochtan seg ic dat hi ontfinc
 Pine groot eer hi ontghinc
 Van den beesten ongherier
 Si hadden op hem ghes[coten vier]
 2935 [Al weerde] hi [hem met] sinen scilde
 [Hem] do[chte] dat hi bernen wilde
 [Hi lessche]dene ende voer bet vor[t]
 Ende sp[ra]c h[a]rde [m]ene[ch] wort
 Dat hem god gaue goede aenture
 2940 Binnen dien quam hi [t]ere dure
 [T]ot ere porten daer hi [d]or leet
 ¶ Doe sach hi een water diep ende breed
 Daer ouer ghinc ene planke allene
 Die harde smal was ende clene
 2945 Die moeste hi liden of weder keren
 Doene wilde hi van onneren
 Niet weder keren achterwaert
 Om dat menne soude heten veruaert
 Alsement wiste tes conincs houe
 2950 Ende warpene vten loue
 ¶ Dus ghinc hi vort daer hi sach
 Optie brugghe die vor hem lach
 So dat hi se met pinen leet
 ¶ Doe stonden .iiij. ridders wel ghereet
 2955 Beide met swerden ende met speren
 Die de brugghe wilden verweren
 Alse hi op tende quam ghegaen
 Ghinghen si op hem steken ende slaen
 So dat sine beduelleden
 2960 Ende in dat water velleden
 So dat hem dochte dat hi verdranc
 Dat dochte hem eer iet lanc
 Dat menne met haken trecte uut
 Dat si hem ghinghen dur die huut
 2965 Hem dochte der knapen .i. groot deel
 Diene droeghen in .i. proieel
 Daer doghede hi noch meerre noot
 ¶ Hi vander enen ridder groot
 Ende hiet dat hi hem op gaue
 2970 Hine wildes doen om ghene haue
 Nochtan hadde hi int water ghewesen
 Hine wanets nemmermeer ghenesen
 Ende was moede ende cranc
 Die ridder scoot op hem diene duanc
 2975 Ende diene sloech ende stac
 Hi dede hem menich onghemac
 Hi wilde hem tlijf hebben gherooft
 Den helm dien hi hadde opt hoofd
 Trac hi hem of ende maectene bloot
 2980 Hi seide gheuet v op of gi sijt doot
 En leuede noit man met siere cracht
 Die seerre dan die hertoge vacht

- Omme den duuel tontgane
 Hi was der doot sere in wane
 2985 So was hi vermoiet te voren
 [Hi waende hebben tlijf verloren]
 Nochtan ne wilde hi hem [niet op gheuen]
 Ende es in ommacht [vor hem bleuen]
 ¶ Doe quamen knapen .i. deel
 2990 Ende droeghene in .i. ander proieel
 Daer hi uele ridders vant
 Ende vermaledieden tlant
 Ende bi wien dat was ghemaket
 Datter so menich was ontraket
 2995 Doe die hertoge was becomen
 Van der pinen die hi hadde genomen
 Ende hi van der ommacht bequam
 Daer die meneghe omme was gram
 Dat hi so sere was tonghemake
 3000 Ende seiden here dese sake
 Es v sere worden te sure
 Dat gi quamet binnen der mure
 Elc troestene also hi best mochte
 Ende vragheden hem wat hi daer sochte
 3005 Ende wane hi quame ende wie hi ware
 Ende hi seide hem die niemare
 Dat hi te arturs houe behorde
 Hine loochs hem niet van enen worde
 Dat hi waleweine sochte
 3010 Ende gherne vonde of hi mochte
 Hi was gheuaen hine wiste waer
 ¶ Doe spronghen op .iiij. ridders daer
 Die te arturs houe hadden behort
 Ende quamen toten hertoge vort
 3015 Ende hietene willecome wesen
 Mar droeue waren si van desen
 Dat hi daer was gheraect
 Daer hi so sere was mesmaect
 Si telden den hertoge ende maecten hem vroet
 3020 Dattet dal bi touerien stoet
 Ende die onghetrouwe ware in minnen
 Quame hi ten dale binnen
 Hine mochte niet weder keren
 Daer omme waren daer die heren
 3025 Ende niet ne mochten ontgaen bi listen
 ¶ Alsi shertogen name wisten
 Vragheden si hem om niemare
 Ende hoet met arturs houe ware
 ¶ Hi seide dat si waren droeue
 3030 Al hadden si anders hare behoeue
 Ende dogheden menich leet
 Om waleweine die was onghereet
 Ende dattene lantsloot sochte
 Diere gherne an quame of hi mochte

- 3035 Ende her ywein mede
 Dus quam hi daer ter stede
 Op aenture offer walewein ware
 Ende om te ver[h]or[ne] niemare
 ¶ Alse die heren dit hadden verhort
- 3040 Spraken si weder ende vort
 Sulc van bliscepe sulc van sere
 ¶ Nv latic bliuen van desen here
 Ende van diere sijn gheuaen
 Ende wil an lantslote gaen
- 3045 Hoe lantsloot verlost alle die morgaen
 Met harre touerie hadde gheuaen
- H**ier beghint ene [a]juen[tu]re
 Doe lantslote was worden te sure
 Die duuelie die hi brac
- 3050 Ende hadde ghedoghet suaer onghemac
 In die kerke. alse gi hebt gehort
 Voer hi siere straten rechte vort
 Entie ioncfrou ende her ywein
 Ende reden berch ende plein
- 3055 Alst vor hem ghescepen stoet
 ¶ Doe quam die ghene in har ghemoet
 Daer die hertoge gheherberget was
 Ende maecte hem vroet das
 Wat passagen si souden vinden
- 3060 Gheuele dat sijs hem wilden bewinden
 ¶ Ende si vragheden hem om niemare
 Of daer enich ridder leden ware
 ¶ Ende hi seide iaet een
 Des nes niet lanc. die goet man sceen
- 3065 Bi al dat hi ghemerken mach
 Ende dat hi te mierre herbergen lach
 Smarghens voer hi ten dale waert
 Jc bat hem dat hijt hadde ghespaert
 Mar hine wilds laten niet
- 3070 Wat dat ic hem bat ende riet
Met desen lieten si die wort
 Lantsloot hi voer bet vort
 Des si ter capellen quamen
 Daer si den sciltknapen vernamen
- 3075 Die metten hertoge was comen
 Alse deen den andren heft vernomen
 Ondergroeten si hem ende spraken
 Weder ende vort van haren saken
 ¶ Die knape seide hem lieden niemare
- 3080 Dat die hertoge al daer ware
 Ende dat hi sijns onbeide daer
 Nochtan wiste hi wel ouerwaer
 Dat hi nemmermeer ne quame
 Daer hine meer vername
- 3085 Des hadde hi rouwe groot
 ¶ Doe sprac her lantsloot

- Dat hi soude varen int dal
 Entie met hem waren al
 Omme den hertoge spien
 3090 Of hierie iet of mochte versien
 ¶ Met desen lieten si hare tale
 Ende voeren onder hem drien ten dale
 Des si quamen teren mure
 Te ghenietene der aenture
 3095 ¶ Doe ghinc die ioncfrou tellen
 Ende maecte vroet haren ghesellen
 Van der vreisen diere an lach
 Die sonne sceen scone entie dach
 ¶ Die ioncfrou seide dat si woude
 3100 Dat her ywein proeuen soude
 Die eerste aenture voren
 ¶ Hine wilds hare niet verhoren
 Wat dat si gheboot
 Dat menne mochte houden ouer bloot
 3105 Ende lantsloot ne wilde ooc niet
 Weder segghen dat si riet
 Si seide si soude sciere keren
 Of god wil behouden harre eren
 Ende maken lantslote vroet
 3110 Hoet daer binnen ghescepen stoet
 ¶ Lantsloot hi hadde toren
 Dat her ywein voer voren
 Mar die ioncfrou diet bewerde
 Ende hi dedes dat sies begherde
 3115 Ende liet her yweine voren varen
 Die ioncfrou volghede hem sonder sparen
 Des si quamen binnen der mure
 Aldie selue aenture
 Die den hertoge ouer ghinc
 3120 Ende quam daer menne vinc
 So gheuiel den here yweine daer
 Die den hertoge volghede naer
 Hi doghede menegherande smerte
 Die hem sere ghinc int herte
 3125 Eer hi hem vanghen liet
 Nochtan ne mochte hi ontgaen niet
 Des hadde menich ridder rouwe
 ¶ Doe keerde weder die ioncfrouwe
 Har ne was ontseit niet
 3130 Daer si lantslote liet
 ¶ Ende seide here hets so vergaen
 Dat her ywein es gheuaen
 Nv siet here wats v raet
 Of gi desen wech bestaet
 3135 V ne mach gehelpen cracht ne ghene
 Ne ware ene sake allene
 Jst dat gi in vwen sinne
 Noit ne peinset domme minne

[7 bladen ontbreken]

U+V/V21ra

- [.....]n hem op den coninc
3140 [.....d]elike ontfinc
[.....]eit met minnen
[..... hem] die slotete van daer binnen
[.....l]en hem dien casteel
[.....]t was al ghehe[el]
3145 [.....] hem daer bu[t]en
[.....]at [n]ie[man] m[ochte] sluten
[..... daer] b[liscap me]nichfoude
[.....]ghe ende onder [o]ude
[.....] luttel [d]es ghen[oot]
3150 [.....] h[er] lantsloot
[..... he.....]
[..... om]
[..... ware qua]et vergouden
[.....]den
3155 [..... sei]de
[.....] arbeide
[.....]oghet
[.....]e ghepoghet
[.....] swert

[135 verzen ontbreken]

- 3160 Die [.....] arture
Ende beual har optie vre
Den coninc te bringhene te voren
Sulke tale also gi moghet horen
Die ioncfrou ne lette niet
- 3165 Te doene dat morgane hie[t]
Ende voer wech metter vre
Dat si vonden hadde arture
Tote binnen in dien zale
Ende sprac hare tale
- 3170 Daer si vor den coninc stoet
Ende seide here dor v omoet
[I]c ben bode ende bringhe niemare
[.]oet alle die ghene comen hare
[.]ie tuwen houe behoren
- 3175 [.]i moeten hier alle wesen voren
[.]er ic mine bodscap spreke
[.]ie coninc dede haesteleke
[.]ine liede te ga[.....]
[.]oe was daer [.....]
- 3180 [.]or den coninc [.....]
[.]ie ioncfrou [s.....]
- [30 verzen ontbreken]

- Dat hi niet ne mach ghenesen
 [E]nde heft [te] biechte ghewesen
 Ende ic seg v als ende als
 3185 Nemmermeer coemt scilt an sinen hals
 Nochte spere in sine hant
 Ende hi heft mj hier ghesant
 V te biddene oflaet
 Van siere groter mesdaet
 3190 Het is hem in penitencien ghegheuen
 Hine waent ghiene wile leuen
 Dat hi soude maken mare
 Hoet met hem enter coninginnen ware
 Doe wilde die coninginne op staen
 3195 ¶ Entie ioncfrou sprac si moeste sitten gaen
 Of inne spreke hier nietmeer
 Ende doe minen keer
Doe dedese die coninc sitten neder
 Entie ioncfrou sprac weder
 3200 Here coninc dur den loon van gode
 Onbiet lantslote. ende ic bens bode
 Dat gi hem vergheuet die misdaet al
 Beide groot ende smal
 Die hem es gheuallen met vwen wiue
 3205 Dicke wile binnen sinen liue
 Hem berouwet dat hem gheuel
 Ende kent hem mesdadich wel
 Ende sent hier dit vingherlijn
 Dat hi brochte an den vingher sijn
 3210 Ende dat hem gaf die coninginne
 Tenen stonden op minne
 Dattet liteikijn sal wesen
 Ghi moghet ghelouen wel van desen
 ¶ Daer ne was nieman in den zale
 3215 Doe si horden dese tale
 Hem ne ghinc .i. swert ouer therte
 Dat hem dede meerre smerte
 Dant noch nie hadde ghedaen
 Alsi die tale hadden verstaen
 3220 Si waenden werden vten sinne
 ¶ Ende noch was droeuer die coninginne
 Doe hare dat comen was te voren
 Ende sprac alse gi moghet horen
 So wie so wil houds mj ouer quaet
 3225 Jc gheloue dat dit baraet
 Vte her lantsloots monde
 Nietne quam te gheenre stonde
 Aldus gedane dorperheit
 Alse dese ioncfrou heft gheseit
 3230 Inne wilre niet lieghen an
 Jc minne hem bouen alle man
 Behaluen den coninc minen here
 Dur die doghet ende dur die ere

- Die hi mj dicke heft ghedaen
 3235 Ende so wel te staden staen
 Te miere bederue te miere noot
 Ende lossede hi mj van der doot
 Hier te voren met siere doghet
 Ende was mijn leidsman ende mijn voghet
 3240 Hi sloech .ij. gigante doot
 Daer hi mi lossede vter noot
 Her coninc doe gi al hadt verloren
 Jegen galiote hier te voren
 Hi behelt v goet ende v ere
 3245 Des gi waert onder des maecte hi v here
 Hi was die hem seluen niet en spaerde
 Hi wan die doloruse gaerde
 Daer hi v here madeke of
 Hine leuet niet die sinen lof
 3250 Mochte vertellen no volprisen
 Hi was van so goeder wisen
 En es vrouwe in deser warelt binnen
 Sine mochtene wel met rechte minnen
 Jc wane wel hadde hijs an mj versocht
 3255 Hi mochter ode toe hebben ghebrocht
 Dat ic sinen wille soude hebben ghedaen
 Mar hi sout node hebben bestaen
 Jc gaf hem dit vingherlijn
 Jc kenne wel dattet was sijn
 3260 Jnne weet waert dese ioncfrou nam
 No wiet har gaf no waent her quam
 Ende al had ic hem ghegheuen meer
 Hi hads verdient achter ende eer
 Dicken ende menichfout
 3265 Met goeden rechte ben ic hem hout
Doe antworde die coninc
 Vrouwe seit hi van deser dinc
 So sceldic v quite wel
 Ende van al dat v ie gheuel
 3270 Jc hout algader ouer spot
 Also moete mj beraden god
 Dat gi sake sout hebben gedaen
 Alsemen mj hier doet verstaen
 Jc hout algader ouer spel
 3275 Ende bi miere wit ic wilde wel
 Noch seg ic dat mj niet berouwewet
 Dat v lantsloot hadde ghetrouwewet
 Ende here ware van minen lande
 Jc salt segghen al ist scande
 3280 Ende ic moeste sijn gheselle sijn
 Des ic name minen fijn
 Bi al dat ie lijf ontfinc
 Dit sprac artur die coninc
Alse dit die ioncfrou horde
 3285 Scametse hare deser worde

- Die daer die niemare hadde brocht
 [Ende] was te keerne bedocht
 ¶ Daer waren ridders .i. groot ghetal
 Die hem des vermaten al
- 3290 Ne ware des conincs gheleide
 Si soude met lastre dane sceiden
 ¶ Ende si ontsach hare dier dinc
 Ende sprac here her coninc
 Nv doet wel ende doet mj gheleiden
- 3295 Vwen orlof ic wil hene sceiden
 Jc ben van vwen lieden in vare
 ¶ Doe sende hi den here yweine met hare
 Die op sat ende met har voer
 ¶ Ende galioot in diren eden suoer
- 3300 Dat hine laghe nemmermee
 Bouen ere nacht ofte twee
 Vor hi horde rechte niemare
 Waer lantsloot gheuaren ware
Die coninc sprac god gheues v spoet
- 3305 Jc weets v danc dat ghijt doet
 Ende des gi sijt worden te rade
 ¶ Galioot ghinc in die kemenade
 Nemen orlof an die vrouwe
 Ende vant se in sulken rouwe
- 3310 Dat nieman ne sach des ghelike
 ¶ Ende hi seide god van hemelrike
 Vrouwe die moete v bewaren
 Jc sal lantslote soeken varen
 Toter wilen enter stonden
- 3315 Dat icker niemare of hebbe vonden
 Ende ic des sal wesen vroet
 Weder hi leuet of ne doet
 ¶ Doe seide die vrouwe ic weet dat wel
 Dat lantslote niene gheuel
- 3320 Hadde hi gheweset in sinen sin
 Dese niemare tonbiedene hier in
 Hi es doot of vten sinne
 Lantsloot. dien ic so sere minne
 Dat mj doden sal die rouwe
- 3325 Galioot troeste die vrouwe
 Die hi sach in groten vare
 Ende nam orlof an hare
 Vriendelike hi dane sciet
 Die hi harde droeue liet
- 3330 Meer dan si toghede .i. groot deel
 Hi nam met hem lyoneel
 Alsoe die porren wilde scire
 Ende sciltknappen vire
 Dat was harde wel har doen
- 3335 Si voerden met hem .i. paulioen
 Ende namen orlof an den coninc
 Doe porde hi met deser dinc

- Ende voer tote buten der stede
 ¶ Ende walewein hi uolghede mede
 3340 Om lantslote te soeken also
 Si waren [siere coemste] vro
 Om dat hi goet was ende ghetrouwe
 Doe achterhaelden si die ioncfrouwe
 Ende met hare den here yweine
 3345 ¶ Dus voeren si wech al ghemeine
 Ende daden der ioncfrouwen verstaen
 Dat si hem niet ne soude ontgaen
 Sine souden hare volghen toter stonden
 Dat si lantslote vonden
 3350 No met crachte no met listen
 Vor si niemare van hem wisten
 Ende si seide ter goeder wile
 Ende voeren inne weet hoe menege mile
 Al cortende hare stonde
 3355 Des het quam ten auonde
 Doe vonden si ene veste
 Ende dochte hem dat beste
 Daer te bliuene dien nacht
 Ende voeren in also bedacht
 3360 Die ioncfrou waser nichte te houe
 Ende waren ontfæen met groten loue
 Nochtan ne was die weert niet daer
 Die mane sceen scone ende claer
 ¶ Entie ioncfrou si voer uut
 3365 Verholenlike sonder ghelut
 Bider hulpen vander werdinnen
 Die vrouwe was daer binnen
 ¶ Die ioncfrou voer al stillekine
 Die nacht al dure al hadse pine
 3370 Des si te harre vrouwen quam
 Ende seide hare wat si vernam
 Daer si se sende. ende was geuaren
 Toten coninc ende diere waren
 Si hildent al ouer onwaer
 3375 Die bodscap die si brochte daer
 Ende seiden also helpe hem god
 Het ware loghene ende spot
 Die coninc verliets der vrouwen wel
 Hine was har wreet no fel
 3380 Droeuer was si. entie ghenote
 Alle omme her lantslote
 Dan ic v wel vertellen mochte
 Al leidicker an mijn gedochte
 Mar die bodscap hilden si ouer onwaer
 3385 Hier latic die tale staen van daer
 Ende sal v tellen van die si liet
 Ende daer die ioncfrou of sciet
 Hier beghint ene sprake
 Die heren waren tonghemake

- 3390 Des morghens als hadden verloren
 Die ioncfrouwe groot was har toren
 Ende sise niet vonden der binnen
 ¶ Lyoneel hadde der werdinnen
 Groten laster beraden
- 3395 Ende seide het was bi haren daden
 Dat hem die [ioncfr]ou was ontgaen
 Ne haddemen hare niet te staden ghestaen
 Lyoneel hadse ghedoot
 ¶ Mar het bewerde al galioot
- 3400 Ende andre heren die daer waren
 Die haren laster wilden sparen
 ¶ Die ridders waren alle onvro
 Ende spraken hare saken so
 Dat si hem deelden onder hem viren
- 3405 Ende nemmermeer ne wilden finiren
 Toter wilen ende toter stonden
 Dat si lantslote vonden
 Of horden niemare
 In wat steden dat hi ware
- 3410 ¶ Si waren droeue vtermate
 Ende elc vercoos ene strate
 Darwart dat si wilden riden
 Met hem l[i]den was gheen biden
 Si voeren zoeken hare aenture
- 3415 ¶ Hier latic bliuen op dese vre
 Die tale van den drien heren
 Ende sal [op gal]jote keren
- Hier beghint van galiote
 Die voer zoeken lantslote
- 3420 Nv [hort h]jier .i. beghin
 D[aer hi was] comen in
 Alset so vort was comen
 Dat galioot orlof hadde nomen
 Voer hi wech toter stonde
- 3425 Dattet nakede [ten] auonde
 Ende hi sach [menech wilt d]jier
 Int wout daer [woende] .i. forestier
 Daer hi binne[n was] gheraket
 Met haeste hi hem d[a]rwaert maket
- 3430 Daer an lach sine bederue
 Hi hadder goede herberghe
 Dien nacht [entie] auonstonde
 Van al dat hi visieren conde
 Ende eischede ende beghert
- 3435 Dede hem he[bben] sij[n] wert
 Also die pijnde [om] sinen danc
 Des morghens als die dach ontspranc
 Nam hi orlof ende voer van daer
 Die sonne sceen scone ende claer
- 3440 Ende hi voer so langhe optien dach
 Dat hi enen casteel sach

- Die scone was vtermaten
 Alse hi den casteel hadde ghelaten
 Voer hi bet vort bi enen foreeste
 3445 Daer hi horde dat alre meeste
 Spel. ende sach
 Dan hi noit hadde op enen dach
 Dat spel entie tale
 Sach hi houden vor enen zale
 3450 ¶ Daer sach hi ende nam goom
 Enen dans om enen boom
 An dien boom .i. scilt hinc
 Daer die dans omme ghinc
 Ende alle die daer dansten ende wilde
 3455 Si neghen allegader den scilde
 Ghelijc oft ware .i. heilichdoom
 ¶ Des nam her galioot goom
 Ende mercte an den scilt wel
 Dat die was ende gheen el
 3460 Dien hi lantslote draghen sach
 Daer te voren optien dach
 Dat hi waleweine soeken voer
 ¶ Ende galioot seide ende suer
 Hi soude den scilt vor hem draghen
 3465 Ende voer daer si alle toe saghen
 Emde nam den scilt van den boom
 Hine achte niet wies nam goom
Daer waren ridders .i. groot ghetal
 Ten spele ende volgheden achter al
 3470 Die alle den scilt begherden
 Ende hadden grote onwerde
 dat hine wech soude draghen
 ¶ Ende begonsten hem vraghen
 Waer hier mede wilde
 3475 Met harre lieden scilde
 ¶ Hi seide hi soudene dane draghen
 Des begonste hem wanhaghen
 Den ghenen die hem uolgheden achter
 Ende wilden hem beraden lachter
 3480 Ende sloeghen op hem met groten ghere
 ¶ Ende hi keerde hem ter were
 Nochtan stont hem onsiene
 An danderside waren ridders tiene
 Diene bestonden optie tijt
 3485 Daer verrees .i. groot strijt
 Die ridders waren te hem wart fel
 Ende soeme waren si ghewapint wel
 Soeme waren si te voet
 Ende soeme waren si op orse goet
 3490 Ende ghingen galiote so naer
 Dat sijn sciltknape hadde vaer
 Ende ghingen hem so achter uolghen
 ¶ Mar doe galioot wart verbolghen

- Ende hi sach dattet ten erchsten ghinc
 3495 Doe sloech hi weder in den rinc
 Ende gaf hem sulke slaghen
 Dat si bi drien optie erde laghen
 Ende werde hem met groten gere
 ¶ Doe quam .i. met enen spere
 3500 Ende stac galiote van achter
 Des so mochte hi hebben lachter
 In die scoudre ene wonde
 Dat hem crankede sine ghesonde
 Doe alre eerst balch hi hem na rechte
 3505 Ende vercoende in dien gheuechte
 Ne hadde die here selue ghewesen
 Die daer ghereden quam met desen
 Die here was van dien lande
 Si waren van galioots brande
 3510 Alle bleuen gheslegen doot
 Mar dat die here genaden boot
 Ende bat ouer sine lieden
 Hier bi quamt dat si scieden
 Die here nam vrede an beider side
 3515 Ende beuelde ghene stride
 Om te houdene hare ghesonde
 ¶ Doe sach hi galioots wonde
 Ende begondene sere claghen
 ¶ Ende galioot begonde hem vraghen
 3520 Alse die ghene die weten wilde
 Waer omme si neghen den scilde
 Die daer dansten te voren
 Ende seide hi wilds niemare horen
Doe antworde die werd
 3525 Jc salt v segghen sint ghijs beghert
 Om dat hi des lieues ridders was
 Daer noit moeder of ghenas
 Entie grote duusterheit
 Daer men uele of heft gheseit
 3530 Ende achter lande telde
 Van hier binnen uelde
 Dat noit man doen ne mochte
 Nv seide hi ons die den scilt brochte
 Dat hi es bleuen doot
 3535 Bi miere wit dats scade groot
 Hine hadde gheleuet ewelike
 Ende ware coninc van enen rike
 Nochtan mach hi noch leuen wel
 Inne horet niemen segghen el
 3540 Dan die hier brochte den scilt
 Nv ghelouets of gi wilt
Galiot hi droeuede sere
 Ende nam orlof anden here
 Die daer comen was te voren
 3545 Si hadden some meer verloren

- An galiote dan ghewonnen
 Daer die strijt hadde begonnen
 ¶ Daer was .i. ridder so ghewont
 Dat hi daer na gheson[t]
 3550 Ne mochte warden nem[mermeer]
 Nochtan bat harre lie[den heer]
 Galiote dat hi bleue
 Des hi hem aersatre g[h]eu[e]
 Ende ghenese sine wond[e]
 3555 Ende wesen met hem [so langhe stonde]
 Hine wilde nemmer[meer]
 Also langhe als beide [.....]
 Dur die manheit die [.....]
 ¶ Galiot ne wilder nie[t]
 3560 Hi nam orlof ende voe[r van daer]
 Den menegen bleef [therte suaer]
 Die daer bleuen ghe[wont]
 Ende nemmermeer wor[den ghesont]
 ¶ Dus voer galiot ter [stonde]
 3565 Dat nakede den auon[de]
 Doe quam hi in enen [foreeste]
 Daer hi sach meneghe [beeste]
 Ende .i. huus van relig[ioene]
 Doe voer die ridder [coene]
 3570 Daerwart ende was [bedacht]
 Daer te bliuene die[n nacht]
 Hi vanter enen goe[den here]
 ¶ Diene ontfinc met [groter eren]
 Ende nam ware te sie[re wonde]
 3575 Ende hietene bliuen [toter stonde]
 Dat hi wel ware [ghenesen]
 Nv latic die tale va[n desen]
 Ende sal v tellen van [walew]eine
 Die reet berch ende pl[eine]
 3580 Met goeden wille met goeden gedochte
 Also die lantslote [sochte]
- Nv hort wat men van waleweine tellen sal
 Die lantslote voer soeken ouer al
- H**ier beghint [ene tale]
 3585 Dat walewein [voer berch] ende dale
 Drie daghe [hadde hi] ghereden
 Ende nerghen[t ne hadde hi onb]eden
 Sonder daer hi n[a aenture sach]
 Ende quam op enen [saterdach]
 3590 Ghereden na noe[ne]
 Die starke ridder [ende coene]
 Op ene cauciede [.....]
 Waren die maras [.....]
 Daer sach hi wa[.....]
 3595 Al ghewapint [.....]
 Jn die middel [.....]
 ¶ Nv moghedi hor[en]
 Doe walewein bet quam ghehende

[2 katernen + 1 blad ontbreken]

- Ende ghinc nemen ende g[heuen]
 3600 Den ridder mochte ther[te beuen]
 Meneghen slach tusschen [hem tween]
 ¶ Eer dat lantsloot ghef[een]
 Velde hi den ridder met s[uaeren slaghen]
 Diese niet langher ne [mochte verdraghen]
 3605 Ende knielde [hem] opten [voet]
 ¶ Doe seide die ridder hets [mi goet]
 Nv sijts seker wel van d[esen]
 Wildi mj ghenadich wese[n]
 Jc sal v wesen onderdaen
 3610 Ende vort an te dienste sta[en]
 Also langhe alsic sal leue[n]
 Ghetrouwelike sonder beg[heuen]
 Beide met liue ende met goe[de]
 Also uerre als ict gheuroe[de]
 3615 Ghi moghet mj doden ic k[ennet wel]
 Mi berouwet dat mj ghe[ue]
 Die kenlike domhede
 Dat ic ieghen v mesdede
Hier omme niet sprac [lantsloot]
 3620 Ghi moet hier emme[r bliuen doot]
 Ghine wilt riden opt[ie kerre]
 Daer gi mj mede maket e[rre]
 Dat kenlijc wort al den land[e]
 Ende gheuet v ridderscap te [pande]
 3625 Dat gi sult doen dat ic v he[te]
 Ende nemmermeer ne ghene v[ete]
 Jeghen vremen ridder ho[uden]
 Enne quame bi sinen scou[den]
 ¶ Doe seide die ridder die dae[r lach]
 3630 Dat ne gheult mj op ghe[nen dach]
 Dat ic die karre ride
 Jc hadde lieuer al mine tid[e]
 Te gane met ysere gebo[nden]
 Dan icker bouen ware von[den]
 3635 No nemmermeer ne droeghe [scilt]
 Els doet met mj dat gi [wilt]
 Het ware mj die meeste la[chter]
 Die mj nie ghesciede eer no [achter]
 Want het es wit ende zede
 3640 Dur al dit lant in elke sted[e]
 Dat nieman op kerre coe[mt]
 Hine si verdeelt ende verdoe[mt]
 Jc hadde lieuer te wesene [doot]
 Dan mj ghesciede die laste[r groot]
 3645 ¶ So moeti steruen hier ter [stede]
 ¶ Daer ieghen ne helpt ghen[e bede]
 Sprac lantsloot vander ha[ghedochte]
 Hi gaf hem slaghe harde o[nsochte]
 Ende trac hem of den helme [van stale]
 3650 Ende sine wapine altemale

[104 verzen ontbreken]

- [.....s] verdient
 [.....]tel vrient
 [.....]owen thouet
 [.....]ne ghelouet
 3655 [.....]herde
 [.....] der erde
 [.....]oit dienst ne dede
 [.....]n wiue te ghere stede
 [.....]elonet soude wesen
 3660 [.....]am orlof met desen
 [.....]et ghenende
 [.....]n ende
 [.....]e daer si in was
 [.....]n stonden ende gras
 3665 [.....]aende ene gracht
 [.....]menich glacht
 [.....]te daer binnen
 [.....] mochte bekinnen
 [.....] bi den hare
 3670 [.....]arde ommare
 [.....]ent te meneger stont
 [.....]er gracht gront
 [.....]n ende worme
 [.....]elike vorme
 3675 [.....]aten
 [.....]ochte hem seluen haten
 [.....]de verdient
 [.....]so cranke vrient
 [.....]oncfrouwen gheseit
 3680 [.....]e dorperheit
 [.....]ke mochte ghenesen
 [.....]ewroken van desen
 [.....]ren moet
 [.....] hare dochte goet
 3685 [.....]le die ghene varen
 [.....]aet ne sparen
 [.....]ebben scade
 [.....]men hem goeds bade
 [.....]de betren node
 3690 [.....]e wit no ieghen gode
 [Nu latic s]taen dese wort
 [Van hem dae]r gi of hebt gehort
 [Ende kere wede]r te lantslote
 [Daer hi va]nt siere ghenote
 3695 [Doe lants]loot hadde verwonnen
 [Des hem] god hadde gheonnen
 [Dien rid]der die daer was comen
 [Ende hem tl]ijf hadde ghenomen
 [Waren sie all]e vro ende blide
 3700 [Die daer war]en an sine side
 [Ende dancten] gode der doghet
 [Daer was die] meneghe sere verhoghet

- Ende men besach lantslote
 Hine hadde wonde ghene so grote
 3705 Die hem mochte deren an sine ghesonden
 Entie selue waren ghebonden
 Si aten si dronken si waren blide
 Ende corten te gadre hare tide
 Dien dach entie auontstonde
 3710 Elc pijnder omme so hi best conde
 Omme te dienen lantslote
 Die daer waren clene ende grote
 ¶ Hi ghinc slapen alst hem goet dochte
 Sijn bedde was ghemaket sochte
 3715 Onthier ende het dach was
 Ende scone lichte dur dat glas
 Ende ouer berch ende ouer dal
 Die ridder seghende hem ende beual
 Gode ende dede hem in siere ghebede
 3720 Hi ghinc hem scoeien ende cleden mede
 Ende quam vort in den zale
 Daer hi was ontfangen wale
 Beide met werde ende met werdinnen
 Ende met hem allen die daer waren binnen
 3725 ¶ Die ridder eischede sine wapine
 ¶ Die werd seide hets verlorne pine
 Ghi sult daghen enen dach of twee
 Ende of gi wilt uele mee
 Ghi sijt van ridene worden moede
 3730 Hier binnen suldi sijn met goede
 Ende hebben ruste ende ghenade
 ¶ En holpe niet dat mens mj bade
 Sprac lantsloot ic wil riden
 Ende langher niet onbiden
 3735 Dur gheens mans bede
 Jc moet houden mine zede
 Hi hiet dat men hem brochte
 Sine wapine ende sochte
 Entie daer anders iet toe seide
 3740 Hi verlore sine arbeide
 Men brochtse hem doe hijt hiet
 Ende menne dorstes hem ontsegghen niet
 Ende teerst dat hise hadde an
 Nam orlof die edele man
 3745 Ende wilde dane varen
 ¶ Doe seide die werd gi moet sparen
 Des ic versamene mine maghe
 Ghi mocht wel comen in sulke laghe
 Ghi sout spade weder keren
 3750 Jc sal v bringhen met eren
 Vte deser ieghenode
 Ghi mocht mesraken ode
 Lantsloot die hadde ommare
 Te ridene met enegher scare

- 3755 Dur dat lant daert hem goet dochte
 Ende alse hijt doch ten ende brochte
 Dat hi orlof hadde ghenomen
 An hem allen niet an hem somen
 Entie met hem quamen daer
- 3760 Voeren met hem. die sonne sceen claer
 Des si quamen in enen woude
 Daer lantsloot dure varen soude
 ¶ Alse hi hadde ghereden ene wile
 Binnen den woude. ene halue mile
- 3765 Sach lantsloot ende wart geware
 Van ere anderre groter scare
 Dorpers met groten coluen
 Ghelijc of si waren verbolghen
 Si hadden an dicke wammisoene
- 3770 Ende onder hare caproene
 Ghestickede huuen of beckinele
 ¶ Ooc waser van enen dele
 Die hadden colire om haren hals
 Dat dochte hem lieden als ende als
- 3775 Dat si die warelt souden dur gaen
 Her lantsloot sach se staen
 Ende bet ouer ene andre scare
 Van ridders in haren ghegare
 Ende op orse gheseten
- 3780 ¶ Die ghene waenden wel weten
 Dat nerghent ware har ghenoot
 ¶ Doe sachse her lantsloot
 Die hars sere begherde
 ¶ Nv moghedi horen van sinen werde
- 3785 Hi hadde den ridder gheuolghet naer
 Met hem vijftichsten. ende quam daer
 Ende alse die strijt soude beghinnen
 ¶ Doe menghelde hem die wert daer binnen
 So dats daer nieman ontstoet
- 3790 Weder tors no te voet
 Hine bleuer doot ter stede
 Of so ghewont in sine lede
 Dat hi hem lieuer ware doot
 Dus begonste lantsloot
- 3795 Metten spere ende metten swerde
 Ende metter hulpe van sinen werde
 ¶ Die quaet soeken ende iaghen
 Ende daer omme spien ende laghen
 Dicke wortet hem gheloont
- 3800 Ende bliuen selue ghehoont
 Die hem houden an quade zeden
 ¶ Doe lantsloot tforeest was leden
 Quamen si ghereden scire
 Op dat boort van ere riuire
- 3805 ¶ An danderside stont .i. casteel
 Daer ic of segghen mach .i. deel

- Die gaoen was ghenant
 En was negheen so vast int lant
 In als conincs lant van gorren
 3810 Daer an stonden uele torren
 Some groot some clene
 Si waren alle ghewrocht van grawen stene
 Daer in was die coninginne
 Arturs wijf. die tenden sinne
 3815 Dicke lantslote brochte
 Ende leuen dede onsochte
 Doe was hi emmer in dien
 Wat dat sijns soude ghescien
 Dat hi se te siene begherde
 3820 Daer lach die brugghe van den swerde
 Ouer die riuiere diere liep
 Harde donker ende diep
 Die brugghe was scarp als .i. scermes
 Die daer lach ouer twater dwers
 3825 Ende daer lantsloot ouer liden woude
 Hine liets niet om enen berch van goude
 Diene hem gaue altemale
 Hine soudse riden al toter zale
 Waert met crachte of met liste
 3830 Daer hi die coninghinne wiste
 Daer ne wilt hem nieman beweren
 Om dat hijs hadde so groten ghere
 Ende beite van den orse te voet
 Dat starc was ende goet
 3835 ¶ Entie gone die bi hem waren
 Begonden wenen ende mesbaren
 Ende hieten hem wel bedinken
 Ende seiden hi soude verdrinken
 Of hine wilde weder keren
 3840 Doe bonden si hem sine gheren
 Van den halsberge die hi hadde an
 Tusschen sine been den edelen man
 Dat van achter ieghen dat van voren
 Anders hadde hi sijn lijf verloren
 3845 Eer hi die brugghe ware leden
 Si hadde hem tlijf al dore sneden
 Lantsloot daelde neder daer
 Optie riuire die was claer
 Recht ander brugghen voet
 3850 Die int water beloken stoet
 Si was breet ende starc
 Mar si was bouen scarp
 Ghelijc den egghe van enen swaerde
 Die ridder die niet ne spaerde
 3855 Dur anxt van gherande dinghe
 Hi ghinker op sitten scerdelinghe
 Ende hilt hem metten handen voren
 Dat hi dede moghedu horen

- Hi ghinc metten benen roeien
 3860 Hi achte luttel opt vermoeien
 Hi sach emmer ten torne waert
 Alsoe uele te min was hi veruaert
 Daer die coninginne was in
 Dat verblide sinen sin
 3865 So langhe roiede hi ende reet
 Optie brugghe die dur sneet
 Die maniclen so dat hem tbloet
 Te beden handen uut woet
 So langhe reet hi weder ende vort
 3870 Dat hi quam anden andren bort
 Ende hadde weder staen die wondre
 Van den scarpn vondre
 Daer noit man liden ne mochte
 None hadde wille no ghedochte
 3875 Omme te wesene in den casteel
 ¶ Siere liede een deel
 Voeren met scepe an dander side
 Ende alle vro ende harde blide
 Dat die ridder was ontgaen
 3880 Van den wondre dat hi hadde bestaen
 Si gauen hem scilt ende swerd
 Want hi beide begherd
 ¶ Nv was die ridder onveruaert
 Ende sach een luttel achterwaert
 3885 Die op hem seluen was coene
 Hi sach comen .ij. lyoene
 Ongheketent ende onghebonden
 Ende hadden daer den ridder vonden
 Si quamen blakende metten oghen
 3890 Ende begonsten hem vertoghen
 Of si den ridder soudn verteren
 Ende hi began hem sere weren
 Ende gaf hem sulke slaghen
 Mochten si doot sijn bleuen van plaghen
 3895 Si hadden onlanghe ghestaen
 Mar hine sach gheen bloet gaen
 Vten wonden die hi hem gaf
 Ende hem wonderde sere der af
 Waer bi het hadde ghesijn
 3900 Doe sach hi dat vingherlijn
 Dat hi an sinen vingher brochte
 Ende dat hem die ioncfrou vander haghedochte
 Langhe te voren hadde ghegheuen
 Doene wiste hi waer si waren bleuen
 3905 Ende was al tenden sinne
 ¶ Doe sach ghene die coninginne
 Ende hadde die bliscap so groot
 Dat si wiste dat was lantsloot
 Sie ne wiste wat ghelate toghen
 3910 Si loech met herten ende met oghen

[1 blad ontbreekt?]

So dat si droeghen ouer een
Dat lantsloot ware ende el ne gheen
Die daer te houe ware comen
Bi al dat si hadden vernomen
3915 ¶ Binnen dien quamer ridders twee
Sander daghes quamer mee
Van dien hi optie riuiere liet
Doe hi ouer quam ende van hem sciet
¶ Si waren te houe wel ontfaen
3920 [.....]

[38 verzen ontbreken]

Jc sal uechten op dese ure
Hi was ghewapint wel te cure
Na sinen wille na sijn gheuoech
Hi hadde .i. starc ors dattene droech

3925 Also goet also ridder ie ghewan
Ende was verdeckt als men best can
Met ysere ende met sindale der bouen
Dat men met rechte soude louen
Hi hadde scilt ende spere

3930 Ende was al ghereet ter were
Ende .i. swerd te siere side
Die porten waren ondaen al wide
Hi trac uut alst hem goet dochte
Om die batalie die hi sochte

3935 [.....]

[37 verzen ontbreken]

[.....]

Daer die camp op wesen soude
Also scire ende also houde
Also die coninc hadde ghesproken
3940 Dat lichte niet sijn mochte te broken

Si ommehaelden hare lope
Ende namen die breidele bi den knope
Ende quamen te samene metten speren
Also die hem wilden verweren
3945 ¶ Meliagant stac lantslote
Opten scilt dat ene grote
Score van den scilde cloef
Ent spere daer dure ulooch
Ne hadde die halsberch niet ghewesen
3950 [So goet] hine hads niet ghenesen

[38 verzen ontbreken]

[.....]
Ghenendelike also hi best mochte
Mar hem allen die dat saghen. dochte
Dat hi onlanghe soude gheduren
3955 Ende toordeel op hem soude gheburen

Te sine verwonnen inden camp
Ende ouer hem soude gaen die ramp
Hi maecte dat uelt root
So sere sloeghene lantsloot
3960 Alsoe dit die coninginne sach
Die bouen ten palase lach
Was si blide ende ghemeet
Ende trac op har winpel cleet
Ende maecte har ansichte bloot
3965 [.....]

[39 verzen ontbreken]

Een die alre beste wesen
Vut vercoren ende ghelesen
Nv duncti mj al vter were
Mi dunct ghine acht niet ene pere

[1 dubbelblad ontbreekt?]

3970 Dat wilde hi op elken man doen staen
Met campe diet durste anegaen
Dat keie sliep bi haren liue
Alse .i. man bi sinen wiue
¶ Si suoerre ieghen ende seide

3975 Dattet ware onwaerheide
Ende dat hijs hem qualike bevroet
Hare nuese hadde hare ghebloet
Inden bedde daert of was comen
Dat hi daer hadde vern[o]men

[40 verzen ontbreken]

3980 En [..... gh]escouden
Dat ic iet an hare begherde
Ende gi waert diet emmer werde

Ende ic sette in die aenture
Mijn lijf dur hare op ene vre
3985 Nv heft siet mj qualike gheloont
Want ic ben sere ghehoont
Hi seide wonder vtermaten
Ende ne wilds keien niet verlaten
Hine hadde bi hare gheslapen dien nacht
3990 Entie grote ondaet ghewracht
Entie coninginne heft v[erhoert]
[.....]

[40 verzen ontbreken]

Ende hadde dies hebben mochte
Jc ben dies hem niet onderwinde
3995 Dit sprac die uader toten kinde

No in goede no in quade
Mar gi sult bliue in die scade
Si ghinghen hem echter wapinen beide
Wat dat men hem bat ende seide

4000 **D**oe seide lantsloot vander haghedochte
Het voeghede wel dat men brochte
Die heilighen vort. ende swoere
Eer men iet vorder voere
[.....]rt moete wesen

[41 verzen ontbreken]

4005 Want mijn zone heft sine ommate
Diere becoft op desen dach
¶ Die coninginne lach daer si sach

Den camp alsie dede te voren
Ende riep dat ment mochte horen
4010 Lantsloot. laet staen. laet staen
Ghi hebter ghenoech toe ghedaen
Orconde hem alle gader
¶ Doe quam meliagants uader
Gelopen in dat crijt
4015 Ende seide desen strijt
Nemet die coninginne op hare
Nv doet wel ende [nemet] ware

[39 verzen ontbreken]

Si quamen sint [.....]
Ghereden in ene herstrate
4020 Die scone was vtermate

[1 blad ontbreekt?]

- Her waleweine toten stonden
 Dat siere an quamen ende vonden
 Ende was die brugghe leden
 Met pinen ende met behendicheden
 4025 Daer die aenture hier te voren
 Of seghet die hi hadde vercoren
 Hi hadde gheuochten ieghen die gone
 Diet passage waren ghewone
 Te houdene eer hi daer quam
 4030 So dat hiere sulken tleuen nam
 Die hem op gaf te spade
 Ende niet wilde werken bi rade
 Ende selue was hi .i. deel mismaect
 Eer hi ouer die brugghe quam gheraect
 4035 Daer quam hi an lantsloots liede gheuaren
 Hine wiste van eerst niet wie si waren
 Ende hilt hem in siere hoede
 Alse hi sach dat si met goede
 Harre straten wilden riden
 4040 Ende hem vechtens vermiden
 Doe hiet hi se willecome wesen
 Ende sine waren niet ghenesen
 Van den rouwe ende van den sere
 Dat si dreuen om haren here
 4045 Lantslote die was gheuaen
 So dat ment mochte an hem verstaen
 Dat si waren tonghemake
 ¶ Walewein vraghede dur welke sake
 Dat si hem meslieten so
 4050 ¶ Si seiden dat si waren onvro
 Wat holper uele toe gheseghet
 Her lantsloot die es ons ontweghet
 Ende si seiden hoe sine verloren
 Ende hoe si ghemoeten daer te voren
 4055 Enen naen diene hadde verleit
 So dat hi hem ware onghereit
 Ende seiden hem al die affere
 ¶ Walewein waende warden vter were
 Van rouwen doe hi horde
 4060 Van lantsloots lieden ghene worde
 Ende voeren wech tere scaren
 Diere quamen ende diere waren
 Totes conincs badagamus houe
 Daer si ontfanghen waren met loue
 4065 Mar die rouwe waser so groot
 Alsemen wiste dat lantsloot
 Was ontweghet ende gheuaen
 Jnne mochtu lichte niet doen verstaen
 ¶ Ende arturs wijf die coninginne
 4070 Was so droeue in haren sinne
 Al wilde siere niet vele toe spreken
 Har dochte die herte binnen breken

- Daer was van rouwen groot gheluut
¶ Doe sende die coninc boden uut
4075 Achter sijn lant ende dede verstaen
So wie so ne hilde gheuaen
Hine lietene varen daer hi woude
Dat menne verhanghen soude
Ende hi onboot alle die gone
4080 Die hem te dienen waren ghewone
Die behorden te sinen lande
Beide ridders ende seriande
Ende wilde om lantslote eischen
Sien of hier of mochte vereischen
4085 Binnen dien was den coninc brocht
Alst sijn sone hadde vorewrocht
Ende al beraden ende beweuen
Een par lettren ghescreuen
Met enen zegle in diere ghebare
4090 Dat hi tes coninc arturs ware
Ende hi was bi behendicheden ghemaect
So dat hier na was gheraect
¶ Die littren seiden doe mense las
Dat mijn her lantsloot was
4095 Optie wile entie vre
In bartaengen met arture
Wel ghesont ende te ghemake
Ende hem ne ghebrake ghene sake
Mar dat si alle waren gram
4100 Dat die coninginne niet ne quam
Ende dat hare die coninc onboot
Entie here lantsloot
Bi haren rechten name
Dat si met waleweine quame
4105 Te hem ende hi se brochte
Of sies orlof hebben mochte
Want meliagant sach wel
Al ne hadt hem bewert nieman el
Dan die coninc sijn vader
4110 Hi hadde verloren die vrouwe algader
¶ Die coninc ne wilde ghedoghen niet
Badagamus dat ware ghesciet
Enege dinc tusschen hem ende hare
Daer si bi ghelastert ware
4115 ¶ Hier bi wilde meliagant
Dat si weder vare in har lant
Ende lantsloot hadse op hem ghewonnen
Hier bi waren die lettren begonnen
Mar hi was wel in dien
4120 Dur neghene sake die mochte ghescien
Dat lantsloot nemmermeer ne quame
Daer ne die coninc artur vername
Dus waende hi wel sijn ghewroken
Doe ghene lettren hadden ghesproken

- 4125 Vor alle die gone waren int hof
 Dat men seker waende sijn der of
 Dats coninc arturs zeghel ware
 Doe lieten si bliuen hare mesbare
 Ende waenden dat si seiden waer
- 4130 Die lettren die men brochte daer
Daer ne was gheen langher beiden
 Die coninginne dede har ghereiden
 Ende alle die met hare souden varen
 Si namen orlof an diere waren
- 4135 ¶ Ende porreden smorghens betide
 Also hem die dach verbaerde wide
 Ende voeren grote dachuaerden
 Also die ghene die niet ne spaerden
 Toter wilen ende toter stonden
- 4140 Dat si arture vonden
 In die stat te caerlioen
 Ende met hem meneghen baroen
 Si was ontfaen met bliscap groot
 Ende si vraghede waer ware lantsloot
- 4145 ¶ Die coninc antworde hare
 Inne horder of ghene niemare
 Van manne die se mj brochte
 Dien ics ghelouen mochte
 Luttel no uele no clene no groot
- 4150 Sint dat hi karadose sloech doot
 ¶ Doe verniewede dat seer
 Ende metter coninginnen meer
 Dan met alle dieren waren
 Nochtan lietsi hare misbaren
- 4155 Te droeuene openbare vor oghen
 Si decte hare ende wilt niet toghen
 Al uut ende uut die suare smerte
 Die har lach te harre herte
 ¶ Doe peinsden si altehant
- 4160 Ende seiden dat meliagant
 Dit al hadde beraden
 Si clagheden sere hare scaden
 Ende waenden weten wel te voren
 Dat lantsloot hadde sijn lijf verloren
- 4165 Ende hadden rouwe daer of
 Dat sonder bliscap was dat hof
Die coninc dede omme eischen
 Mar hine mochter niet of vereischen
 Hine was nieweren in wane
- 4170 Daer quamen te houe die gheuane
 Die lantsloot te meneger stede
 Hadde verlost daer hijt wel dede
 Ende seiden dat si binnen meneghen daghen
 Van hem ne horden ghewaghen
- 4175 No daer men verloos no daer men wan
 Ende daer prijs mochte sijn beiaghet an

- ¶ Dit seiden si den coninc arture
 ¶ Ende hi seide toter wilen ende toter vre
 Dat si horden niemare
 4180 Waer lantsloot comen ware
 So ne worde nemmermeer feeste ghedreuen
 No vergaderinghe verheuen
 Also uerre alse hijs hadde macht
 Daer iet op soude sijn gheacht
 4185 Dus daghede die coninc menegen dach
 ¶ Sint gheuelte dat hi lach
 Tere veinstren in dien zale
 Ende hi sach nederwaert te dale
 Daer men wonder mach segghen of
 4190 Te dien tiden helt hi hof
 Metten hoghesten van den rike
 Die daer waren ghemeenlike
 Ende achter den zale gheseten
 Dit was optien dat men soude eten
 4195 Die tafelen waren gherecht daer vort
 Mar die coninc hadde niet gehort
 No nieuwe niemare vernomen
 Bi iemene die daer was comen
 Want hi helt van vsaedsen dat
 4200 Eer hi dranc of at
 Hi moeste niemare horen
 Die hem noit was comen te voren
 Hi hadde ten veinstren ghelegghen
 So langhe dats hem begonste verwegghen
 4205 Om te horne ende te siene
 Om eneghe nieuwe te sciene
 Hine mochter niet of verhoren
 Des hadde die coninc toren
 Ende waser omme al erre
 4210 ¶ Doe sach hi comen ene kerre
 Ende in die karre ghinc .i. paert
 Dat luttel hauen was waert
 Het hadde sinen stert verloren
 Ende het was al sonder oren
 4215 Een naen quamer op ghereden
 Die was van harde corten leden
 Optie karre die die naen brochte
 Sat een ridder dat arture dochte
 Ende hem waren ghebonden sine hande
 4220 Op sinen rugghe met enen bande
 Die se vaste te gadre helt
 Dat hier hadde ne gheen ghewelt
 Ende hem waren sine voete mede
 So uaste ghebonden tier stede
 4225 Dat hise niet ne mochte sceiden
 Aldus moeste hi sijn leuen leiden
 Aldus brochtene die naen
 Tote daer die zale was ghestaen

[2 bladen + 2 katernen + 29 verzen ontbreken?]

- Entie pine niet sparen
 4230 Ende bringhen hare die coninginne
 Si mochte seker sijn der inne
 En ware dat lantslote deerde
 Ende hiere ware ende hijt bewerde
 Dat was hare .i. scone ghelof
 4235 Ende si dancte hem der of
 ¶ Met desen bleef die tale
 Ende si keerden weder in die zale
 ¶ Die coninc hiet dat men plaghe
 Des goets ridders ende besaghe
 4240 Dat hem niet ne ghebrake
 Doe ghinghen si slapen met deser sprake
 Achter den zale dies daer rochte
 Die ridder was ghebeddet sochte
 Sijns was groten ware ghenomen
 4245 Onthier ende hi te bedde was comen
 Jnne mach v wel berechten niet
 Wat menre dede ende liet
 ¶ Mar die ioncfrou hadde groten toren
 Daer gi of horet hier te voren
 4250 Dat se boerd niene coes
 Si waende werden sinneloos

[29 verzen ontbreken]

Ende wart so onghelier
 Dats hare die andre ontsach
 Ende seide hebt goet verdrach
 4255 Mar dat was pine ieghen spoet
 Die hare ghegheuen hadde alt goet
 Daer artur of was here
 Hine hadse niet brocht vtien kere
Doe seide hare die meistresse
 4260 Die conste meneghe lesse
 Joncfrou laet v droeuen wesen
 Ghi sijt seker wel van desen
 Ghi moghets ghelouen miere tale
 Alsoe men slapet achter den zale
 4265 Jc sal den ridder tote v bringhen
 Pinet vwen sin beduinghen
 Dien gi priset ende meent
 Nv ne sijt niet so vereent
 ¶ Alsoe dit die ioncfrou horde
 4270 Si was blider van den worde
 Dan si den hemel saghe ondaen
 Ende god har ziele wilde ontfæen
 ¶ Nv hort grote behendichede
 Wat dat camerwijf dede

[29 verzen ontbreken]

- 4275 Daer an so dadi dorperheit
Ende alse gi ende har vader
Huwet vwe ghesellen algader
Twi ne ghedochti hars niet
Het was dompheit dat ghijt liet
- 4280 Si soude te rechte hebben ghegaen
Ten cure. gi hebt mesdaen
Bi v es si onthuwet bleuen
Nochtan wil si v gheuen
Ene sconeit die es so groot
- 4285 En es euel sonder die doot
Men mochter bate bi ontfaen
Een deel sal ics v doen verstaen
Het es .i. gulden vingherlijn
Diet draghet an die hant sijn
- 4290 Diene mach in campe niet steruen
No in watre bederuen
No hine mach verbernen in vire
Die steen es van dier manire
No van quader doot steruen
- 4295 Alle dese bederuen
Ligghen an dat prosent
Ende waer dat hem .i. bewent

[29 verzen ontbreken]

Hine wiste niet wat hem derde
 Hi hadde alles vergheten
 4300 Mar hadde hi vroescap gheweten
 Dat hi t'fingerlijn hadde of ghedaen
 So ware hi ghenesen saen
 Van algader sinen leide
 Hi sach dat camerwif ende seide
 4305 Bi gode lieue mj es leet
 Jc bens te beterne ghereet
 Van al des dat ic hebbe mesdaen
 Wilde sies bate van mj ontfaen
 Jc waers te beterne ghereet
 4310 ¶ Dat camerwif sprac inne weet
 Mi dunct die beste raet
 Dat gi selue te hare gaet
 Ende gi opstaet ende cleet
 Si wiste wel hoe hi was bereet
 4315 Jc sal van vwen thaluen wesen
 ¶ Die ridder stont op met desen
 Hi dede sine linen cledre an
 Doe nam enen mantel die edele man
 Ende ghinc daer die ioncfrou lach
 4320 Si dede so dat niemene sach

[2 bladen + 5 verzen ontbreken?]

DD30ra

- [.....]en
 [.....] hi voer ende mene sochte
 [.....] te houe brochte
 [.....] si wech alse ment gheboot
 4325 [....mai]sniede clene ende groot
 [.....] weghe groot ende clene
 [.....] alle ghemene
 [.....on]ghearent in
 [.....] droeue in haren sin
 4330 [.....]rouwen
 [....droegen de]s [n]achts met rouwen
 [.....]s ouer een
 [.....n]der hem tween
 [.....] die waren onblide
 4335 [....morgh]ens be tide
 [.....] so si eerst mochten
 [.....]h ende sochten
 [.....e]n seluen pas
 [Daer boerd gh]ereden was
 4340 [.....]e ioncfrowen beide
 [.....]t hem goede gheleide
 [.....]en si sochten
 [.....d]en of si mochten
 [.....] menne bewaende
 4345 [.....] aenture staende
 [.....] den ioncfrouwen
 [.....]ieden met rouwen
 [.....] te leuen
 [.....] tale begheuen
 4350 [.....]andre vort
 [..... da]er gi of hebt ghehort

 [..... te]nen closter quam
 [.....] doot uut nam

 [Hier beg]hint dese aenture
 4355 [Hoe la]ntsloot quam op ene vre
 [Te sar]penie. binnen den woude
 [Alse di]e gherne vinden soude
 [Aventure die r]idder coene
 [Tote een lu]ttel nader noene
 4360 [.....] dat foreest
 [Ene scone ion]cfrowe. die groot horeest
 [Dreef ende haren sin] verterde
 [Hi wonder]e wat hare derde
 [Ende hi v]rghede wat har ware
 4365 [.....]dien mesbare
 [.....t] v
 [.....]eit nv

 [5 verzen ontbreken]

- Des ridders houesche worde
 Ghinc si hem setten spel in hant
 4370 Hoe ghedane wijs meliagant
 Den coninc arture sijn wijf nam
 Ende hoe datter lantsloot achter quam
 Ende seide hem al die vorworde
 Siene wiste niet dat lantsloot horde
 4375 Die siere of wiste ende hadde verstaen
 Ende hoe meliagant hadde gheuaen
 Lantslote van der hagedochte
 Endene sijn suster vte brochte
 Ende verlostende liet gaen
 4380 Nv es siere selue omme gheuaen
 Want die ridder lantsloot
 Sloech sint haren broeder doot
 Nv comen meliagants maghen
 Ende willent niet verdraghen
 4385 Ende willen mordaet op har doen staen
 Si hebben die ioncfrouwe gheuaen
 Ende hefter legghen .xl. daghen
 Noit sint ne constemen beiaghen
 Man die durste veruaen
 4390 Den camp ende ouer hare bestaen
 Huden es die .xl. ste dach
 En come man die se verlossen mach
 Tote dattie sonne onder gaet
 So ne es hars ander raet
 4395 Men sal der ioncfrouwen nemen tleuen
 Aldus esset uut ghegheuen
 Men salse margghen ontliuen
 Dit ne mach sekerlike niet bliuen
 Dus es si verdeilt ter doot
 4400 ¶ Doe antworde lantsloot
 Dieremorghen mochte comen
 Eer hare wert har lijf genomen
 Mochte hi hare niet staen te staden
 ¶ Si seide siene waers niet beraden
 4405 Weder hi mochte of ne mochte
 Mar om dat har hars ghedochte
 So besueec hare die herte
 Ende moeste wenen vander smerte
Doe vragghede hi hoe verret ware
 4410 Ende si seids hem niemare
 Alsoe die te moede was wee
 Tis .vi. milen no min no mee
 Ghi souterorghen betide wel wesen
 Mochte si bi v ghenesen

[4 verzen ontbreken]

- 4415 [.....]
 Ende lantsloot hi voer [s]o verre
 Dat hi enen closter vant
 Entie nacht ghinc [an] hant
 Ende lantsloot voer bet naer
- 4420 Om dat hi bliuen wilde daer
 Doe vant hi .iiij. moneke staen
 Die daer buten waren ghegaen
 Dat ne wetic niet dur wat saken
 ¶ Daer si stonden ende onder hem spraken
- 4425 Quam her lantsloot ghereden
 Die .iiij. moneke die niet onbeden
 Quamen ieghen hem ghegaen
 Daer was lantsloot bet ontfaen
 Dan hi was binnen meneghen daghen
- 4430 Van den moneken diene daer saghen
 Hi was ontwapint harde saen
 Ende men seide hi soude eten gaen
 Ende hi antworde met desen
 Hadde hi in die kerke ghewesen
- 4435 Ende sijn ghebet ghedaen
 Hi soude ten etene sitten gaen
 Hi hadde alden dach ghereden
 Dat hi nerghent ne was leden
 Daer hi kerke hadde vernomen
- 4440 Daer hi toe mochte comen
 Doe ledene binnen de[r] monster dure
 Een monec. ende keerde in corter vre
 Ende lantsloot hi bleef daer binnen
 Die sijn ghebet soude beghinnen
- 4445 Doe sach hi ene tralie
 Ende waende weten sonder falie
 Dat nie so goede was gheraect
 Sint dattie warelt was ghemaect
 Si was claer seluerijn
- 4450 Doe sach hi bet in .i. luttelkijn
 Enen sarc claer guldijn
 Hem wonderde wie mochte sijn
 So rike man die hadde volbrocht
 Sulc wonder alse daer was ghewrocht
- 4455 Tghesteente datter was an
 Ne soude te rechte gheen man
 Ghecopen met siere haue
 Alse daer stont ontrent den graue
 Noch sach lantsloot mee
- 4460 .v. ridders ghewapint toter [te]e
 Die omtrent den graue saten
 Des wonderde hem vtermaten

[5 verzen ontbreken]

- Ende sine vroet maken [d]es
 Ende waer omme ende twi
 4465 Waert dat siere saten bi
 Si seiden datter .i. here l[aghe]
 Ende si wachene bi daghe
 Ende andre .v. ridders bi na[chte]
 So dedemen die wachte
 4470 Men seide hem ende hadden ver[nomen]
 Dat daer .i. ridder soude co[men]
 Die den doden nemen sou[de]
 Die daer laghe onder der [moude]
 Ende voerne vten lande
 4475 Gheuiele ons dat het wa[re scande]
 Dus comt dat wi desen w[achten]
 Beide bi daghen ende bi na[chten]
 Ende lantsloot diere stont bi
 Die vraghede heren hoe h[iet hi]
 4480 Doe seide .i. ridder di[e daer stoet]
 Here sidi van lett[ren vroet]
 Merket wat hier gh[escreuen es]
 Ghi sullets scire sijn ghe[wes]
 Wie hi was ende hoe hi hiet
 4485 ¶ Ende lantsloot diene lette ni[et]
 Hi las die lettren ende spe[llede]
 Daer elc wonder of telle[de]
 Dat onder den sarc lagh[e doot]
 Lantsloots gheselle gali[oot]
 4490 Die menegher ere was g[hewone]
 Der scoonre gaianden s[one]
 Die van sorlois was her[e]
 Ende meneghen man had[.....]
 Alsoe diet wel volbringhe[n mochte]
 4495 Hi starf dur lantslote v[ander haghedochte]
 Alsoe dit lantsloot hor[de]
 Vel hi in ommach[t vanden worde]
 Menechwaruen ach[ter een]
 Eer dat hi iet ghefeen
 4500 Ende alsoe hi doch was bec[omen]
 Wilde hi hem seluen tlijf [hebben ghenomen]
 Ende was des wel bedacht
 Vonde hi water ofte gr[acht]
 Hi soude hem seluen ne[men tlijf]
 4505 Men sach noit man no [wijf]
 In sulken mesbare
 Hi nam hem seluen [biden hare]
 Dicken ende te meneg[her ure]
 Dus ghinc hi vor d[ure]

[2 bladen ontbreken?]

- 4510 [.....]e daer hise vant
 [.....]n was int lant
 [.....]are ouerwaer
 [.....]ochtene daer
 [.....]epen in arturs hof
- 4515 [.....]e waer of
 [.....]ande sloech
 [.....] die rode wapine droech
 [.....]amp vechten
 [.....]rechten
- 4520 [.....]agamus hof
 [.....]e ghelof
 [.....]n hem sciet
 [.....]oe hi hiet
 [.....]rou si kendene wel
- 4525 [.....] ende fel
 [.....]eghen beraden scame
 [.....]s sine name
 [.....]idders broeder
 [.....]nde siere moeder
- 4530 [.....]en camp te doot
 [.....] sulker noot
 [.....]eliagant
 [.....] sijns vader lant
 [.....] casteel
- 4535 [.....]en algeheel
 [.....]de
 [.....]hede. ende bewerde
 [.....]ch niet ne wiste
 [.....]o bi liste
- 4540 [.....]n sone
 [.....] ghewone
 [.....] ghenomen
 [.....] te voren comen
 [.....]art groot
- 4545 [.....]roten noot
 [.....]nde sijt vroet
 [.....] wat gi doet
 [.....]ene wel
 [.....]rc ende fel
- 4550 [.....]de hine achts niet
 [.....]e niet ontsiet
 [.....]och also starc
 [.....]m] in .i. parc
 [.....] quite maken
- 4555 [.....]are spraken
 [.....] ende spel
 [.....]iet el
 [.....]nt wel te danke
 [.....] van dranke
- 4560 [.....]e verplechten
 [.....]en gherechten

- Daer des auont[s] was ghedient
 Die ioncfrou bat al hare vrient
 Dat mens ridders ware name
 4565 Siene wilde niet dat hem iet mesquame
 Alsoe die dienst was ghedaen
 Ende die nacht an ghegaen
 Ent lantslote goet dochte
 Men ledene slapen harde sochte
 4570 Daer hi sierlike lach
 Met ghemake des het was dach
 Ende teerste dat hi hem verbaerde
 ¶ Lantsloot langher niene spaerde
 Hi ghinc hem scoeien ende cleden
 4575 Ende dede hem wapinen ende ghereden
 Alsoe die wech wilde riden
 Daerne was gheen wederstriden
 Des hadde die ioncfrouwe
 Jn harre herte [r]ouwe
 4580 Si wilde wel da[t] hi ware bleuen
 Met hare daer binnen al har leuen
 Daer ne hulp be[de] no niet
 Hi nam orlof ende sciet
 Dane. des hadde [si] suaer verdrach
 4585 Ende vraghede hem op welken dach
 Dattie camp was ghenomen
 Eer hi van hare mochte comen
Doe seide hi hare die waerhede
 Ende porrede wech ter seluer stede
 4590 Dien dach voer hi al dure
 Sonder te vindene aenture
 Daer eneghe macht an lach
 Des hi die sonne nederen sach
 Ent den auonde nakede
 4595 Binnen dien lantsloot gherakede
 Op ene riuiere breet ende diep
 Ende daer twater sere of liep
 Te dale waert entie stroom
 Daer sach lantslo[o]t ende nam goom
 4600 Jn enen mersch groene
 Staen .iij. scone paulioene
 Mar tene was meerre dan dandre twee
 Noch sach lantsloot mee
 Hi sach hoe .i. ridder quam ghegaen
 4605 Vten meesten paulioene saen
 Wel ghewapint met sconen leden
 Na elcs goet mans zeden
 Ende teerste dat hi hadde vernomen
 Den here lantslote comen
 4610 Ghinc hi ieghen hem ende seide
 Ridder god si in [v]we gheleide
 Ende wel moeti comen wesen
 ¶ Lantsloot hi beit[e] met desen

- Van den orse te voet
 4615 Alsoot hem te doene stoet
 Ende groete den ridder weder
 Doe hi was ghebeitet neder
Doe sprac van den paulioene
 Ridder nv staet v wel te doene
 4620 Dat gi herberghet met mj
 Tauontmeer ic seg v twi
 Het naket den auonde
 Ghi mocht riden langhe stonde
 Desen wech rechte vort
 4625 Eer gi vont dorp no port
 Dan wildernesse ende woestine
 Het ware v te suare pine
 Ende sout v ors te sere mesmaken
 Ende lichte mocti ooc mesraken
 4630 In die wildernesse ende dolen
 Dit seg ic v al onverholen
 Nv scuwet dese sake
 Jc sal v doen te ghemake
 Tauontmeer in dit paulioen
 4635 ¶ Lantsloot sprac so sal ict doen
 God lone v deser houeschede
 Jc mochts v noch in sulker stede
 Wel danken waric vroet
 Dat gi mj dese ere doet
 4640 ¶ Doe ghinghen si te gader beide
 Ende vonden scone ghereide
 Binnen dien paulioene
 Entes hadde lantsloot te doene
 Hi vanter haets ende drancs ghenoech
 4645 Dat was wel sijn gheuoech
 Ende [hi] was ontfanghen wel
 ¶ Daer quamen knapen starc ende snel
 Vtere andre tente ghegaen
 Die lantslote ontwapinden saen
 4650 Men rechte taflen ende sprede dualen
 ¶ Die ridder hiet lantslote wel onthalen
 Men gaf hantwater ende si saten
 Lantsloot entie ridder ende aten
 Te gader ende des ridders amie
 4655 Ene ioncfrouwe scone ende vrie
 Mar dat was pine ieghen spoet
 Hare verwandelde so har moet
 Om lantslote die bi hare sat
 Dat si no dranc no ne at
 4660 Hi dochte hare so scone
 Siene achte niet ene bone
 Op al dat men vor hare brochte
 Si was die eten niene mochte
 Si peinsde so uele op ende neder
 4665 Hare entare vort ende weder

- Hoe wel dat hare ware
 Die moeste wesen hare[ntare]
 Met sulken riddre ende l[euene]
 God hadde hem uele vo[erghegheuen]
- 4670 ¶ Mettien gepeinse dae[r inne]
 Vel si in ene suare min[ne]
 Die hare seder wart t[e sure]
 ¶ Hier latic staen dese a[uonture]
 Van haren amijs ende [van hare]
- 4675 Ende hoe hi seder wart [gheware]
 Dat si lantslote minde
 Dat hare dochte dat si [ontsinde]
 Ende wat wondre dat hi [dede]
 Doe hi wiste die waerh[ede]
- 4680 Ende hoe dat si seder starf
 Van groten rouwe ende [bedarf]
 Om dat hare so sere der[de]
 Dat se lantsloot niene [begherde]
 Dat sullen wi hier ach[ter horen]
- 4685 Mar ic sal segghen vore[n]
 Dat int paulioen gheu[el]
 Doe daer was ghedien[t wel]
 Ende men op hadde ghed[aeen]
 Nv moghedi hier achter [verstaen]
- 4690 Dese meeste auenture
 Wat ghesciede daer ter [ure]
Dystorie seghet d[at quam ghereden]
 Op .i. ors met sco[nen leden]
 Starc ende groot
- 4695 Een ridder met wapin[e root]
 Ende met hem quam gh[.....]
 Menech ridder met helm[.....]
 ¶ Ende die rode ridder sach
 Daer ic teerste of dede [ghewach]
- 4700 Die starc was ende coene
 Des broeder vanden pa[ulioene]
 Die niet ne was ridder [ghedaen]
 Jnt ander paulioen ge[gaen]
 Die rode ridder scoter n[aer]
- 4705 Hi hadde meneghen ri[dder daer]
 Ende hief den sciltknape [an die scoudre beide]
 Vor hem op sijn gherei[de]
 Si roueden dat si vonde[n]
 Ende reden met haeste w[ech ter stonden]
- 4710 ¶ Dit sach die ridder int [paulioene]
 Die van rouwen ne wis[te wat te doene]
 Ende riep lace. wats mj ghesciet
 Hier ieghen ne wacht[e ic mi niet]
 Nv heft mijn broeder s[ijn lijf verloren]
- 4715 Want si sin so verre v[oren]
 Jnne siene nemmermeer
 Leuende. ende dreef groot[t seer]

[8 bladen ontbreken?]

- [Die ridder] dede hem grote ere
 [Die over] dien zale was here
 4720 [Hi kende] lambeguesse wel
 [Hi hadde] bliscap ende spel
 [Ende Phar]jiene sinen oom
 [Hi nam] der heren groten goom
 [Ende hi] dede lambeguse gheuen
 4725 [Dat hi] blider mochte leuen
 [Scone c]leder scarlakijn
 [Die noit] an riddre hadde ghesijn
 [No iemand h]adde ghedraghen
 [Dat const]e hem wel behaghen
 4730 [Dus saten] si ene wile
 [Datmen ri]den mochte ene mile
 [.....] die ioncfrou gheuaren in
 [.....] int beghin
 [.....] ende die met hem waren
 4735 [.....u] die daer quam gheuaren
 [.....]er haghedochte
 [.....]oerde ende seide dat si brochte
 [.....] galioots swerd
 [.....]iet hadde so werd
 4740 [.....] bi hare
 [..... h]orde die niemare
 [.....] ende blide
 [.....] swerd te siere side
 [.....] hoet hem sat
 4745 [.....] hi noit te ghere stat
 [.....]ch beter vant

[23 verzen ontbreken]

- Quamen si in den zale vort
 Sonder te sprekene andre wort
 D[ær] die ridders w[aren] gheseten
 4750 Ter taflen. ende hadden begonnen eten
 ¶ Die ioncfrou bekende wale
 Boerde bi siere tale
 Ende bi siere soonre ghedane
 Ende sprac hem vriendelike ane
 4755 Teerste dat siene sach
 Ende seide god diet wel doen mach
 Die moete v eren ende minnen
 Ende ten ioncsten daghe bekinnen
 Die hier ter taflen sijn gheseten
 4760 Om drinken ende om eten
 Alsiet ghesproken hadde mettien
 Viel si neder op here knien
 Vor boerde ende seide
 God ende sijn moeder beide
 4765 Die es der warelt toeueraet
 Die late mj mine mesdaet
 So ghebetren tuwer ere
 Lieue ridder l[ieu]e here
 Jc bekinne mj seluen wel
 4770 Dat mj grote dorperheit gheuel
 God lates mi te baten comen
 ¶ Binnen dien heft boerd op genomen
 Die ioncfrouwe ende dedese op staen
 Ende bi hem sitten gaen
 4775 [Doe te]ll[e]d[e] s[.....]

[23 verzen ontbreken]

So langhe dat hem ontfarmede daer af
 Ende hijt hare altemale vergaf
 Goedertierlike vor hem allen
 Die saken die daer waren gheuallen
 4780 **D**oe ghinc si hare vercleeden
 Ende al andersins bereden
 Dan si te voren was bereit
 Ende teerste dat si hare hadde ghecleet
 Ghinghen si drinken ende eten
 4785 Ende hars leets vergheten
 Mar dat was pine ieghen spoet
 Boerde ne droech niet so sijn moet
 Dat hi der ioncfrouwen iet begherde
 Die doch haren sin verterde
 4790 Ende leuede met arbeide
 Wat holpe dat icker meer of seide
 Die nacht entie auontstonde
 Dedemen hem alsemen best conde
 Totes morghens dat men sach
 4795 Verbaren den sconen dach
 Doene wilde hi langher letten niet
 Boerd. so wat dat men hem riet
 ¶ Lambegues die met hem quam
 Die harde sconen orlof nam
 4800 An den here van daer binnen
 Ende seide god moeste bekinnen
 Ten ioncsten daghe bi siere ghenaden
 Der houescheit die si hem daden
 [.....]

[23 verzen ontbreken]

- 4805 Diere cledre van sindale
 Ende hi was ghereden wale
 Hi groete die ridders alse hi eerst [mochte]
 Ende die ioncfrouwe van der hagh[edochte]
 Ende vraghedem om niemare
- 4810 Ende der ioncfrouwen wane si war[e]
 Waer si voeren ende wat si sochten
 Of si iemene te sprekene rochten
Boerd seide iawi here
 Berecht mj dur die godes [ere]
- 4815 Of gi lantslote ierghent sa[ghet]
 Om hem soud ic v hebben gheu[raghet]
 ¶ Doe seide die ridder dat hine sa[ch]
 Ende hiere hem wel of segghen [mach]
 Hi heuet gheleghen te minen [huse]
- 4820 Hi hadde den coninc badagam[use]
 Ghesien ende ghesproken
 Ende hadde hem in sijn hof ghewr[oken]
 Ouer hem diene beriep te campe
 Ende gheclaret van den scampe
- 4825 Doe ickene lest sach
 Te minen huus daer hi lach
 Ende hi orlof hadde ghenomen
 Ende het so vort was comen
 Voer hi al onghespaert
- 4830 Ter doloruser gaerde waert
 Daerne god moeste bewaren
 Ende wilde spoedelike varen
 [Ende sijns ors n]iet vele miden

[23 verzen + 3 verzen ontbreken]

- Dat hare har vrouwe beual
 4835 Ende ne wilde vort varen nietmee
 ¶ Doe dedese boerd toter zee
 Lambeguesse bringhen
 Ende scieden doe met desen dinghen
 Ende boerd was in dien begrepen
 4840 Hem ne wilde sijn ors ghebreken
 Hi soude lantslote vinden
 Sint dat hijs hem begonste onderwinden
 Of hi soudene soeken van daer
 Des hi hadde ghereden .i. iaer
 4845 Dit so sprac hi optie vre
 ¶ Nv blijft van hem die aenture
 Ende van lambeguesse ende van hem beiden
 Also si daer waren versceiden
 Hier of latic die tale liden
 4850 Ende sal v tellen van pariden
 Die wilde houden sine gheloue
 Ende voer te badagamus houe
 Alse hi lantslote behiet
 Hine wildes hem lieghen niet
- 4855 Hoe lantsloot badagamuse onboot
 Dat hi sinen sone sloech doot
- H**ier beghint ene tale echt
 Dat parides voer siere vaerde recht
 Doe hi van lantslote sciet
 4860 Te doene dat hi hem behiet
 Dat was dat hi soude riden
 Tes coninc badagamus ende niet onbiden
 Ende draghen hem niemare
 Dat sijn sone verslegghen ware
 4865 Also bereit alse hi was
 Parides eer dat hi ghenas
 Ende quam op enen auont
 Daer .i. scone closter stont
 Ende was daer wel te ghemake
 4870 Ende daermen beterde sine zake
 Een broeder begade sine wonden
 Ende hadder sulc cruut op ghebonden
 Alse hem nutte was ende goet
 Smorghens alse parides op stoet
 4875 Voer hi so langhe dur dat lant
 Dat hi badagamuse vant
 Te guendisam in sinen casteel
 Ende siere liede .i. groot deel
 Daer groete hine alse hi eerst mochte
 4880 Van lantsloots haluen van der hagedochte
 Ende dat hi hem sere bade
 Vergheuenesse ende ghenade

[2 verzen ontbreken]

- D[oe die coninc dese botscap horde]
 Hine was nie so droeue van w[orde]
- 4885 Hi vel neder in ommacht
 Ende verloos al sine cracht
 Ende teerste dat hi was becomen
 Van der niemare die hi hadde vernomen
 Sprac hi ontfarmelike worde
- 4890 Jnt hof daert die meneghe horde
 Ende claghede sere sinen sone
 Dien hi te minnen was ghewone
 Om dat hier hadde nietmee
 So was hem te moede wee
- 4895 Ende vel in ommacht menechwarf
 Hets wonder dat hi niet ne starf
 Ende in sinen sinne bleef
 Vanden rouwen dien hi dreef
 So langhe dat hi begonde vraghen
- 4900 Sinen vrienden ende sinen maghen
 Of siere iet of hadden verstaen
 Ende waer si den licham hadden gheda[en]
 Ende of siere iet of hadden verhort
 Dan die niemare entie wort
- 4905 ¶ Sie seiden ia si allegader
 Mar omme dat gi waert sijn vader
 Ne durste wijs v niet ghewaghen
 Om dat ghijt qualike sout verdraghe[n]
 Mar si seiden alle ghemene
- 4910 Hi ware ten castele van den .iiij. sten[en]
 Bouen der erden onbegrauen
 Daer hadden sine doen draghen
 Teersten dat hi was bleuen
 Ende verloren hadde sijn leuen
- 4915 Doe mocht die coninc te bet ghedogh[en]
 Om dat hine noch waende sien met o[ghen]
 Sinen sone die lach doot
 Mar die coninc die gheboot
 Dat menne lede daer hi ware
- 4920 Doe was daer die meneghe in vare
 Teerste dat hine saghe
 Sinen sone die doot laghe
 Dat hi steruen soude mede
 Ende bliuen daer ter stede
- 4925 Nochtan ne wilden sijs laten niet
 Sine daden alse hi selue hiet
 Ende ghereiden hem darwaert
 Sine voeren nie so droeue vaert
 ¶ Mar eer die coninc dane sciet
- 4930 So beual hi ende hiet
 Dat si den ridder wel besaghen
 Ende si sijns ghemakes plaghen

[3 verzen ontbreken]

- [Ende] na[m]ene op sijn gheleide
 [Si] voeren wech dach ende nacht
 4935 [Al] dat si mochten met alre cracht
 [Ende] quamen eer si ghefenen
 [Ten] castele van den .iiij. stenen
 [Da]er vant die coninc sijn kint
 [Doo]t verslegghen. ic wane noit sint
 4940 [Sul]c rouwe was ghedreuen
 [Mel]iagants houet lach beneuen
 [Den] lichame of ghehouwen
 [Die] vader namt met meerren rouwen
 [Da]n nie man sach te ghere stont
 4945 [Hi] cuset dicke an den mont
 [Als]je die ghene die was onvro
 [Da]t was ghebalsemet so
 [Ende] daertoe die lichame
 [Da]t niemene dede mesquame
 4950 [So]judic v tellen van ende torde
 [Da]t grote gheween die droeue worde
 [Da]t die vader hadde om den sone
 [Mel]iagande wies ic vermone
 [All]je diet horden hem mochts verdinken
 4955 [Hin]je mochte eten no drinken
 [Hem] ne was ghene spise bequame
 [Do]je dede hi draghen den lichame
 [Ter]je heiligher ermitage
 [In] een lant hiet sauage
 4960 [Da]t stont binnen enen foreeste
 [Da]t alre wideste dat alre meeste
 [Da]t men ierghent wiste
 [Men] leidene in enen dire kiste
 [Met] die meeste sierhede
 4965 [Di]e men in langhen om doden dede
 [Wa]s meliagant begrauen daer
 [De]s menich hadde therte suaer
 [Du]rs vader wille niet dur den sinen
 [Hi] hadde den meneghen brocht in pinen
 4970 [Ma]r al hadde hi der doot verdient
 [Hi] hadde nochtan meneghen vrient
 [Di]e sere clagheden haren toren
 [Ende] sijn vader al te voren
Doe die dode was begrauen
 4975 Men moeste den coninc dicke lauen
 Van der ommacht daer hi in lach
 [Ee]r menne bec[om]en sach
 [Du]s keerden si weder in groten sere
 [M]jetten coninc haren here
 4980 [H]jets wonder dat hi niet doot ne bleef
 [V]an den rouwe dien hi dreef

[3 verzen ontbreken]

- [D]aer [die m]enege te voren [...]
 Sine sone hadde ghesien
 Dat hem nemmermeer mochte ghescien
 4985 Des tyede hi vele sinen lieden
 Dat si so dicke van hem scieden
 ¶ Dus bleef hi daer ter stede
 Driuen sine serichede
 Meneghen dach ende menech iaer
 4990 Eer dat hi sijn leuen verloos daer naer
 Ende helt stille in sinen zale
 Ny latic hier van desen die tale
 Daer hi sinen rouwe dreef
 Met sinen lieden daer hi bleef
 4995 Ende ic wil ons vroet maken
 Van her galioots saken
 Ende van den coninc arture
 Daer of beghint dese aenture
- Hoe artur voer iaghen. ende sijn vrouwe
 5000 Dat hem al quam te groten rouwe
- Nv merct gi heren dit beghin
 Van der aenture die comet in
 Doe die coninc artur helt
 Een groot hof met ghewelt
 5005 Tenen pinstren alse hi plach
 Ende recht opten andach
 Van den pinster daghe
 Voer die coninc iaghen
 Nochtue was sijn hof niet versceiden
 5010 Ende hi dede met hem gheleiden
 Die coninginne met ridders vire
 Men salse hier achter nomen scire
 Hoe si hieten ende wie si waren
 Die metter vrouwen quamen geuaren
 5015 Ende wel ghewapint alse om har leuen
 Die vrouwe was hem te gheleidene ghegheuen
 Ende andre ioncfrouwen .i. groot ghetal
 Diese hadden te gheleidene al
 Ende te bevredene haren toren
 5020 ¶ Die coninc was in den woude voren
 Met meneghen riddre gheuaren
 Ende coninghe uele diere waren
 Die vonden wilt menichfout
 Ende stroiden hem achter twout
 5025 Si hadden der vrouwen al vergheten
 Want daer hadde hem menich vermeten
 Dat hi hem ter iacht wel soude doen
 ¶ Die coninc voer ende menich baroen
 In dat wout so verre
 5030 Dats sulke sider worden erre

[3 bladen ontbreken?]

In sijn ghereide ende op sijn paert
 Als .i. die was onveruaert
 Ende greep manlike sijn spere
 Also die te vechtene hadde ghere
 5035 Dat harde starc was an scine
 Ende sagremor greep tsine
 Ende om haelden hare orse
 Si quamen te samen met sulker porse
 Dat die ridder tumelde ter erde
 5040 Ende vel so sere dat hem derde
 Ter herte. ende an al die lede
 Hi lach als een die sijn ghebede
 Doet in ene kerke
 Hi quetste hem so sterke
 5045 Hine mochte roeren hande no voet
 So wee dede hem dat ghemoet
Binnen dien quam die andre naer
 Alst den ghenen stont so suaer
 Also diene gherne hadde ghewroken
 5050 Sagremor ne hadde sijn spere niet te broken
 Ende raecter den ghenen mede
 Ende dedene uallen daer ter stede
 Also die andre dede te voren
 Die waende hebben tlijf verloren
 5055 Mar dese ne quetste hem niet so sere
 Nochtan was hi vten kere
 Een luttelkijn eer hi bequam
 Sijn swerd hi met haeste nam
 Ende seide ridder beit te voet

[23 verzen ontbreken]

- 5060 Want dat swerd dat was so goet
 Hem liep hersene ende bloet
 Neder ter erden int gras
 Die so sere ghewont was
 Ten andren slaghe vel hi neder
- 5065 Die nemmermeer ne rechte weder
 No ne seide wiet hem dede
 Want hi bleef daer doot ter stede
 Dus verghinc den ghenen sijn spel
 ¶ Die ghene die daer teersten vel
- 5070 Hi hadde hem seluen .i. stucke vergheten
 Binnen dien was hi weder op gheseten
 Ende sach waer sijn gheselle lach
 Also een die niet meer ne mach
 Hi riep uaste ghenaden here
- 5075 Ghi soudt v wreken alte sere
 Naemdi mj mijn leuen hier
 Jc kenne wel dat ic was te fier
 Van miere tale ente fel
 Mine ouerdaet die scijnt mj wel
- 5080 Hi leide beide hande te gader
 Ende seide dur gode onsen vader
 Lieue ridder spart mijn leuen
 Dat v god moete vergheuen
 Ten ioncsten daghe al vwe mesdaden
- 5085 Hi riep. hi claghede. hi bat ghenaden
 Sagremor seide ic doet gherne
 Jn dien dat gi van quaden scerne
 Ende van vwer ondaet wilt [onberen]

[23 verzen ontbreken]

- Dus voer sagremor van daer
 5090 Ende quam ghereden daer naer
 Daer hi was al vten weghen
 Ende vant .i. paulioen ghesleghen
 Ende hi vanter voren staen
 Een den lelicsten naen
 5095 Daer hi niet of horde ghewaghen
 No hadde ghesien binnen sinen daghen
 Jerghent in enech lant
 Ende hi hadde enen staf in die hant
 Die groot was ende suaer
 5100 ¶ Ende also sagremor quam bet naer
 Om te groetene die hi daer sach
 So gaf die naen enen slach
 Sagremors paerde
 Dattet al verstaerde
 5105 Van den slaghe diet hadde ontfaen
 ¶ Doe sprac sagremor ten naen
 Also helpe mj god onse here
 Ne lagher niet an mine onnere
 Jc soude wreken nv mijn paert
 5110 ¶ Die naen hi was al onveruaert
 Ende gaf echter enen slach
 Den orse die hem sere wach
 Optat houet bouen den oghen
 ¶ Doene mocht die ridder niet langer gedogen
 5115 Ende voer den naen bet naer
 Ende sloech sine ene hant int haer
 Ende hiefene op ende warpene weder

[23 verzen ontbreken]

- ¶ Sagremor kendene wel
 Ende vraghedem hoe dat gheuel
 5120 Dat hi daer sat gheuaen
 Ende wie dat hadde ghedaen
 Deen kende den andren wel
 ¶ Doe seide die ridder dat hem gheuel
 Dat hi den coninc volghede naer
 5125 Ter iacht wart ende hi quam daer
 Al onghewapint want hem ne dochte
 Niet sijn comen in anrochte
 Alse mj ghesciede .i. luttel hier te voren
 Dese ioncfrou hilt enen horen
 5130 In hare hant ende hiet mj blasen
 Ende ic liet mj so verduasen
 Dat ic den horen dede te monde
 Ende blieser mede ene corte stonde
 Binnen dien quamen hier ghereden
 5135 .ij. ridders die mj dese onseden
 Daden si waren ghewapint wel
 Ende te mj wart alte fel
 Si waren starc ende groot
 Ende ic was van wapinen bloot
 5140 Doe moest ouer mj gaen
 Ende hebben mj aldus gheuaen
 ¶ Des hadde sagremor toren
 Ende vraghede waer es die horen
Die ioncfrou seide ic lenen v
 5145 Wildiere mede blasen nv
 Jaic sprac sagremor

[23 verzen + 3 bladen ontbreken]

- Die tralie die daer stoet
 Was van ysere uast ende goet
Binnen dien quam ene ioncfrou ghegaen
 5150 Ende hadde van sagremore verstaen
 Hoe sine saken waren comen
 Ghelijc dat die rose bouen andren bloemen
 In den soemer scone staet
 Smorghens metter dagheraet
 5155 Was hi scone bouen meneghen man
 Daer was uele te prisene an
 ¶ Si sach sagremore daer binnen
 Een deel begonste siene minnen
 Dur sine scone ghedane
 5160 Daer uele was te prisene ane
 Si sprac an hem behendelike
 Ende seide god van hemelrike
 Scone ridder die moet v houden
 Ghi sijt gheuaen bi onscouden
 5165 Ende dur anders mans wille
 Mar ic sal v beraden stille
 Van den soonsten ende van den besten
 Dat hier sal comen binnen der uesten
 Nemmer ne hebs mijn vader danc
 5170 Ic achte luttel op sijn beduanc
 Jc sal v spreken ende gi mj
 Dicke wile ende wesen bi
 Sagremor sprac ioncfrouwe
 Deser doghet ende deser trouwe
 5175 Moete v lonen der maghede kint
 Ende si beriet hem cortelike sint
 Enen vetten capoen wel ghebraden
 Die hem wel quam te staden
 Ende wijn ende broot
 5180 An te vane dur die noot
 Waneer dat hijs begherde
 Van des men vant bouen den erde
 Dat men drinken mocht ende eten
 Ende leets bi vergheten
 5185 Des beriet si hem ghenoch
 Vroe ende spade sijn gheuoech
 Siene liet hem ghebreken ghene sake
 Si hilden onderlinghe sprake
 Dicken ende te menegher vre
 5190 ¶ Hier latic bliuen die aenture
 Hoe sagremor lach gheuaen
 Ende daer gi of hebt verstaen
 Jc sal v tellen na enen dele
 Na deser tale van doedinele
 5195 **D**oedineel daer men of heft ghehort
 Voer metter ioncfrouwen also vort
 Daer ic die tale of hebbe ghelaten
 Dat hi quam binnen ere straten

- Ende ghemoete enen naen
 5200 Ende ene ioncfrouwe wel ghedaen
 Ende enen ridder dat waren si drie
 Doedineel ghemoete die
 ¶ Nv hort wat die naen dede
 Ene grote dorperhede
 5205 Hi wilde hebben te sinen dele
 Die ioncfrouwe die quam met doedinele
 Des so was si onblide
 Die naen voer bi harre side
 Hi wildese kussen an haren mont
 5210 ¶ Ende si gaf hem ter seluer stont
 Enen slach sonder beide
 Dat hi rumede tghereide
 Ende vel ter erden ouer sine handen
 Dat sach sijn here ende wildet anden
 5215 Ende hi scoot met groten ghere
 Na die ioncfrouwe metten spere
 Ne hadde si der scote niet ontwinct
 Hi hadde se doot of verminct
Hier omme balch hem doedineel
 5220 Ende wilde vellen sijn reueel
 Hi seide valsch ridder ende versaghet
 Hoe comet dat gi niet verdraghet
 Ene ioncfrouwe bi miere wet
 Ghi hadt dit ghelaten bet
 5225 Mi mochte lichte ic soude v steken
 So sere v sout herte breken
 Metten ysere van minen spere
 Die ghene ne vruchte niet ene pere
 Op dat hem doedineel behiet
 5230 Daer omme ne wilde hijt laten niet
 Der ioncfrouwen te doene toren
 Alse hi hadde ghedaen te voren
 So langhe onderspraken si hem daer
 Dat si ten speren vinghen daernaer
 5235 Ende quamen te gader so met crachte
 Dat doedineel tenden scachte
 Den andren stac vten artsoene
 Ende veldene in dat gras groene
 So dat hi lach .i. stucke al stille
 5240 Een deel ghequetst te sinen onwille
 ¶ Doe beite doedineel ter erde
 Die prijs te beiaghene begherde
 Ende liet sijn ors bi hem staen
 Dat hem node soude sijn ontgaen
 5245 Vor sijn rechte here ware comen
 Ende hijt weder hadde ghenomen
 Hi vinc te sinen swerde doe
 Ende hi tract vten scoe
 ¶ Binnen dien was die [ander] becomen
 5250 Ende hadde sijn sw[erd ghenom]en

- Ende ghinghen onderslaen te voet
 Si hadden te vechtene goeden spoet
 Ende sloeghen emmer slach in slach
 Daer ne was gheen verdrach
 5255 ¶ Binnen dien doedineel gherakede
 Enen slach die niet ne smakede
 Den andren in sinen scilde
 Dat hi wilde of ne wilde
 Hi moester laten steken binnen
 5260 Hine conster vte niet ghewinnen
 ¶ Die ander ontwranct hem vter hant
 Daert stac in des scilts cant
 Doe moeste doedineel achter gaen
 Die ridder ghinc op hem slaen
 5265 Die doedinele versochte
 Hi decte hem alse hi best mochte
 Jeghen ghene slaghen
 Den andren begonste die arm traghen
 Ende wart vermoeit .i. groot deel
 5270 ¶ Alse dit verkende doedineel
 Dat an den ghenen was cranken were
 Stac hinc met goeden ghere
 Vor die borst metten scilde
 Dat hi wilde of ne wilde
 5275 Vallen moeste optie erde
 Van der steke die hem so derde
 Ende hem verwandelde sine ghedane
 Ende doedineel ghinc hem ane
 Ende trac hem of den stalin hoet
 5280 Die vast was ende goet
 Ende maecte hem sijn houet bloot
 Doe seide hi ridder gi sijt doot
 Die van eersten waret so fel
 Jc sal v ghematen wel
 5285 Binne dien was die ridder becoelt
 Vander wonden die hi hadde gheuoelt
 Ende spranc op van der erde
 Ende vercoeuerte ten swerde
 ¶ Ende doedineel dat sine trac
 5290 Vten scilde daert in stac
 Doe ghinghen si hem onderslaen
 Alsi te voren hadden ghedaen
 Suare slaghe ende groot
 Die ghene hadde thouet bloot
 5295 Hine mochtet langher niet ghedoghen
 Hem liep tbloet ouer die oghen
 Die cuffie ne mocht niet ghedraghen
 Sonder helm. die suare slaghen
 Hi moeste bliuen in die scade
 5300 Ende riep ridder ghenade
 Jc kenne d[at ic b]en verwonnen
 [God hi heuet v dies gheon]nen

- Hi was v houder dan mj
 Hets goet recht ic seg v twi
 5305 Jc bekens mj seluen wel
 Dat mi dorperheit gheuel
 Bidien ist ouer mj vergaen
 Jst v wille gi moghet mi slaen
 Jc gheue mj op al gheheel
 5310 ¶ Doe antworde doedineel
 Ende seide ridder ic late v leuen
 Wildi v vriendelike op gheuen
 Ende varen daer ic v sende sal
 Dus moghedu verdinghen al
 5315 Ende leuen vort met minnen
 Dats ter fonteinen van der aluinnen
 Daer suldi die coninginne vinden
 Ghi sult hare segghen ende onbinden
 Dat icse harde sere groete
 5320 Ende inne hadde ghene moete
 Te varne daer si mj gheboot
 Dat benam mj andre noot
 Dat ic weder niet ne wende
 Segt dat ic v daer sende
 5325 Jn hare ghenaden gheuaen
 Aldus so moghedu hier ontgaen
 Ende verwinnen dit leet
 ¶ Die ghene sprac ic bens ghereet
 Dus was ghecort ghene strijt
 5330 Die ridder sat op sonder respijt
 Te doene dat men hem hiet
 Dus nam hi orlof ende sciet
 Ende voer ter coninginnen waert
 ¶ Die naen sat weder op sijn paert
 5335 Daer ne die ioncfrou of sloech
 Ende dat hi so qualike verdroech
 ¶ Doe bat hem doedineel
 Dat hi hem seide .i. deel
 Waer omme hi die ioncfrowe ane reisde
 5340 Ende dat hi hem niet ne vreisde
 ¶ Die naen antworde ouerlanc
 Bi gode ridder het dede beduanc
 Ende ic mach v segghen hoe
 Mijn here duanker mj toe
 5345 Hi wilde dat ic begonste den strijt
 Hi heuets gheploen langhe tijt
 Nv es hijs bleuen in die onnere
 ¶ Binnen dien volghede hi sinen here
 Die ter coninginnen voer
 5350 Ende alsenre of sach dat boer
 Quam her keie ieghen hem ghegaen
 Hine wiste wat hi wilde bestaen
 Weder quaet ofte goet
 Ende alse her keie doe verstoet

[1 blad ontbreekt]

- 5355 Nv beghint hier ene tale
 Die coninginne vel te dale
 Dicke wile in ommacht
 Ende verloos al hare cracht
 Ende alsie weder was becomen
- 5360 Sprac si god moete nv verdoemen
 Die doot dat si mj laet leuen
 Ende hi des lijfs heft begheuen
 Die bloeme was van al dien
 Die ridderscaps plien
- 5365 Met rechte claghe ic mine scade
 Si was sere tenden rade
 Daer mochten sien mesbaren
 Alle die met har waren
 Om harre vrouwen toren
- 5370 Die waende hebben tlijf verloren
 Ende diemen so mesbaren sach
 ¶ Die ridder die daer ter erden lach
 Die die coninginne vreisde
 Van erst ende anereisde
- 5375 Die de drie ridders ter neder stac
 Hi was becomen so dat hi sprac
 Ende vraghede der vrouwe
 Wes si dreue sulken rouwe
 Ende wes si har so mesliet
- 5380 ¶ Die vrouwe sprac inne machs niet
 Dat ic hebbe rouwe groot
 Die bloeme van ridderscepe es doot
 Nvne achtic ridderscaps al niet
 Sint dat hi van der warelt sciет
- 5385 ¶ Doe vraghede die ridder om niemare
 Wie dat die ridder ware
 Die daer sinen ende hadde ghenomen
 Ende daer hare die rouwe of was comen
Die coninginne seide het ware lantsloot
- 5390 Doe hadde die ghene rouwe groot
 Of meerre dan die coninginne
 Ende was so sere tenden sinne
 Beide van rouwen ende van claghen
 Hem allen ontfarmets diet saghen
- 5395 Ende die hem waren so ghehede
 ¶ Die vrouwe vraghede of hine kende
 ¶ Hi seide hi kendene so vort
 Ende hadder so uele of ghehort
 Dat hi achter desen dach
- 5400 Nemmermeer blide wesen mach
 Hi weende hi dreef groten rouwe
 Doe ghereide hare die vrouwe
 Ende wilde varen te cardeloot
 Si hiet hem allen ende gheboot
- 5405 Dat niemen ne make niemare
 Van des dat daer gheuallen ware

- Toter wilen en de toter stonde
 Dat die van der tafelronde
 Weder te houe waren comen
 5410 Ende men andre dinc hadde vernomen
 ¶ Dus scieden si alle van daer
 Daer hadde die meneghe therte suaer
 Ende voeren tote cardeloot
 Al driuende haren rouwe groot
 5415 ¶ Mar die coninginne hadde wel beuolen
 Dat ghene saken bleuen verholen
 Ende dats daer niemene ghewoeghe
 Onthier. ende het har seluen voeghe
 Ende men decte die niemare
 5420 Hier blijft die tale van hare
 Ende van die se te houe brochte
 Ende kere te lantslote van der haghedochte
Hier seghet ons die tale
 Dat lantsloot voer tenen male
 5425 Metter ghedagher ioncfrouwe
 Om te behoudene sine trouwe
 Dat langhe ghinc ouer mjddach
 Binnen dien her lantsloot versach
 Ene ioncfrouwe comen in sijn ghemoet
 5430 Die har leuen harde wel stoet
 Bi al dien dat lantslote dachte
 Op enen muel die telde sachte
 ¶ Doe si hem quam bet ghehende
 Lantslote ende siene kende
 5435 Groete hi se eer si hem dede
 Het was altoos sine zede
 Dat hi ioncfrouwen groete
 Teersten dat hi se ghemoete
 Ende si seide god lone v here
 5440 Ende behoude v in vwe ere
 Ne dade hijs niet so dade hi sonden
 Vwe gheliken ne [wa]s noit vonden
 Van ridderscepe in gheen lant
 Jc wane men sulken ridder noit ne vant
 5445 An v es te prisene ghenoech
 Beide doghet ende gheuoech
 Jnne weet sake die v dert
 Ende gi sijt harde sere beghert
 Jnt lant van strangorre
 5450 Daer soude die meneghe sijn in porre
 Om v te soekene wisten si waer
 Dur v heft die meneghe therte suaer
 Ende die v sere begheren
 Dat si haren sin verteren
 5455 Om v te sprekene ende te siene
 Mochten si v vinden bi engiene
 Ende binnen haren lande bringhen
 Ents hem god wilde ghehinghen

- Daer uore namen si ghene haue
 5460 Al vonden si man die se hem gaue
 Of mochten si horen van v niemare
 ¶ Her lantsloot antworde hare
 Joncfrouwe god lone v
 Der doghet die gi segt nv
 5465 Ben ics werdich of ne ben
 Aldus sciede die ioncfrou van hem
 Ende si voeren vort toter stonde
 Dattet nakede den auonde
 Doe quamen si enen foreeste bi
 5470 Hi ende sie. daer vonden si
 Een harde scone ghesate
 Daer woende in .i. drussate
 Dien foreeste wel ghehende
 Ende die lantslote kende
 5475 Daer waren si beide wel ontfaen
 Ende te ghemake ghedaen
 Van al des men mochte
 ¶ Lantsloot was ghebeddet sochte
 Daer men dicke in den dach
 5480 Sine wonden besach
 Men liet hem niet ghebreken
 Daer in lach hi .iij. weken
 Ende moeste sijns dachs onbiden
 Eer hi gaen mochte of riden
 5485 Ende eer hi mochte wel ghenesen
 ¶ Nv latic hier die tale van desen
 Ende kere weder te doedinele
 Ende salre of segghen van enen dele
Die ioncfrou daer wi of seiden
 5490 Si voeren wech onder hem beiden
 Ende daer hi an was comen
 Nv hort wat men hier sal nomen
 Toter wilen ende toter stonden
 Dat si ene riuiere vonden
 5495 Die wijt was ende diep
 Entie harde sere liep
 Daer ouer ghinc ene brugghe lanc
 Die smal was ende harde cranc
 ¶ Doe vraghede hi der ioncfrouwe
 5500 Ende seide bi vwer trouwe
 Hoe hebdi mi hier brocht
 Ende wat hebbe wi hier socht
 Hoe soudic ouer dese brugghe liden
 Men ne macher ouer gaen no riden
 5505 ¶ Doe sprac si ic seg v wat gi doet
 Laet staen v paert. gaet ouer te voet
 Dats tbeste dat ic can verhoren
 Jc sal allene gaen ouer voren
 ¶ Doe seide hi ter goeder vren
 5510 Jc neme dats mi mach gheburen

- ¶ Die ioncfrou ghinc voren gher[eet]
 Also die der brugghen niet ne meet
 Si hadt dicke te voren ghedaen
 Ende conster te bet ouer gaen
 5515 Die wel hadde verdient lachter
 ¶ Ende doedineel volgheder achter
 Ende liet tender brugghen sijn paert
 Also hi quam ter middewaert
 Was si so cranc ende so clene
 5520 Dat hi hem ouer sine bene
 Langher onthouden niene conde
 Ende vel int water ende voer te gronde
 Ende also hi weder op quam
 Dede dauenture dat hi nam
 5525 Die brugghen in sinen arme beide
 Dat water dede hem so leide
 Des hi te uele hadde ghedronken
 Dat hi te bodeme was ghesonken
 Hi hadt vol sinen lichame
 5530 Dat hem dede suare mesquame
 Nochtan help hem die aenture
 Al wardet hem sere te su[r]e
 Dat hi met alre ghewelt
 Hem an die brugghen helt
 5535 ¶ An danderside quam ghegaen
 Een dorper te voet ende ghinc staen
 Ten ende van der brugghen
 Ende keerde den ridder sinen ruggen
 Ende doedineel riep lieue here
 5540 Helpt mij dur die gods ere
 Vte desen watre of gi moghet
 Dat v god lonet alle doghet
Die dorper antworde wat dadi daer
 In dat water diep ende suaer
 5545 Waendi daer aenture vinden
 Domheit dedes v onderwinden
 Dorper ne es te ghere vre
 Sculdich te doene ridders aenture
 Bidien ne wil ics mij niet bewinden
 5550 Nemet dat gi daer moghet vinden
 ¶ Doe seide die ridder hinc looch niet
 Die den dorp[er] dorper hiet
 No men soude ghenen dorper nomen
 Jnt hof daer goede liede comen
 5555 Ende sine sins werdich niet
 Dat hem so uele eren ghesciet
 ¶ Die ridder was sere tonghemake
 Ende liet den dorper ende die sprake
 Op wien dat hi was gram
 5560 Die ridder pijnde hem dat hi quam
 Optie brugghen metten lichame
 Ende croop so langhe al docht hem scame

[3 dubbelbladen ontbreken?]

- ¶ Doe beite aglouael ter erde
 Ende vinc ghenendelike toten swerde
 5565 Ende seide ridder lyet verwonnen
 Die den strijt heft begonnen
 Op desen ridder onuerdient
 Comt hem te genaden ende blijft sijn vrient
 Jegen den ridder die hier hout
 5570 Of gi v weet der daet bescout
 Jegen den ridder. ende soect genaden
 Ende betert vwe mesdaden
 ¶ Die ander sprac hi sloech te doot
 Minen sciltknape sonder noot
 5575 Nv had ics wrake wel genomen
 Ne waerdi hem niet te staden comen
 Aglouael sprac het ware onrecht
 Soudi ouer enen sciltknecht
 Enen ridder slaen te doot
 5580 Die wrake soude sijn te groot
 Vergeuet hem vwen euelen moet
 Ende sijt gevriende het dunct mj goet
 Anders salt ouer v gaen
 Jnne liete v niet den ridder slaen
 5585 Dur te latene mijn leuen
 Jc wil dat hier si vergeuen
 Al euel moet tusschen v beiden
 Eer ic van v sal sceiden
 So lange dede hi met siere bede
 5590 Dat hise beide versoenen dede
 Ende ghevriende wesen wel
 ¶ Doe vragede die ridder diere uel
 Aglouale waer hi soude
 Hi ware daer in den wilden woude
 5595 Ende het ware den auonde bi
 Lieue ridder. ende bedi
 So comt tameer binnen miere veste
 Herbergen. dat es v tbeste
 So lange spraken si van dien
 5600 Dat siere voeren onder hem drien
 Herbergen bi ghemenen rade
 Om te makene vrientscap ghestade
 Des auonts waren si wel ontfaen
 Soudict v al doen verstaen
 5605 Wat menre at ende dranc
 Het soude v dunken alte lanc
 Na den etene saten si ende spraken
 Weder ende vort van menegen saken
 Alsoe hoghe liede plien
 5610 ¶ Doe vragede die wert mettien
 Aglouale wat hi sochte
 Ende wat nootsake datten uut brochte
 ¶ Doe telde hi van ende torde
 Die redene entie vorworde

- 5615 Hoe dat die coninc voer iaghen
 Ende wat siere daden ende sagen
 Ende hoe hem lantsloot was ontweget
 Des si sere waren ontseghet
 Te houe daer of ende veruaert
- 5620 Ende men ne wiste warwaert
 Dat hi geuaren wesen mochte
 Ende hi seide dat hine sochte
 Ende si .ix. der mede
 Weder ende vort te meneger stede
- 5625 Jc vruchte dat hi ons es onghereet
 Dat gheriedste dat icker of weet
 Dats dat .i. ridder quam ghereden
 Op .i. ors met sconen leden
 Selue sceen hi .i. starc man
- 5630 Ende hi hadde rode wapine an
 Ende voerde eens ridders houet
 Nilics van den buke gerouet
 Dat mochtemer ane wel bekinnen
 Hi leet ter fonteinen van der aluinnen
- 5635 Daer die coninginne sat
 Ende voer bi vort sinen pat
 Hine lette niewet daer
 Mijn her keie volgedem naer
 Mar hine keerde niet
- 5640 Wine weten wat hem es ghesciet
 Weder bliscap ofte lachter
 Ende .i. ridder uolgede achter
 Daer wi niet of hebben verhort
 Also uele als .i. wort
- 5645 ¶ Doe peinsde die ridder van daer binnen
 Lietic desen ridder bekinnen
 Dat ic was diere voer
 Daer die vrouwe of sach dat boer
 Beide van den houede ende van mj
- 5650 Jc ben wel seker des dat hi
 Mi nijt soude dragen ende wanconnen
 Ende van lantslote soude of gonnen
 Hi si doot of ne si
 Dese ridder soudt tyen mj
- 5655 Ende seide dat hi niet ne wiste
 No geweten conste bi liste
 No binnen langen hadde gehort
 Also uele als .i. wort
 Van lantslote. anders dan hi daer seide
- 5660 God moesten verden van leide
 Mar om dat gi mijn gast sijt
 Jc sal v morghen te primetijt
 Keien den drussate wisen
 Wildi mine herberge prisen
- 5665 Aglouael dankets hem sere
 Ende seide ia ic lieue here

- ¶ Doe wijsde hem die wert enen ermite
 Ende seide hem sekerlike
 Hi soude daer keien vinden
 5670 Wilde hine te seekene bewinden
 Ende of hine ooc niet vonde daer
 Hi soude cortelike comen daer naer
 ¶ Aglouael dancte hem sere
 Der doghet enter ere
 5675 Die hi hem dede daer ter stede
 Si ghingen slapen bi lieuer lede
 Toter wilen dat was dach
 Ende dattene aglouael versach
 Doene wilde hi langer letten niet
 5680 Te seekene dat hi behiet
 Ende dat hi vinden niet ne mochte
 Lantslote vander hagedochte
 Teerste dat hi was ghereet
 Dat lange letten was hem leet
 5685 Hi nam sconen orlof
 An al die waren achter thof
 Ende voer daer hem die werd vermaende
 Ende daer hi keien vinden waende
 Ter ermitagen daer hi seide
 5690 Met haesticheden sonder beide
Binnen dien liet die werd gaen
 Keien dien hi hadde geuaen
 Jn dien dat hi ten heiligen suoer
 Eer dat hi dane voer
 5695 Dat hi nemmermeer gewoeghe
 No nemmermeer vort droege
 Wie dattene hadde geuaen
 Op dat so liet hi keien gaen
 Ende wijsdene tote aglouale
 5700 Hi voer van daer met deser tale
 Daer hem die werd hadde gheseit
 Ende vant aglouale ghereit
 Deen ontfinc den andren wel
 Ende hadden bliscap ende spel
 5705 Dat si te samene waren comen
 ¶ Doe ghinc aglouael nomen
 Hoe si Lantslote hadden onghereet
 Ende datmen te houe niet ne weet
 Wane hi quam ende waer hi voer
 5710 Sine wister of gheen gheboer
 Warwart hi wesen mochte
 Ende seide hem wie dattene sochte
 ¶ Doe suoer keie daer ter stede
 Dat hi soude varen mede
 5715 Om te vindene of hi mochte
 Lantslote vander hagedochte
 Dus verselden si onder hem beiden
 Die te voren waren ghesceiden

- Ende voeren wech daer ter vre
 5720 ¶ Hier blijft staende dese aenture
 Nv keric weder te waleweine
 Die voer berghe dale ende pleine
- Hoe walewein verlost sagremoer
 Doe hi lantslote soeken voer
- 5725 Hier laet dese aenture bekinnen
 Die wi nv lesen beginnen
 Dat doe her walewein sciet
 Van sinen gesellen die hi liet
 Doe hijt swerd hadde ghesien
 5730 Dat so bloede. doe quam na dien
 Mijn her walewein die sochte
 Lantslote van der hagedochte
 Hi voer .ij. daghe al dure
 Eer hi vant aenture
 5735 Daer iet an te vertelne lach
 Daer na opten vierden dach
 Wart hi beuaen met enen vake.
 Sijn herte was suaer ende tongemake
 Ende leuede met onreste
 5740 Ende quam vor mathamas veste
 Eer hijs hem bedochte
 Om aenture die hi sochte
 Met dat hi dus quam ghereden
 Was hi ghene ueste leden
 5745 Eer hijs hem vorsach
 Dat dede die slaep die hem an lach
 Dat hier niet of hadde verstaen
 ¶ Ende mathamaes hi quam gegaen
 Om te cortene sinen dach
 5750 Vor sine porte ende hi sach
 Waleweine gewapint riden
 Hi groetene met dat soude liden
 ¶ Mar walewein ne horets niet
 Dat dede die vaec die hem ne liet
 5755 ¶ Hier omme blach hem mathamas
 Die here van daer binnen was
 Ende waende dattie ridder hadde onwerd
 Dat hine te groetene niene beghert
 Hi dede hem wapinen ter vaert
 5760 Ende sat op al onghespaert
 Alsoe die sere was verbolgen
 Ende voer waleweine volgen
 Met scilde ende met spere
 Alsoe die te vechtene hadde ghere
 5765 Op waleweine die daer leet
 Ende die hem tandwordene vermeet
 Daer omme was hi verbolgen
 Ende voer waleweine volghen
 Ende hi riep ridder keert v omme
 5770 Die lange sweghet alsoe .i. domme

[29 verzen ontbreken]

Ende her walewein maecte hem thouet bloot
 Ende vander [cu]ffien die was goet
 Ende van den [h]elme diere op stoet
 ¶ Doe riep m[a]thamas genaden
 5775 Hem dochte [h]i was sere verladen
 Daer toe du[a]nghene die noot
 Ende seide rid[d]er sladi mi doot
 Inne hadde niet iegen v mesdaen
 Ghi souts grote sonde ontfaen
 5780 Laet mj leuen dur onsen here
 Ende dur alre ridders ere
Her walewein seide hets omme niet
 Bi hem die hem cruce liet
 Jc sal v hier ter stede doden
 5785 Inne laets mj niet verbloden
 Jc ben die v niene verdraghe
 Ghine berecht mj des ic v vraghe
 Jc bekenne v nv wel
 Ghi hebt altoos gewesen fel
 5790 Jegen die te arturs houe behoren
 Ghi hebt hier v lijf verloren
 Inne late v niet ontgaen
 Ghine segt mj of gi hebt gevaen

[29 verzen ontbreken]

- Ende worden op waleweine gram
 5795 Ende begonsten hem felle cire togen
 ¶ Mathamas ne wildes niet ghedoghen
 Dat men waleweine messeide .i. wort
 Ende haelde sagremore vort
 Die in vangenessen lach
 5800 Her walewein was blide doe hine sach
 Ende helden tale ende weder tale
 Onder hem lieden in den zale
 Ende vertrecten har couent
 Vor alle diere waren omtrent
 5805 Mathamas louede daer
 Ende seide hi soudt houden waer
 Dat hi te houe soude riden
 Ende langer niet onbiden
 Ende vertrecken daer tcouent
 5810 Hoe dattene walewein daer [ha]dde ghesent
 Ende op welc .i. ghelof
 ¶ Doe rumede walewein dat hof
 Met sagremore dien hi daer vant
 Ende sette hem spel an hant
 5815 Hoe si lantslote hadden verloren
 Ende alsemen horde hier te voren

[29 verzen ontbreken]

Hine wilde niet keren dur bloothede
 Hi was die hem niet veruaerde
 Hi beite neder van sinen paerde
 5820 Want hi sach ouer twater staen
 Enen casteel wel gedaen
 Ende wilde weten die niemare
 Wiere in woende ende wes hi ware
 Des so wilde hi nemen goom
 5825 Ende bant sijn ors an enen boom
 Daer so liet hi staen sijn paert
 Ende ghinc ouer onueruaert
 ¶ Binnen dien hadde hi vernomen
 Enen ridder iegen hem comen
 5830 Ghewapint op .i. starc paert
 Wat dat hi mochte tot hestore waert
 Ende hestor diene ghemoete
 Harlijc [and]ren niet ne groete
 Dan metten spere voren
 5835 Die ghene hadde scire den slach verloren
 ¶ Hestor gheraectene so
 Den ridder dat hijs was onvro
 Ende keerde die voete opwaert
 Beide hi ende sijn paert

[29 verzen ontbreken]

- 5840 Met bliscepen ende met reuele
Man ende wijf .i. groot getal
Die hem vielen te voeten al
Dat hi hem des duuels hadde verlaten
Dien noit ridder ne conste gematen
- 5845 Daer si mede waren verladen
Si boden hestore ende baden
Den casteel dien hi daer sach staen
Ende seiden wilde hine ane vaen
Si soudene hem gerne op geuen
- 5850 Ende met hem leiden har leuen
Alse lange alse hi mochte gewaren
End se god wilde sparen
So wilden si hem in hulpen staen
Ende seiden dat daer lach geuaen
- 5855 Een ridder die te arture behorde
Doe gingen si wech metten worde
Ende leden hestore daer binnen
Sien mochte hi den ridder bekinnen
Die daer in vangenessen lach
- 5860 Ende teerste dattene hestore sach
Was die een van den anderen blide
Ende elc scoot an sanders side

- Ende deilden menech scone wort
 Inne cant niet al gesegeen vort
 5865 Men rechte tafeln ende ghinc eten
 Die ridder was scire vergeten
 Ende alsemen weder op dede
 Ende si hadden gheten bi lieuer lede
 Doe wilde hestor dane riden
 5870 Ende langer niet onbiden
 Ende doedinele met hem leiden
 Ende alse hi dane wilde sceiden
 Waren si droeue van den worden
 Alle die ghene diet horden
 5875 Hine ware bleuen binnen der zale
 Mar des ne halp ghene tale
 Alst also vort was comen
 Dat si orlof hadden genomen
 ¶ Hestor ende doedineel die wilde
 5880 Voeren wech die ridders milde
 Hestor vertelde die redene al
 Doedinele groot ende smal
 Hoe die saken comen waren
 Ende hoe die heren waren geuaren
 5885 Te soekene lantslote
 Om hem waren die genote
 Droeue men ne wiste waer hi was
 ¶ Ende doedineel antworde das
 Dat hi mede wilde sweren
 5890 Hine wilde des eets niet onberen
 Dat die andre hadden ghesuoren
 Alsemen horde hier te voren
 Ende alse hi den eet hadde gedaen
 Ende alsene hestor hadde ontfaen
 5895 Voeren si wech onder hem beiden
 Alse die niet ne wilden sceiden
 Vor die termijn was comen
 Dien si onderlinge hadden genomen
 Die gesellen doe si scieden
 5900 Alse gi hort bedieden
 Vergaderden si op enen dach
 Dat harlijc sinen geselle sach
 Ten swarten cruce. in den foreeste
 Ende dreuen onderlinge feeste
 5905 Meer dan ic v vertellen mach
 Alse deen den andren sach
 Mar dat si binnen desen stonden
 Lantslote niet ne vonden
 Ende dattene har negheen ne sach
 5910 Des hadden si harde suaer verdrach
 Ende droegen des ouer een
 Daer ne bleef achter har ne gheen
 Dat sine souden soeken varen
 Ende als scieden die daer waren

- 5915 Ende orlof namen daer ter steden
 Weenden si van iamerheden
 Op aenture wat hem soude ghescien
 Ende of dien den andren noch soude sien
 Ende voren wech altemale
- 5920 ¶ Nv latic staen hier die tale
 Van al desen heren
 Sonder op waleweine wil ic keren
- Nv suldi horen op dese vre
 Van her waleweins aenture
- 5925 Nv gaet hier echt ene redene in
 Daer gi of horen moghet begin
 Ende lesen ende tellen
 Doe walewein voer van sinen ghesellen
 Die hem spreiden hare entare
- 5930 Om te vereischene niemare
 Van lantslote mochten siere an comen
 Ende walewein hadde den wech genomen
 Dien hi harde lange voer
 Ende hi vernam van niemene boer
- 5935 Van dien die hi sochte
 Ende dicke sere bedochte
 Daer hi felle aenture vant
 Ende walewein quam te hant
 Ten lande van strangorre waert
- 5940 Hine haddes daghes niet ghespaert
 Die lanc was ende heet
 So dat sijn ors was al besweet
 Ende moede vtermaten
 Ende sach bi ere straten
- 5945 Ene fonteine dier hi nam goom
 Daer omme stont menich scone boom
 Daert onder goet rusten was
 Ende her walewein beite int gras
 Optie fonteine daer hi hem coelde
- 5950 Ende daer hi den wint gheuoelde
 Dat hi vergat sinen rouwe
 ¶ Binnen dien quam daer ene ioncfrouwe
 Die waleweine harde scone dochte
 Op enen muul. die telde sochte
- 5955 ¶ Si groete waleweine saen
 Die sinen helm of hadde gedaen
 Harde vriendelike. ende hi hare
 Teerste dat hierre wart geware
 Si kendene wel doe siene sach
- 5960 Ende seide here hets anden dach
 Ghegaen ene lange stonde
 Ende naket scire den auonde
 Bi dien radic v dat gi
 Tauontmeer comt herbergen met mj
- 5965 Dats v tsienste dat ic weet
 Die herberge sal v wesen ghereet

- ¶ Hi ontseide har ende si bat
 Ende si seide daer ne ware ghene stat
 Daer hi herberge soude vinden
- 5970 Al wilde hise te soekene bewinden
 So lange dat siene an di[en] brochte
 Dat hi se begherde ende sochte
 Dat sine bemaende ende besuoer
 Dat walewein met har voer
- 5975 Ende wilds hare bede niet verhoren
 Hi hadde snachts gelegen te voren
 Tenen clostre daer hi sine wapine liet
 Om andre daer men hem bet toe riet
 Ende om dat hi niet ne wilde
- 5980 Mijn her walewein die milde
 Dat menne ouer al bekende
 Quame hi verre of gehende
 Dus voer hi in corter wilen
 Om die mate van ere milen
- 5985 Jn der ioncfrouwen geleide
 Diene herbergede ende daer ic of seide
 Om dat hem dochte tbeste
 Si leidene binnen ere veste
 Daer hi wel was ontfaen
- 5990 Ende sijn ors toe gemake gedaen
Binnen dien so quam .i. bode
 Ende seide ioncfrouwe bi gode
 Hier comt mijn here van hier binnen
 Bi al dat ic can bekinnen
- 5995 Brinct hi binnen siere scaren
 .xx. ridders die comen geuaren
 Alle in siere geleiden
 Nv doet genoegh gereiden
 Sprac die ghene ic bens vast
- 6000 ¶ Doe vragede walewein har gast
 Wat dien here mescomen mochte
 Dat hi al die ridders brochte
 ¶ Die ioncfrou antworde na desen
 Here hier sal morgen wesen
- 6005 Een vermeten tornoi bi.
 Ende dur dese sake ende bedi
 Dat v werd ende mijn here
 Gherne soude ontfangen ere
 Jn den tornoi ende prijs
- 6010 Soeket hi in elker wijs
 Om hulpe ende om cracht
 Alsoe die gerne name macht
Die coninc marboer
 Sal grote helpe hebben oer
- 6015 Ende mach gheuen grote haue
 Mijn here es onthouden met enen graue
 Die iegen den coninc sal wesen
 Nv wouts god wies sal genesen
 Si hebben hem beide sere vermeten

- 6020 Morghen sal men den fijn weten
 Wie daer hebben sal die ere
 ¶ Binnen desen quam die here
 Met sinen ridders in dat hof
 Ende beite ter eren of
- 6025 Si waren alle bet ontfaen
 Dan ic v mochte doen verstaen
 ¶ Doe maecte die vrouwe vroet
 Haren here so dat hi wel verstoet
 Dat daer her walewein comen ware
- 6030 Hi was blide van der niemare
 Ende ontfinghene wel met eren
 Dus waren te samene daer die heren
 Ende hilden onderlinge sprake
 Si hadden ghenoech van meneger sake
- 6035 Doe die dienst was gedaen
 Entie maeltijt vergaen
 Bat die here sinen gast
 Met goeder herten harde vast
 ¶ Entie ridders allegader
- 6040 Badens der aenturen vader
 Waleweine die bi hem sat
 ¶ Entie vrouwe mede bat
 Dat hi wapine droeghe
 Dur sine genaden oft hem voege
- 6045 Opten anderen dach daer naer
 Metten gonen die waren daer
 Ende helpen behouden hare ere
 Des baden si waleweine sere
 Diet node soude hebben ontseit
- 6050 Ende sprac hi waers ghereit
 Alte doene dat hi wiste
 Beide met crachte ende met liste
 Dat goet ridder soude bestaen
 Ouer die hem ere hadden gedaen
- 6055 Des waren si alle toe gemake
 Ende dancten hem sere dier sake
 ¶ Doet tijt was ende hem goet dochte
 Ghingen die heren slapen sochte
 Des men den sconen dach vernam
- 6060 Ende dat licht in dien zale quam
 Ende teerste dat mene mochte bekinnen
 Stont op die here van daer binnen
 Entie ridders altemale
 Die daer lagen achter dien zale
- 6065 Ende ghingen hem scoeien ende cleden
 Ende daden hem wapinen ende gereden
 Alsoe die niet wilde sparen
 Van alle den ridders die daer waren
 Daer ne was nieman so scire ghereet
- 6070 No gewapent no ghecleet
 Alsoe walewein des heren gast
 Ende dede sijn ors zadelen vast
 Ende vort bringhen in dat hof